

Saaka wvù Jee wvu εkumε Jisos no Jon to Saηεε

Fiεε fi nu ê Nwa' Jon wvun e

Saaka wvù jee wvun wvù Jon to saηεε nu ε wvù dunçi le Jisos nu Diεw Nyo' yì to nu wase fonkεw ε yì mεy lo, ε é nu yì yì to nu ε tu wee wvu. Nwa' wvudvu kebεε jemyi le saaka wvù jee wvun nu ε bó to saη wvu le bonyii bò taηke nulo ebee le Jisos nu Mboyse wvù Nyo' to kawεε, nu Waa Nyo', é bó lese fitele yì ye le, é bó ke ekεηke nshii wvù mεy lo (20:31).

Fiεε fi Jon nu ε saη ε biinen ê ηwa' wvun e nu εkumε nnya yì è nu nshii wvù mεy lo wvù nu nje Klistu. Nnya yin nu mbuwma ε wvù kεw keseen, ε wvù nu fô bonyii bò nu ε bee le Jisos nu je, ε è nu wvù keceey, ε è nu wvù nshii. Je mi yì Jon saη ηwa' wvun jó yì nu naa lo jεey nu yì dunçi no Jisos to joo mwεεm mvù bonyii kee yì nshii wvun e keeyεeyi no mwεεm mvu ê keyoy e nu.

Bikuu bi mwεεm e ê Nwa' wvun e

1:1-18 Kenkεwce ekumε Jisos

1:19-51 Ekumε Jon Nleseεjoo noo boom bo ηgoo le bo Jisos e bo fwe

2:1-12:50 Ekumε no Jisos to ghane gee lemme diew

13:1-19:42 Ekumε ediuw ε Jisos yo fokemεse Jelusalem bò mbew jó le

18:1-19:42 Ekumε no bó to sawεε nsaw Jisos ke
ghan ta wvú yî kentam e
20:1-31 Ekumε no Tata Jisos to buyεε yî kpwe le,
duñce ekole kew ê bonyii bew
21:1-25 Kemεse: E Jisos duñce ekole kew ê boom
bew bo ηgoo le Galilee

E Diεw tu wee wvu wum

¹ E to nu fonkεw ε Diεw nu wase. Diεw yidvu to
nu bô Nyo', ε Diεw yidvu to nu Nyo'.

² Wvú to nu wase dvú fonkεw bô Nyo'.

³ Nyo' to bom mwεεm mvunciim fele can ye le.
Kε fiεε nu naa lo dvú fimwaan fi Nyo' to bomεε se
wvú kε.

⁴ Wvú kεηke nshii yî ye le, ε nshii wvudvu nu
n'yuu fô bonyii le.

⁵ N'yuu wvudvu ε no baa ê εjiwε le, ε εjiwε kedvu
yaa nulo ejimse naa lo wvú kε. *

⁶ Wee mvu nu dvú wvù Nyo' to tumεε ε diee nu
le Jon.

⁷ Wvú to to keejeme ekumε N'yuu, eben jim
nsaw we, wvu le wen ege é bonyii bocii elese fitele
yî N'yuu wvudvu le.

⁸ Kε wvú wvù Jon to nu N'yuu wvudvu kε. Wvú
to to kε keeben ε é nu jim nsaw wvu N'yuu wvudvu.

⁹ N'yuu wvu keceεy wvù duñci n'yuu ê bonyii
bocii to too yî won wvun e.

1:1 Kej 1:1-2:4; Jon 17:5; Fili 2:6; 1Jon 1:1-2; Mwm 19:13-16 **1:3**
1:9-10; 5:26; 1Kol 8:6; Kolo 1:16-17; Ibu 1:2; Mwm 3:14 **1:5** Kej
1:3-4 * **1:5** Kεεε le, ε εjiwε ege é bonyii bocii elese fitele
1:6 Mat 3:1 **1:8** 1:20 **1:9** 8:12; 17:25; 1Jon 2:8

10 Wvú to nu yí won e, ε won wvun nu ε Nyo' to bom fele can ye le, geenε ε bonyii bò è nu bo yí won wvun e fanε yaa ekiεε wvú κε.

11 Wvú to nu ε to won we le, ε bonyii bo bew fanε yaa efiisen wvú κε.

12 Geenε, ε bonyii bocii bò to fiisenεε wvú, lese fitele yí ye le, nu ε wvú to nya mvunḡgay ê bó le bó enù wase boom bo Nyo' le.

13 Ε κε boom bo Nyo' le ban nu ε bó boke bii ελεμε ke kfuu le, kenεε no wee shieele, kenεε mboo wee wvu wum e κε. Bó boke bii ε è nu mboo wvù è nu wvu Nyo' le.

14 Diεw yidvu to nu ε tu wee wvu wum no cee ê bese εντελεη, ε wvú ε yiηsen bô mbuwma noo keceεy. Ε bese yεn bvukuke bwew e. Bvukuke bvù è nu bvu Wan wvù è mey κε wvú wvù nε fô Ice le.

15 Jon to nu ε ben jim nsaw εκume wvú no fuunke gayte le, “Wvun nu wee wvù me nto njemyi εκume wvú ηgayte le, ‘Wee wvù too ê me εjim kuuke fele me, njefo wvú to nu wase ε me nσε ηke no nu dvú.’ ”

16 No wvú nu ε yiηsen bô mbuwma, wvú ε mum ε no nyaa beene bocii mbuwma yí mbuwma le.

17 Beene kee lo le Nyo' to nya bonci fele can Muses e. Geenε, mbuwma Nyo' bô keceεy nu ε to fele can Jisos Klistu le.

18 Ke wee nu dvú wvù ke nu ε yuu wase yεn Nyo' le κε. Ε nu κε Waa we wvù è mey κε wvú wvù nu

1:12 1Jon 3:1; Gal 3:26; 4:5 1:13 3:3, 5-6; 1Bi 1:23; 1Jon 3:9

1:14 Gal 4:4; Fili 2:7; 1Tim 3:16; Ibu 2:14; 1Jon 4:2; Mat 17:2; Jon 2:11; 1Jon 1:1-3 1:15 1:24-27, 30; 5:31-34, 36 1:17 7:19; Ksm 31:18 1:18 6:46; 14:8-9; Ksm 33:20; Mat 11:27; 1Tim 6:16; 1Jon 4:12

mbew wvú wvù Ice le wvù nu ε ge beene ε kίεε wvú.

Wee wvù è to nu Jon Nlesejoo

(Mat 3:1-12; Mak 1:1-8; Luk 3:1-18)

¹⁹ Fin nu fίεε fi Jon to jemyεε seke bikuu bi Bojuu le bi Jelusalem to tumεε bocee ncese bô bonyii bo Lεwe le ε bó ebife ê Jon le laa è nu wvú wvù yεε le.

²⁰ Jon to baa tun keetfuse mbife wvubo κε. Wvú to nu ε jeme lo bô diuw we le, “Κε è nu me wvù Mboyse wvù Nyo' to kawεε κε.”

²¹ Ε bó bife ê wvú le, “Tu è nu wo wvù yεε? Ε nu wo wvù Εlayja le?” Ε wvú tfuse ê bó le, “Κε me nu Εlayja κε.” Ε bó bvuu bife le, “Ε nu wo wvù Wee Ntum Nyo' wε le?” † Ε wvú tun.

²² Ε bó bvuu bife ê wvú le, “Tu è nu wo wvù yεε? Wo gay le la εκumε εκολε kuw? Κε see é bese eκεηκε fίεε fi bese ekase eγεν εtfuse ê bonyii bô tum bese?”

²³ Ε Jon tfuse ê bó no Yesaya wvù wee ntum Nyo' to jemyεε le,

“Ε nu me diεw yì fuuηke ηkpwaante le,
‘Bó enle je Tata é yí enù teytey.’ ”

²⁴ Bonyii ban nu ε è to tum Bofalasii bó.

²⁵ Ε bó bife ê Jon le, “Ε è baa nu wo wvù Mboyse wvù Nyo' to kawεε κενεε Εlayja, κενεε Wee Ntum Nyo' wε, wo ε no leese bonyii ê joo nje la?”

²⁶ Ε Jon tfuse ê bó le, “Me nleese κε fiem bonyii ε è nu ê joo, geenεη wee mvu nu dvú ê ben εnte ε ben yaa kee wvú κε.

1:19 5:33 **1:20** 3:28 **1:21** Mala 4:5; Dito 18:15, 18; Mat 2:14; Jon 6:14 † **1:21** Bojuu bomew to cεyte wee ntum Nyo' wvù nu diεwε Muses e, geenεη ε bomew kee le wee ntum Nyo' wvudvu nu ke enu Mboyse wvù Nyo' to kawεε. **1:23** Yesa 40:3 **1:25** 1:33; Mat 21:25

27 **Ɛ** nu wvú wvù too ê me ejim, ε me mbaa ncm enkpwenten keenfay laba we ke.”

28 Fiεε fin ficii to kooyi ε è nu Betani Joo Joodan kewvu keki fò Jon to leese bonyii ê joo.

Ɛ Jon duŋce Waa Njee Nyo' ê bonyii

29 **Ɛ** ekfun buy yuu, ε Jon yen ε Jisos too, ε wvú mum gay le, “Ben etaa eyen, wvun nu Waa Njee Nyo' wvú cawsee bibefe bi yî nshε le!

30 **Ɛ** nu wvú wvù me nse njemyi ekume wvú ngayte le, ‘Wee mvu too ê me ejim kuuke fele me, njefo wvú to nu wase, ε me nse nke no nu.’

31 **Ɛ** me keβεε nto nkee wvú ke. Geenεn, ε me nto nto no nleese bonyii ê joo wvu le bonyii bo Islael ekiεε wvú.”

32 Jon to nu ε bvuu jeme keeben jim nsaw we gay le, “Me nto nu ε n'yen ε Keyoy shiile too fowe diεwe ebembε le, to no nu yî ye le.

33 **Ɛ** me keβεε nto nkee wvú ke. Geenεn, wee wvù to tumεε me le me ento enleesè bonyii ê joo to nu ε gay ê me le, ‘Wee wvù wo nu ke eyen ε Keyoy ε shii fowe ε to ε no nu yî ye le, nu wvù nu ke eleese bonyii ε è nu can Keyoy ke Yuule le.’

34 Fifin nu fiεε ε me nto nu ε n'yen, ε no nleeme jim nsaw wvudvu ngayte le wee wvun nu Waa Nyo'.”

Bonyii bò to yawεε no nu boom bo Jisos e bo ηgoo le

1:27 1:15; Lem 13:25 **1:28** 10:40; Mat 3:13 **1:29** 1:36; Yεsa 53:6-7; 1Bi 1:19; 1Jon 2:2; Mwm 5:6 **1:30** 1:15 **1:32** Mat 3:16
1:34 1:49; 5:18-23; 10:36; 11:27; 20:31; Mat 3:17; 27:54; Lem 9:20

35 Ε εκφυη buy yuu, ε Jon bvuu no leeme fe fò wvú to leeme bó boom bew bo ηγoo le bofeε.

36 Ε wvú ne yen no Jisos le ne fele, mum gay le, “Ben etaa eyen, wvun nu Waa Njee Nyo'.”

37 Ε boom bew bo ηγoo le bo bofeε ba dioo yuw no wvú gay nonen, mum ne no bii Jisos e.

38 Ε Jisos banke ye yen no bó bii, bife ê bó le, “Ben gomte ε è nu la?” Ε bó bife ê wvú le, “Labay, wo cee feε?” (Diee di Labay din nu le, “Wee N'yeyi wvu Baay.”)

39 Ε Jisos tfuse ê bó le, “Ben eto eyen.” Ε bó mum gen yen fò wvú to cee. Ε bó bó mum no nu ε εκφυη gan jiim. Kefew kè bó to biε wvú le to nu wase ke diεwε didiuu dinεw e fokiεguu.

40 Wee mwaan ηγoo bonyii bo bofeε bò to yuwεε no Jon jemyεε mum bi Jisos e to nu Andulu wvú waa bwee Semon Bitá.

41 Ε Andulu wvudvu mum gen lo gom waa bwee wvú Semon, see ê wvú le, “Bese nu ε yen wase Mboyse wvú Nyo' to kawεε le” (fi nu le Klistu).

42 Nonen, ε wvú mum jo Semon gen bó wvú fò Jisos e. Ε Jisos taa wvú nen tunη, gay le, “Ε nu wo wvú Semon wvú waa Jon. Bó nu ke eteηe wase wo le Σεfas.” (Diee di le Σεfas din nu Bitá).‡

Ε Jisos tee Filew bó Nataniel

43 Ε εκφυη ke buy yuu, ε Jisos yen le wen nu egen keba kè Galilee le. Ε wvú gen yen Filew e, gay ê wvú le, “Ε bii me le.”

44 Filew wvun to nu wee wvu ê kelaante kè Βεsayda le. Ε kelaante kin nu ke bo Andulu bó Bitá le.

1:36 1:29 1:40 Mat 4:18-20 1:41 4:25 1:42 Mat 10:2; 16:18

‡ 1:42 Di nu le Te.

⁴⁵ Ε Filew γεν gom Nataniel gay ê wvú λε, “Bese nu ε yεν wase wee wvù Muses to sanηεε ê N'wa' bonci le εκυμε wvú bô wvù bonyii bo ntum Nyo' le to sanηεε ten εκυμε wvú. Wee wvun nu Jisos wvu Nasaleτ wvù waa Yosεw.”

⁴⁶ Ε Nataniel tfuse ê wvú λε, “Fiεε fi jee nulo ebuy Nasaleτ e?” Ε Filew gay ê wvú λε, “To eyεν.”

⁴⁷ Ε Jisos ke yεν no Nataniel too, jeme εκυμε wvú λε, “Ben etaa eyεν, wee wvun nu naa wee wvu Islael wvu keceεy. Ke nce kenλεεμα nu yî ye le ke.”

⁴⁸ Ε Nataniel bife ê Jisos λε, “Wo ghan nεε ε σε κιεε me?” Ε Jisos tfuse ê wvú λε, “Ε Filew σε keeke eto etee wo, nu ε me mbe ε n'yεν wase wo le ê kenyi ke kete ke fig e κιε le.” §

⁴⁹ Ε Nataniel tfuse ê wvú λε, “Labay, wo nu Waa Nyo'! Wo nu Nfon wvu Islael!”

⁵⁰ Ε Jisos gay ê wvú λε, “Wo fεν nu ε bee me le keseen ke njefo me nu ε ηgay ê wo λε me mbe ε n'yεν wase wo le ê kenyi ke kete κιε le? Wo nu ke eyεν mwεεm mvù kuuke fele mvun e.”

⁵¹ Ε Jisos bvuu gay ê wvú λε, “Ε me ensee ê wo keceεy keceεy λε wo nu ke eyεν ε εbulε ε yene, ε bonceendaa bo Nyo' le bene, booke yî wee wvù diee nu Waawee le.”

2

Ε Jisos banke joo ε è tu mbvuum

¹ Ε εdiuw ke buy ετα, ε bó no gee ηkaw bvujen ê kelaante kè Kana wvu ê keba kè Galilee le, ε bwee Jisos nu fó.

1:45 Dito 18:15; Yεsa 42:1-4; Esek 34:23; May 5:1-3 § **1:48** Kete ke «fig» e ke wonη wvù Islael e nu ε bó to ké no diee mvuntam mvudvu.

1:49 1:34; 12:13; Mat 27:42 **2:1** 4:46

² Bó to nu ε be ten Jisos bô boom bew bo ηgoo le bô ηkaw wvudvu.

³ Ε mbvuum ke ne ka, ε bwee Jisos be wvú dvú gay le, “Κε bó bεε κενke mbvuum κε.”

⁴ Ε Jisos tfuse ê wvú le, “Kpwoon, wo bee me dvú nje la? Kefew kem baa kocen wase κε.”

⁵ Ε bwee gay ê bonyii bo gawe le le, “Fiεε ficii fi wvú ε gay le ben ege, ε ben ge.”

⁶ Ε to nu ε nsháan leeme fó yisooaan ε bó kene bô eta. Nsháan yin nu yì Bojuu to ké no geele joo jó yì bó cuke ye dvú keeyuule ê Nyo' ejise. Nshaan miaan to joo bibεεη bi joo le diεwε mbaanfίεε κενεε mbaanshe le.

⁷ Ε Jisos ke ne gay ê bonyii bo gawe le bodvu le, “Ben etuke joo eyinσen nsháan yin dvú.” Ε bó mum tuke joo gee ê nsháan yidvu le ε yí yinσen.

⁸ Ε wvú mum gay ê bó le, “Ben esefe yimi keseen egen dvú fô cee gawe le.” Ε bó sefe gen dvú.

⁹ Ε cee gawe fi, mom joo yidvu, yuw ε yí ε tu wase mbvuum. Ε wvú ma laa man mbvuum ne fee le. (Geenen, bonyii bo gawe le bò to sefee joo yidvu to kee fô mó nen'yεε.) Ε cee gawe mum tee cee bvujen,

¹⁰ bife ê wvú le, “Bonyii ké yaw gaw fibole ε è nu mbvuum mò jee fô ηkaw e, ε bonyii ké dioo ε wu wase ε ffuu, ε bó se gaw mo yaa jee κε. Wo ε kaa ε gee fiuw mbvuum mò jee ε no too dvú ε è nu keseen e?”

¹¹ Fifin to nu fiεε fi fwe fi duñci bvukuke bvυ Jisos e fi wvú to gee ente jo mwεεm mvù duñci bvukuke

bwew e. E wvú to ge fiεε fin ê kelaante kè Kana wvu ê keba kè Galilee le. No wvú ge nonen, ε fí mum dunçε bvukukε bwew, ε boom bew bo ηgoo le mum lese fitele yí ye le.

¹² Ejim jodvu, ε Jisos nε bow Kafana'um bô bwee noo boom bo bwee le bô bolemεε noo boom bew bo ηgoo le, ε bô bó ce jó εdiuw caan.

E Jisos kuη bonyii bo way e fô yew ncese Nyo' le (Mat 21:12-13; Mak 11:15-17; Luk 19:45-46)

¹³ E εdiuw ε Nkaw Bojuu wvù bó tenje ε Danɛfey ke no too wase nceencee, ε Jisos nε ben Jelusalem.

¹⁴ E wvú ke gεn buy fô yew ncese le, yεn bonyii bô to geese bona' bô njée noo bibembε noo bô to kumene bigew e ε bó ε shiiyεn.

¹⁵ E wvú jo bokfuu kene ηgbwan dvú, kuη bó bocii dvú, kuη noo njée bô bona' bvuse yew ncese le. E wvú bvuu tawse bigew bi bonyii bô to kumene bigew e, baashε bidan bibole,

¹⁶ gay ê bonyii bô to geese bibembε le, “Ben ejo mwεεm mvun enε dvú fεn. Fo ben ejo yew Icεm etfuse é yí etu yew way kε.”

¹⁷ No wvú gay nonen, ε boom bew bo ηgoo le mum kume fiεε fi bó saη ê Nwa' Nyo' le ε wee mvu jemyi ê Nyo' le, “Shiee wvu baay wvù me ηkεηke fô yew yo le nulo eyu lo me.”

¹⁸ E bikuu bi Bojuu le mum bife ê wvú le, “Fiεε fi dunçi bvukukε bwuw fi wo nulo ege keedunçε ê bese le bó nu ε nya mvunçay ê wo keege fin nu la.”

¹⁹ E Jisos tfuse ê bó le, “Ben esâw yew ncese yin, é me enjo εdiuw εta enkase enleke we.”

20 Ε Bojuu bodvu bife ê wvú λε, “Fí to jo bilum mbaanyε ncow bisooaan keebom yew ncese yin, ε wo nu ke ejo fiuw ε è nu εdiuw εta eleke we?”

21 Geenεn, Jisos to jemyi yew ncese yin ε è nu yì è nu ye ye.

22 Nonεn, seke wvú to buyεε wase yî kpwe le, ε boom bew bo ηgoo le mum kume λε fin nu fiεε fi wvú to gayεε. Ε bó mum bee fiεε fi nu ê Nwa' Nyo' le, bvuu bee njeme wvù Jisos to jemyεε le.

23 No Jisos to nu Jelusalεm fô Nkaw Danεfey wvun e, bonyii nteen to nu ε lese fitele yî ye le nje mwεεm mvù dunçi bvukukε bwew mvù wvú to gee.

24 Geenεn, Jisos to baa gεε fiew bvufee bwew yî bó le κε, njefo wvú to kee bonyii bocii no bó nu.

25 Wvú to baa shieele wee mvu wvù eshe esεje lo ê wvú εκumε wee wvu wum κε, njefo wvú kebεε to kee fiεε fi wee wvu wum κεηke ê wvú εshem.

3

Ε Jisos jeme ê Nikodemus εκumε mboo wvu fwe

1 Wee ηgoo Bofalasii mvu to nu ε bó teje λε Nikodemus, ε wvú nu wee ηgoo bikuu bi won Bojuu le.

2 Ε wee wvun ke nε to fô Jisos e εntαη gay ê wvú λε, “Labay, bese kee λε wo nu wee n'yεεyi wvù nε fô Nyo' le, njefo κε wee nu dvú wvù nulo egee kfuu mvun mwεεm mvù dunçi bvukukε bvu Nyo' le mvù wo gee mvun sε Nyo' nu bô wvú κε.”

2:21 1Kol 6:19 2:22 1:45; 12:16; 14:26; Luk 24:6-8, 27 2:23
2:11; 6:29; 7:31; 8:30; 9:38; 10:42; 11:45; 12:42; 20:29, 31; 16:9 3:1
7:50; 19:39 3:2 Mat 22:16; Jon 2:11

³ Ɛ Jisos tfuse ê wvú le, “Ɛ me ensee ê wo keceey keceey le, é bó nu se bó e boo wee mboo wvu fwε le, mwεten saa eyen bvunfon bvú Nyo' le ke.”

⁴ Ɛ Nikodemus bife ê Jisos le, “Ɛ nulo é bó ege nee se ebvuu eboo wee ε wvú ε taw wase? Ɛ nulo é wvú ebvuu ekase etu ê bwee eshem é wvú ebvuu eboo wvú?”

⁵ Ɛ Jisos tfuse ê wvú le, “Ɛ me ensee ê wo keceey keceey le, é wee nu se wvú ε keηke mboo wvú wvu joo noo Keyoy, tu ke è nulo é wvú eley bvunfon bvú Nyo' le ke.

⁶ Wee wvu wum boote wee wvu wum, ε Keyoy boote keyoy.

⁷ Fo diuw eyumte wo le me nu ε ngay ê wo le bó keηke keeboo wee tfuu mboo wvu fwε le ke.

⁸ Fwefwe ké no fele no wvú koonke, ε wo yuuke no wvú fele, geenεn ε wo yaa nulo esee laa wvú se ne fεε, gene fεε le. Ɛ nu ke leηleη no fí nu fô wee wvú nu ε keηke mboo wvú wvu Keyoy e.”

⁹ Ɛ Nikodemus mum ghay le, “Ɛ nulo é fifin eghan neε le?”

¹⁰ Ɛ Jisos tfuse ê wvú le, “Wo nu wee n'yεεyi bonyii bo Islael, yaa kee fin e?”

¹¹ Ɛ me ensee ê wo keceey keceey le, bese jemyi fiεε ε è nu fi bese kee, leeme jim nsaw fiεε ε è nu fi bese nu ε yen wase, geenεn ε ben yaa beηe fiεε fi bese jemyi le ke.

¹² Ɛ me nseηe mwεεm ê ben ε è nu mvu yî nshε le fen se ben beηe lo, é ben ke eghan neε se bee fen ε me ε nsee wase ε è nu mvu won Nyo' le?”

¹³ Keεe weε nu dvú wvú ke nu ε ben wase won Nyo'

le κε. Ε μεγ κε wee wvù to nen'yεε fó to fokuse fen, ε wee wvun nu wee wvù diee nu Waawee.

¹⁴ No Muses to njeysεε yo yì bó felεε bô ketwaa yì kete le ηkpwaante, nu κε ληληη no bó κηηκε keeke enjeyse wee wvù diee nu Waawee,

¹⁵ wvu λε naa γεε wvù nu ε lese fitele yî ye le, é wvú εκηηκε nshii wvù μεγ lo.

¹⁶ Nyo' to nu ε looce κοη won wvun baay, tum Waa we wvù mwaan, wvu λε è nu naa γεε wvù nu ε lese fitele yî ye le, mwετεη saa ela κε, é wvú εκηηκε ε è nu nshii wvù μεγ lo.

¹⁷ Κε Nyo' to tum Waa we yî won wvun e λε wvú eto elese bonyii yî ηγεω e κε. Wvú to tum λε wen eboyse lo bó fele yî ye le.

¹⁸ Wee wvù nu ε lese fitele yî ye le nu ε wvú yaa nu ke eley ηγεω e κε. Geenεη wee wvù baa elese fitele yî ye le nu ε wvú ε ley wase ηγεω e, njefo wvú baa elese fitele yî Waa Nyo' wvù è μεγ κε wvú le κε.
*

¹⁹ Βó nu ke esumτεη nsaw ê yin je le, njefo n'yuu nu ε to yî won e, bonyii ε kaa ε κοη fibole ε è nu εjiwε efey n'yuu. Ε bó koonke nonεη njefo gee dibole nu dì befe.

²⁰ Wee tfuu wvù gee gee dì befe ké no bane n'yuu, yaa nulo ebuy fô n'yuu nu κε, wvu λε fo gee diwene ke eyenε εmwa κε.

²¹ Geenεη ε wee wvù gee fiεε fi ληη ké no too fô n'yuu le, wvu λε diwene gee eyen'yi λε è nu di wee wvù nu bô Nyo' le.”

3:14 Ktn 21:9; Jon 8:28; 12:32-34; 18:32 **3:15** 20:31 **3:16** 3:36; 5:24; Lum 8:32; 1Jon 3:1; 4:9-10; 5:11, 13 **3:17** 12:47 **3:18** 5:22

* **3:18** Fen nu teyτεη λε, lese fitele yî diee di Waa Nyo' le. **3:19** 8:12 **3:20** Efε 5:11-13 **3:21** 1Jon 2:4

Ɛ Jon jeme Ɣ Jisos kuuke fele wen

22 Ɛjim jodvu, Ɣ Jisos bô boom bew bo ngoo le ne gen keba kemew ke Judea le. Ɛ bô bó gen no nu jó Ɣ wvú leese bonyii ê joo.

23 Jon ten to leese bonyii ê joo ntew wvù Enon e mbew wvù Salim e njefo joo to nu fó ntay. Ɛ bonyii too Ɣ wvú leese bó ê joo.

24 Fifin to nu Ɣ bó baa lese wase wvú yew ncaw e ke.

25 Ɛ boom bo Jon e bo ngoo le bomew bô wee Juu mvu ke ne keW mbew ekumε ye yì bó cuke keeyuule ê Nyo' ejise.

26 Ɛ boom bo ngoo le bo Jon e ne gen fô Jon e, gay ê wvú Ɣ, “Labay, wee we wvù to nu ben Ɣ wvú Joo Joodan kewvu keki wvù wo to jemyεε naa baay ekumε wvú nen, yen Ɣ wvuwe Ɣ wvú leese bonyii ê joo, Ɣ bonyii bocii gene ke wase Ɣ è nu fô wvú le.”

27 Ɛ Jon tfuse ê bó Ɣ, “Ke wee nulo enu fiεε se è ge Nyo' Ɣ wvú enù fí ke.

28 Ben keβεε nulo eben jim nsaw weM Ɣ me nto nu Ɣ ngay Ɣ ke è nu me wvù Mboyse wvù Nyo' to kawεε ke. Geenε Ɣ bó to tum me Ɣ me ensa ê wvú fwe.

29 Cee bvujen nu wee wvù keηke jen. Ɛ nsaa cee bvujen wvù leeme mbew cee bvujen wvudvu le yuuke diεw ye, ké no lanlanε baay no wvú yuuke diεw ye. Ɛ nu ke lenlen no me nu keseen Ɣ me Ɣ n'yiηsen bô nlanlan.

30 Wvú keηke ke keeku egen lo fwe, é me entu lo jim.

31 Wee wvù nε fowe kuuke fele bonyii bocii. ε wee wvu yî nshε le nu wee wvu yî nshε le, jemyi kε mwεεm ε è nu mvu yî nshε le. Wee wvù nε wonj wvu we le kuuke fele bonyii bocii,

32 ε wvù leeme jim nsaw mwεεm ε è nu mvù wvù nu ε yen ε bvuu ε yuw e. Geenεn, ε wee yaa nu dvù wvù beje fiεε fi wvù jemyi le kε.

33 Wee wvù beje fiεε fi wvù jemyi nu wvù dunji lε wen tomte fiεε fi lε Nyo' jemyi keceεy.

34 Wee wvù Nyo' nu ε tum ké no jemyi kε ε è nu diεw Nyo', njefo Nyo' nu ε nya Keyoy kew ê wvù ε nfew yaa nu kε.

35 Icee Wan nu ε konj Wan, ε mum ε nya mwεεm mvunciim can ye le.

36 Wee wvù nu ε lese fitele yî Wan e nu ε wvù keηke nshii wvù mεy lo. Wee wvù baa yuuke wvù le nu ε wvù yaa nu ke ekeηke nshii kε. Wvuwε wee nu ε shém Nyo' ffuuke wase bô wvù.”

4

ε Jisos bô kpwoon mvu wvu Samalia tasen fô fwεηjoo le

1 ε Jisos ke kiεε lε Bofalassii nu ε yuw wase lε wen lemte ε bonyii bo ηgoo le too ε wen leese ê joo fele Jon.

2 Geenεn kε è to cim leese wvù bó ê joo kε, è to leese kε boom bew bo ηgoo le maan.

3 ε wvù dioo kiεε nonεn, mum ja ê keba ke wonj e kè Judea kedvu le, no kaase tuu jim ê kè Galilee le.

4 Wvú to keŋke keefey je keba kè Samalia le.

5 E wvú ke gen buy kelaante ke Samalia kemew e ε bó teŋe le Sika, ε kí nu mbew wεε wvù Yakow to nyaε ê waa we wvù Yosεw e.

6 Fwεŋ joo wvù Yakow to cimεε to nu fó. No Jisos to nu ε len wase baay dose, ε wvú mum shii mbew fwεŋ joo wvudvu le. Kefew to nu wase diεwε didiuu ncow difεε le εmvunsheεŋ.

7 E kpwoon mvu wvu Samalia jodvu ke ne to keetukε joo fó, ε Jisos gay ê wvú le, “Nya me bô joo é me eŋ'wu.”

8 E to nu ε boom bo ŋgoo le bo Jisos e ε gen εlaante keeguy mwεεm mvudien.

9 E kpwoon wvudvu bife ê Jisos le, “Wo nu wee juu, ε me nu wee wvu Samalia, wo ε ghan neε ε se no leke joo ê me?” Kpwoon wvudvu to gayte nonεn, njefo Bojuu to ké no nyensee lo bonyii bo Samalia.

10 E Jisos tfuse ê wvú le, “E wo be kee nnya yì è nu yi Nyo', noo wee wvù gayte ê wo le wo enya wen bô joo, tu wo be ε leke ê wvú, é wvú enya wo bô joo yì booke sekecii.”

11 E kpwoon wvudvu kase bife ê Jisos le, “Icem, wo nu se wo keŋke fiεε fi wo etukε joo dvú, ε fwεŋ shiile nen, wo nu ke ejo fεε yiye joo yì booke sekecii?”

12 Fí nu le wo kuuke fele icee wese wvù Yakow wvù to cimεε fwεŋ wvun gεε ê bese, ε wvú kebεε to nu ε wu joo jó, ε boom bew wu, ε nyám ye ten wu?”

4:4 4:9; Luk 9:52; 17:11, 16; Lem 8:4-25 4:5 Keŋ 33:19; 48:22

4:9 2Bfn 17:29-41; Esl 4:1-3; Mat 10:5; Luk 9:52-53 4:10 4:26;

7:37 4:12 8:53

13 Ε Jisos tfuse ê wvú λε, “Wee tfuu wvù wuu joo yin nu ε kendonj bεε ke eyumte κε wvú.

14 Geenεn, naa γεε wvù nu ke ewu joo yì me nu ηke enya, nu ε κε kendonj bεε ke ebvuu eyuu eyum lo wvú κε. Joo yì me nu ηke enya ê wvú nu ke enε etu ntonj joo yì buyte yì ye le sekecii, ke eghan enya wvú nshii wvù mεy lo.”

15 Ε kpwoon wvudvu mum gay ê Jisos λε, “Icem, nya me bô kfuu yiyin joo wvu λε fo kendonj ke ebvuu eyumte me ε me ntoo fεn keentuke joo κε.”

16 Ε Jisos gay ê wvú λε, “Gεnε etee dwee wo é ben ε wvú eto.”

17 Ε kpwoon wvudvu tfuse ê wvú λε, “Κε me ηκεηκε diemsεn κε.” Ε Jisos gay ê wvú λε, “Wo nu ε jeme λεη no wo gay λε κε wo κεηκε diemsεn κε.

18 Wo nu ε κεηκε wase bolemsε botin, ε wvù ben ε wvú nu keseen yaa cim nu dwee wo κε. Fiεε fi wo jeme nu kecεεy.”

19 Ε kpwoon wvudvu gay ê Jisos λε, “Icem, me nu ε n'yεn keseen λε wo nu wee ntum Nyo'.

20 Bo'icee bosese to ké no bunlee Nyo' yì kum wvun e, ε ben Bojuu duu finεn λε jò bonyii κεηκε keebunlee Nyo' nu κε Jelusalem.”

21 Ε Jisos tfuse ê wvú λε, “Kpwoon, bee fiεε fi me ηgayte fin. Kefew too lo kè ben nu ke ebunlee Nyo' Ice ε è yaa bvuu nu yì kum wvun e κεnεε Jelusalem κε.

22 Ben bonyii bo Samalia bunlee fiεε yaa kee fí κε, ε bese Bojuu bunlee kee fiεε fi bese bunlee, njefo mboyma fele ε è nu yì Bojuu le.

23 Geenɛn, kefew too lo, ε kí ε to wase kè bonyii bò bunlee Nyo' cɛɛy cɛɛy nu ke ebunlee Nyo' Ice ê keyoy e bô yí keceɛy e. Ɛ nɛɛ kfuu bonyii bò Nyo' Ice gomte le bó ebunlee wen.

24 Nyo' nu Keyoy, ε bonyii bò bunlee wvú kenke keebunlee ê keyoy e bô yí keceɛy e.”

25 Ɛ kpwoon wvudvu gay ê Jisos le, “Me ηkee lo le Mboyse wvù Nyo' to kawɛɛ too lo, wvù bó teɲe le Klistu. Ɛ wvù nu ke edioo ε to, emum enyɛy mwɛɛm mvunciim ê bese.”

26 Ɛ Jisos gay ê wvù le, “Me wvun wvù jemyi ê wo nu wvù wvudvu.”

27 Ke sekedvu, ε boom bo Jisos e bo ηgoo le mum kase to. Ɛ diuw yum lo bó le wvù jemyi bô kpwoon. Geenɛn, ε wee mvu bó le faɲe yaa bife lo ê wvù le laa wvù gomte la le, kenɛɛ le laa Jisos jemyi bô kpwoon wvudvu nje la le.

28 Ɛ kpwoon wvudvu mum gɛɛ nshaan ye joo fó, gɛn ɛlaante, gɛn be bonyii le,

29 “Ben ke eto eyɛn wee mvu wvù nu ε to ε see lo fiɛɛ ficii ê me fi me ηke nu ε n'yuw wase ηge. Ɛ nɛlo enu ε wee wvun nu Mboyse wvù Nyo' to kawɛɛ le?”

30 Ɛ bonyii buy ɛlaante mum no gɛne fô Jisos e.

31 Ɛ to nu ε boom bo ηgoo le bo Jisos e ε shɛɛ wase ε no leke Jisos gayte ê wvù le, “Labay, diekɛn.”

32 Geenɛn, ε Jisos tfuse ê bó le, “Me ηkenke mwɛɛm mvudien keendie ε ben yaa kee mvú ke.”

33 Ɛ boom bew bo ηgoo le mum ghay ɛbonebon le, “Wee nu ε shɛɛ ε to bô mwɛɛm mvudien ε nya ê

4:23 3:3-8; 2Kol 3:17; Fili 3:3 4:23 Bonyii bomew yɛne le keyoy kin nu Keyoy ke Yuule, ε bomew yɛne le è nu keyoy ke wee le. 4:25 1:41; 4:29; 7:26; 11:27 4:26 9:37 4:29 Mat 12:23

wvú le?”

³⁴ E Jisos gay ê bó le, “Mwεem mvudien mwem nu le me enge fiε fi wee wvú tum me shieele, emεse lemme diew dicii.

³⁵ Ke ben duu finεn le é shεete kee nε, é emum enu kefew ke ηgbwele le? E me engay ê ben le, ben ecake ejise we etaa eyen no mwεem nu ε be wase ηε le le bó egbweci.

³⁶ Wee wvú gbweci kenke nlawma we, baanci ngu gεele yí nshii wvú mεy lo le, wvu le wee njewe bô wee ηgbwele ke elanlanje yí wee le mwaan.

³⁷ Fifin duñci le ηgan wvun nu kecεy wvú gayte le, ‘Wee mvu ké jewyi, ε wee mvu gbwele.’

³⁸ Me ntum ben le ben egen egbwete mwεem mvú ben to baa lem ke. Bonyii bomew nu ε lem, ben ε ley bvujonke bvu lemme dibole.”

E bonyii bo Samalia nteen lese fitele yí Jisos e

³⁹ Bonyii bo Samalia nteen ê kelaante kedvu le to nu ε lese fitele yí Jisos e nje fiε fi kpwoon wvudvu to jemyε ê bó le wvú be ε see lo fiε ficii ê wen fi wen ke nu ε yuu wase ge.

⁴⁰ Nonεn ε bó ke dioo to yen Jisos e, lekε le bô bowen ece. E wvú bee, ε bô bó ce εdiuw εfaa.

⁴¹ E bonyii nteen bvuu lese fitele yí Jisos e nje njeme we.

⁴² E bonyii bodvu gay ê kpwoon wε le, “Bese nu ε lese fitele yí ye le ε è yaa bvuu nu nje njeme wo ke. Bese nu ε yuw wase bô bitem bisese, ε kiε lo le wee wvun nu Mboyse won wvun kecεy.”

E Jisos fε waa wee wvu baay

43 Ε εdiuw yo εfaa yodvu ke fey, ε Jisos νε no gene Galilee.

44 Wvú keβεε to nu ε yuu gay wase λε κε bó ké no wvumte wee ntum Nyo' wonj we le κε.

45 Geenεn, ε wvú ke dioo γεν fεse Galilee, ε bonyii bo jó fiisen lo wvú njefo bó to nu ε yen mwεεm mvù wvú to γεε fô ηkaw e Jelusalem, njefo bó ten to nu fô ηkaw wvudvu le.

46 Ε Jisos ke bvuu kase γεν Kana wvu ê keba kè Galilee le jò wvú to bankeε joo ε è tu mbvuum. Ε to nu ε wee wvu baay mvu nu ê kelaante kè Kafana'um e, ε waa we wvù diemsen cemte.

47 Ε wee wvu baay wvudvu dioo yuw λε Jisos nu ε νε wase Judea ε to Galilee, ε wvú γεν fô wvú le, ku can λε wvú ebow κε eto efε waa wen, λε wvú nu wase diuw kpwe le.

48 Ε Jisos mum gay ê wvú λε, “Ε ben nu se ben ε yen mwεεm mvù dunji bvukuke bvu Nyo' le, ε yen ten mwεεm mvu diuw wvù yumεen e, ben saa ke elese fitele yî yem e κε.”

49 Ε wee wvu baay wvudvu gay ê wvú le, “Icem, to κε é bó ebooke lo, fo waa wem ekpwe.”

50 Ε Jisos tfuse ê wvú λε, “Ε γενè, waa wo nu ebonen.” Wee wvudvu to nu ε bee fiεε fi Jisos jemyεε ê wvú, mum νε no gene.

51 No wvú to booke, ε bô boom bew bo lemme le tasen, ε bó see ê wvú λε waa we nu ε bonen wase.

52 Ε wvú mum bife ê bó kefew kè wvú se κεwεε ebonene. Ε bó gay ê wvú λε, “Ε se nu foguu κε diewe diuu dimwaanj e fomvunsheenj, ken'ya' kedvu ε mum ε cine wvú le.”

⁵³ Ε cee wan wvudvu mum kume le è nu naa kefew kedvu kè Jisos to gayεε ê wen le, “Waa wo nu ebonεn.” Ε wvú bô εkolε kew naa noo yew ye yicii mum lese fitele yî Jisos e.

⁵⁴ Fifin fiεε fi duηci bvukukε bvυ Jisos e to nu fi bokanη bofεε fi wvú to gee seke wvú to nen'yεε Judea to Galilee.

5

Ε Jisos fε wee ε wvú ε cem wase bilum mbaanshe ncow nyanη

¹ Ejim jodvu ε ηkaw Bojuu mvυ no nu Jelusalem, ε Jisos ben jó.

² Kentuke ke joo le kemew to nu jó ε bó teje ê díεw Ibulu le le Betesda, ε kí nu mbew Diuw Ketaanη wvu Njée le. Bó to nu ε bom dicile fó ditin,

³ ε bonyii bo bincem e to ké no lone lo fó, bò nu binfefe bô bò nu bontεηε noo bò nu ε kpweken wase keba kemwaanη. [Bó to ké no jiimene fó cεyte seke joo nu ke enε eshiike.

⁴ Nceendaa Tata mvυ to ké no too ê kefew e ê kefew e, leyte shiike joo yidvu. Wee wvu fwe wvú ε yaw ε ley jó seke nceendaa wvudvu ε shiw joo yidvu, tu wvú nu ebonεn yî kencem kew e naa ε kí cim nu nεε.]

⁵ Wee mvυ to nu fó ε wvú ε cem wase bilum mbaanshe ncow nyanη.

⁶ Ε Jisos ke dioo to fó yen wvú le, kiεε le wvú to jiime wase fó ncejole, ε wvú bife ê wvú le, “Wo koonηke keebonεn e?”

7 Ε wee kencem wvudvu tfuse le, “Icem, ke me ηκηηke wee wvù nulo elese me ê joo yin e seke yí ε shiw ke. Ε nu seke yí ε shiw, ε me ndioo ηgene keenley, ε è no nu ε wee mvu ε yaw wase ε ley ê me le.”

8 Ε Jisos gay ê wvù le, “Nene we, ejo ghaam yo, egene.”

9 Kan mwaan, ε wee wvudvu mum bonen, jo ghaam ye no gene.

Ε to nu ε εbvubwe nu diuu di mbam e.

10 Ε Bojuu mum gay ê wee wvù bó to fελεε we le, “Eben nu diuu di mbam e ε nci baa bee le wo etuu ghaam yo ke.”

11 Ε wvù tfuse ê bó le, “Wee wvù be fe me be ε gay le me enjo ghaam yem engene.”

12 Ε bó bife ê wvù le, “Ε nu γεε wvudvu wvù be gay ê wo le wo ejo ghaam yo egene?”

13 Κεε wee wvù bó to fελεε wvudvu to cim kee wee wvù fελεε wvù ke, njefo Jisos to nu ε ne wase ley gen ente jo kebombom ke bonyii le kè to nu fó le.

14 Ε è ke no nu ejim jodvu, ε Jisos yen wvù le fô yew ncese le, gay ê wvù le, “Taa eyen no wo nu ε bonen wase. Fo wo ebvuu egee bibefe ke. Ε wo gee lo, é fεε ke egbwe yí yo le fi nu ε fo ε fey fin.”

15 Ε wee wvudvu ne gen see ê Bojuu le è nu Jisos wvù be fe wen.

16 Ε Bojuu mum kew no bone bikaa ê Jisos ejim, njefo wvù to fe wee wvun ε è nu diuu di mbam e.

17 Ε Jisos gay ê bó le, “Icem ké no lemte sekeci, ε me ten nlemte nonen.”

5:8 Mat 9:6-7 5:9 5:16, 18; 7:21-22; 9:14; Mak 2:27-28 5:10
Ksm 20:8-10; Yeli 17:21-22 5:13 6:15; 11:54; 12:36; Mat 8:18; 13:36
5:14 Mat 9:2; Jem 5:16 5:15 9:11

18 Ε njeme wvun ge ε Bojuu mεse lo no gomte baay keeyu wvú, njefo κε ε to mεy κε mbam wvú wvú to ηgoyte maan κε. Wvú to tenje ten Nyo' le Icee wen, fewsene εκολε kew le wen nu lenlen bô Nyo'.

Mvunḡay mvù Nyo' nu ε nya ê Waa we

19 Ε Jisos ke ne gay ê bó le, “Ε me ensee ê ben keceey keceey le κε me wvú Wan nelο enge fiεε yî mvunḡay mwem e κε. Me ηké no ηgee κε ε ε nu fiεε fi me n'yεne ε Icem gee. Fiεε fi Icee Wan gee, nu κε fi fi Wan nu egee ten,

20 njefo Icee Wan wvudvu koonke Wan mum dunci ê Wan mwεεm mvunciim mvù wvú wvú Icee Wan gee. Ε wvú bεε ke ebvuu edunce mwεεm mvù fele mvun ê wvú, é wvú egeè ε ben yεne, ε dew yumte lo ben.

21 No Icee Wan bvuuσε bonyii yî kpwe le nyaa nshii ê bó, nu κε lenlen no Wan nyaa nshii ê naa yεε wvú wvú nu ε konj.

22 Keebise fó nu ε Icee Wan yaa saake naa lo wee mvu κε. Wvú nu ε nya nsaw wemen ε ε nu can Wan e,

23 wvu le ε nulo é bonyii bocii ewvumte Wan κε lenlen no bó wvumte Ice. Ε wee nu se wvú wvumte Wan, tu κε wvú wvumte Ice wvú tum wvú κε.

24 Ε me ensee ê ben keceey keceey le wee wvú nu ε yuw diεw yem e, ε bee wee wvú tum me le, nu ε wvú kenke nshii wvú mεy lo. Ke mweten bεε ke

5:18 Mat 14:5; Jon 7:1, 25; 8:37, 40; 11:53; 1:34; 3:35; 8:16-19; 10:17-18, 29-38; 14:8-11, 20, 28; 15:9-10; 16:27-28; 17:1-26 **5:19** 1:34 **5:20** 3:35 **5:21** Lum 4:17; Εε 2:5; Jon 11:25 **5:22** 3:18; 5:27, 30; 9:39; 12:47-48; Lem 10:42; 1Jon 2:28 **5:23** Fili 2:10-11 **5:24** 3:16; 5:22; 6:35; 8:51; 10:28; 11:25-26; 14:6; 17:2; 20:31; 1Jon 2:25; 3:14

ebvuu ekeŋke nsaw ke. Wvuuε wee nu ε buy wase can kpwe le, ε ley nshii le.

²⁵ Ε me ensee ê ben keceεy keceεy le kefew too lo, ε kí ε to wase, kè bonyii bò nu ε kpweken wase nu ke eyuw diεw Waa Nyo', é bó bodvu bò nu ke eyuw, nu ke ekeŋke nshii.

²⁶ Ε fí nu nonen, njefo no nshii nen'yi yî Icee Wan e, nu ke lenlen no wvú nu ε nya mvunɣay mvudvu ê Wan le nshii enen'yi ten yí ye le.

²⁷ Wvú nu ε nya ten mvunɣay ê Wan le wvú esumtenè bonsaw, njefo è nu Wan wvú nu wee wvú diee nu Waawee.

²⁸ Fo diuw eyumtè ben yî fin e ke. Kefew too lo kè bonyii bocii bò nu jém e nu ke eyuw diεw ye,

²⁹ ebuce jém e, é bò se gee mwεem mvù jee ebuce eley nshii wvú mey lo le, é bò se gee mwεem mvù befe ebuce é bó esaw bó, é bó eley ηgew e.

³⁰ Ke fiε nu dvú fi me nulo enge ê mvunɣay mwem e ke. Me nsaake nsaw mbii no me n'yuuke, ε je yì me nsumtene jó nu yi teyey, njefo ke me ηgomte keengee ε è nu fiε fi è shieele me ke. Me ηgee ε è nu fiε fi wee wvú tum me shieele.

Mwεem mvù dunɣi wee wvú è nu Jisos

³¹ Ε me mbene jim nsaw wvu ekole kem, tu fiε fi me njemyi yaa nu keceεy ke.

³² Geen, wee mvu nu dvú wvú bene jim nsaw wem, ε me ηkee lo le fiε fi wvú jemyi ekumε me nu keceεy.

³³ Ben to nu ε tum bonyii fô Jon e, ε wvú gen ben jim nsaw ekumε keceεy.

34 Kε è nu λε me ηgomte λε ejemyi wee wvu wum ekumε wee wvù è nu me κε. Geenεn, ε me njemyi nen wvu λε ben nulo ke eboy.

35 Jon to nu diεwε ken'yeese le ε bó ε tfuw kí ε no bεenci nyaa n'yuu, ε ben no koonke keenu ê n'yuu we le yî kefew e caan, lanlanε.

36 Fiεε fimew nu dvú fi dunçi wee wvù è nu me ε fí fele Jon. Fí nu λε, lemme di Icεm nu ε nya λε me enlem emεse di è nu mwεεm mvù me ηgee mvun dunçi λε è tum Icεm me.

37 Icεm wvù tum me nu ε wvú kebεε tεn nu ε ben jim nsaw wεm. Ben ke baa yuw wase naa lo diεw ye κε, ε ben ke baa yεn wa naa lo no wvú nu κε.

38 Kε ben keηke tεn diεw ye ê mvuntelem mvunεn e κε, njefo ben baa lese fitele yî wee wvù wvú tum e κε.

39 Ben taasse Nwa' Nyo' njefo ben kpwaake λε è nu jó jò ben nu ke ekeηke fiεε fi nu ke ege é ben ekeηke nshii wvù mεy lo. Fiεε fi nu ê Nwa' wvudvu wvun e jemyi ε è nu ekumε me.

40 Geenεn, ben ε bvuu ε no tune keeto fô me le ekeηke nshii.

41 Kε me nshieele mbense ε è nu wvù nen'yi ê wee wvu wum κε.

42 Geenεn ε me ηkee ben. Me ηkee naa lo λε κε ben keηke keηkonεn ke Nyo' le ê mvuntelem mvunεn e κε.

43 Me nu ε nto ê diee di Icεm e, ben baa fiisen me κε. Ε è be to wee mvu ê diew diee le, tu wvuwε nu wvù ben nu emum efiisen.

5:36 10:25, 38; 14:10-11; 15:24, 27 5:37 1:34; Ksm 20:19; Dito 4:12 5:38 16:9 5:39 Luk 24:27, 44; Lem 13:27; 17:11; 2Tim 3:15-16; 1Bi 1:10-11 5:41 7:18

44 **Ɛ** nulo é ben ege nεε sε bee me le, ε ben nu bò gomte mbense ε è nu wvù nεn'yi fô bikuu binεn e, yaa gomte mbense wvù nεn'yi ε è nu fô Nyo' wvù è mεy kε wvú le kε.

45 Fo ben ekpwaake le è nu me wvù nu ke elom gee dinεn dì befε ê Icεm kε. **Ɛ** nu Muses wvù ben leke bvufee yî ye le wvù lomte wase gee dinεn ê Icεm.

46 **Ɛ** ben to nu ε bee Muses e kecεεy, tu ben be ε bee me le njefo wvú to saη ε è nu εκumε me.

47 **Geen**εn no ben baa cim bee mwεεm mvù wvú to saηεε le, é nulo é ben ke eghan nεε sε bee fiεε fi me njemyi le?"

6

Ɛ Jisos nyanje bonyii bontfuke botin

(Mat 14:13-21; Mak 6:30-44; Luk 9:10-17)

1 Ejim jodvu, ε Jisos ke nε gεn lente Mamase yi Galilee, gεn kewvu keki. Mamase yin nu yi bó teηe tεn le yi Tibεlias.

2 **Ɛ** kebombom ke bonyii le shfum ê wvú ejim njefo bó to nu ε yεn mwεεm mvù dunçi bvukukε bwew e mvù wvú to gee fô bonyii bo bincεm e no wvú to fεle bó.

3 **Ɛ** Jisos hô boom bew bo ηgoo le nε ben gεn shii yî kum e.

4 **Ɛ** to nu sekekiε, ε Nkaw Bojuu wvu Daηεfey nu wase nceencee.

5 **Ɛ** Jisos ke dīoo laη jise, yεn no kebombom ke bonyii le too fô wvú le, ε wvú mum bife ê Filew

5:44 5:41 5:45 Dito 31:24-29 5:46 Dito 18:15, 18; Luk 24:27; Jon 6:14; Lem 3:22; 7:37 5:47 Luk 16:29-31 6:2 Mat 6:25; Jon 2:23 6:3 Mat 5:1; 15:29; Mak 3:13; 6:46; Luk 22:39 6:4 2:13

le, “Beene nu eghan nεε se guy mwεεm mvudien é bonyii ban edie?”

⁶ Wvú to biite nonεn, momte ke lo Filew njefo wvú kebεε to kee wase fiεε fi wvú nu ege.

⁷ E Filew tfuse ê wvú le, “Ke bodanali gee fεε nu ε cim ε kocεn bò nulo eguy mwεεm mvudien mvù wee mwaan mwaan bó le ekeηke ke naa caan ke.”
*

⁸ E waa we ηgoo mvu wvù diee to nu Andulu wvù è nu waa bwee Semon Bita mum gay ê wvú le,

⁹ “Wan diemsεn mvu nu fεn keηke bontuw bo blεed e botin bò byé yifiεε, geenεn fifin nulo ege naa la fô kfuu ban bonyii le nteen nεn?”

¹⁰ E Jisos gay le, “Ben egay é bonyii eshiyen fokuse.” E to nu ε egay nu fó ntay, ε bó mum gay ε bó shiiyen, ε bolemse maan nu diewe bontfuke botin e.

¹¹ E Jisos mum fi bontuw bo blεed e ba, nya key-oone ê Nyo', mum gawce ê bonyii bò to shiiyenεε ba. E wvú ge ke leηleη bò byé ye. E wee tfuu keηke naa no wvù to shieele.

¹² E bó ke die ffuu, ε wvú gay ê boom bew bo ηgoo le le, “Ben ebaance bimbεke wvu le fo fiεε ela εcici ke.”

¹³ Nonεn, ε bó mum baance bimbεke bi bontuw bo blεed e bo botin ba bì to sheεteε, ε bí yiηsen ηkáa yuufe ncow fiεε.

¹⁴ E bonyii bodvu dīoo yen fiεε fi duηci bvukuke bwew e fin fi wvú ge, mum gay le, “Wee wvun nu

* **6:7** Danali mwaan nu jise di bigew e di bó to ké law wee dvú yí lemme di yí diuu le. **6:8** 1:40; 12:22; Mat 4:18; Mak 13:3 **6:11** 21:9, 13 **6:14** Dito 18:15, 18; Jon 1:21; 2:11; 5:46; 7:40; Lem 3:22-23

naa keceey Wee Ntum Nyo' wε wvù to nu keeke eto yî won wvun e.”

¹⁵ Ε Jisos ke dioo yεn λε bonyii bodvu gomte keeto ekoo wen mvunγay e, eghaa Nfon wvubole, ε wvú mum λεwse ye kase ben ê kum no nu jó wvú embenj.

Ε Jisos λεν yî joo le

(Mat 14:22-33; Mak 6:45-52)

¹⁶ Ε è ke no nu ekiεguu, ε boom bew bo ηgoo le bow γεν fô mamase le,

¹⁷ ley ê kekonj e κew no leenci γενε Kafana'um. Ε to nu sekekiε ε εκfunj ε jiim wase ε Jisos baa to wase fô bó to nu κε.

¹⁸ Ε joo ke nε no bvuyte, njefo nffum wvu baay to fele lo.

¹⁹ Ε bó no keyte kekonj leenci, ke γεν wase buy κε diεwε bomay botete κενεε bonεw e, ke nε yεn Jisos e ε wvú λene yî joo le too wase mbew kekonj e. Ε kedvum gbwo bó.

²⁰ Geenεn, ε wvú gay ê bó λε, “Fo ben efanè κε. Ε nu me.”

²¹ Ε bó yuw nonεn, mum no koonke keejo wvú ê kekonj e. Λε bó σεσε, ε kekonj ε fεse wase ηgem joo le fô bó to γενε.

²² Ε εκfunj ke buy yuu, ε bonyii bò to sheκεε mamase kewvu keki kume λε kekonj kè to nu fó to nu κε kemwaan, ε Jisos to baa ley ê kekonj kedvu le bó boom bew bo ηgoo le κε, λε boom bew bo ηgoo le to nε γεν κε bó embenj.

²³ Geenεn, bikonj bimew to nu ε nε je Tibelias, lente to mbew bvudvuu bvù Tata to joε bleed nya keyoone ê Nyo' ε bonyii die le.

24 No bonyii bodvu to yενεε λε κε Jisos κενεε boom bew bo ηγοο λε nu fó κε, ε bó mum lece ê bikon bidvu λε, lente γεν Kafana'um keegom Jisos.

Jisos nu mwεεm mvudien mvù nyaa nshii

25 Ε bó dioo γεν yεn wvú λε kewvu keki, bife ê wvú λε, “Labay, wo to jan seke la?”

26 Ε Jisos tfuse ê bó λε, “Ε me ensee ê ben keceεy keceεy λε κε ben gomte me ε è nu nje mwεεm mvù duηci bvukuke bwem mvù ben yεne ε me ηgee κε. Ben gomte me ε è nu njefo ben se nu ε die bontuw bo bleεd e ba ε ffuu.

27 Fo ben elemtè κε keekeηκε ε è nu mwεεm mvudien mvù nulo ebefe κε. Ben elemtè ε è nu keekeηκε mwεεm mvudien mvù nu ke emεy enu dvú eγεν ebuy yî nshii wvù mεy lo λε. Mvumvun nu mvù wee wvù diee nu Waawee nu ke enya ê ben. Ε nu wvú wvù Nyo' Ice nu ε γεε εbo kew yî ye λε.”

28 Ε bó mum bife ê wvú λε, “Mwεεm mvù bese keηκε keegeε é fí emum enu λε bese gee lemme di Nyo' le nu mvù la?”

29 Ε Jisos tfuse ê bó λε, “Lemme di Nyo' le nu din di nu λε, ben elese fitele yî wee wvù wvú tum e.”

30 Nonεn ε bó mum bife ê wvú λε, “Fiεε fi duηci bvukuke bwuw fi wo nulo ege wvu λε bese eyεn emum elese fitele yî yo λε nu la? Fiεε fi wo nulo ege nu la?”

31 Bo'icee bosεse to nu ε die mana ηkpwaante, ε è nu no bó saη λε, ‘Wvú to nu ε nya bó bô mwεεm mvudien mvù nen'yi won wvu we λε ε bó die.’ ”

³² No bó gay nonen, ε Jisos mum tfuse ê bó le, “Ε me ensee ê ben keceey keceey le ke è to nu Muses wvù to nyaε mwεem mvudien mvù nen'yi won wvu we le ê ben ke. Ε nu Icem wvù nyaε mwεem mvudien mvù è nu mvu keceey mvù nen'yi fowe.

³³ Ben ekeè le mwεem mvudien mvu Nyo' le nu mvumwe mvù ne fowe ε shii ε to ε no nyaε nshii ê bonyii bo yí won wvun e.”

³⁴ Ε bó gay ê wvù le, “Tata, è nyaà bese bô mwεem mvudien mvun sekicii.”

³⁵ Ε Jisos mum gay ê bó le, “Ε nu me mwεem mvudien mvù nyaε nshii. Ke wee wvù too fô me le beε ke ebvuu eyuuke jen ke. Ε wee wvù nu ε lese fitele yí yem e nu ε kendon yaa beε ke ebvuu eyumte wvù ke.

³⁶ Geenεn me nu ε ηgay wase ê ben le ben nu ε yen me le, ε fanε yaa lese fitele yí yem e ke.

³⁷ Bonyii bocii bô Icem nu ε nya ê me nu ke etoo fô me le. Ε wee wvù too fô me le nu ε me n'yaε nu ηke enkuη wvù ke.

³⁸ Me ne fowe ε nto fokuse fen. Ε me n'yaε nto keenje ε è nu fiεε fi è shieele me ke. Me nto keenje ε è nu fiεε fi è shieele wee wvù tum me.

³⁹ Ε fiεε fi wee wvù tum me shieele nu fin fi le, fo me enlase naa lo wee mwaan fô bonyii bô wvù nu ε nya ê me le ke, geenεn le me ηke embvuse lo bó yí kpwe le diuu di fokemεse.

⁴⁰ Ben ekeè le fiεε fi Icem shieele nu fin fi le wee tfuu wvù nu ε yen Waa we le, ε lese fitele yí ye le, nu

ke ekeηke nshii wvù meγ lo, ε me nu ηke embvuse mwεten yî kpwe le diuu di fokemεse.”

41 Ε Bojuu mum kew no wvukene ekumε wvù njefo wvù to nu ε gay λε wen nu mwεem mvudien mvù ne fowe ε to fokuse fen.

42 Ε bó no wvukene nonεn biite λε, “Wvun nu ke Jisos wvù waa Yosew e? Ke ice bó bwee nu ε beene kee bó le? Fí ghan neε le keseen wvù ε se no duu λε wen ne ε è nu fowe?”

43 Ε Jisos tfuse ê bó λε, “Fo ben ewvukenè εbenεben ke.

44 Ke wee nulo eto fô me le se è gufe Icem wvù tum me λε wvù eto ke. Ε me nu ηke embvuse mwεten yî kpwe le diuu di fokemεse.

45 Bonyii bo ntum Nyo' le to nu ε san λε, ‘Nyo' nu ke eyeyi bó bocii.’ Nonεn wee tfuu wvù nu ε yuw fiε fi Icem yeyi ε kieε, nu ε wvù nu ke eto fô me le.

46 Ke me njemyi nen λε wee nu dvù wvù nu ε yen wase Icem e ke. Ε meγ ke wvù wvuwe wvù ne fô Nyo' le wvù nu ε yen wase Ice le.

47 Ε me ensee ê ben keceey keceey λε, wee wvù nu ε bee nu ε wvù keηke wase nshii wvù meγ lo.

48 Me nu mwεem mvudien mvù nyaa nshii ê bonyii.

49 Bo'icee bonεn to nu ε die mana ηkpwaante, geenεn ke kpweken ke lo.

50 Mwεem mvudien mvun nu mvù ne fowe ε to wvu λε é wee die lo mvù wvù saa ebvuu ke ekpwe ke.

51 Ε nu me mwεem mvudien mvù ne fowe mvù nyaa nshii ê bonyii. Ε wee die mwεem mvudien mvudvu mvun, é wvù ke emεy enu dvù sekecii.

Ɛ mwεεm mvudien mvudvu mvù me nu ηke enya wvu Ɛ bonyii bo yî won wvun e ke ekeηke nshii nu ye yεm.”

⁵² Ɛ Bojuu mum nε kew no waale lo εbonebon biite Ɛ, “Wee wvun nulo eghan nεε se nya ye ye Ɛ beene edie?”

⁵³ Ɛ Jisos mum jeme ê bó Ɛ, “Ɛ me ensee ê ben kecεεy kecεεy Ɛ é ben nu se ben ε die ye wee wvù diee nu Waawee, ε wu ten ελεμε kew, ben saa ekeηke nshii yî yene le ke.

⁵⁴ Wee wvù diee ye yεm bvuu wuu ελεμε kem keηke nshii wvù mey lo. Ɛ me nu ηke embvuse wvù yî kpwe le diuu di fokemεse,

⁵⁵ njefo ye yεm looci nu naa mwεεm mvudien, ε ελεμε kem looci nu naa fiε fiwuun.

⁵⁶ Wee wvù diee ye yεm bvuu wuu ελεμε kem cee yî yεm e ε me ten ncee yî ye le.

⁵⁷ Icεm wvù tum me keηke nshii, ε me nu dvù nje Icεm. Nonεn wee wvù diee ye yεm nu ke enu ten dvù nje yεm.

⁵⁸ Mvumvun mwεεm mvudien nu mvù nε fowe ε to. Ke mvù nu diεwe mwε mvù bo'icen to dieε ke kpweken ke lo ke. Wee wvù diee mvumvun mwεεm mvudien nu ke emεy nu dvù sekecii.”

⁵⁹ Mwεεm mvun nu ε Jisos to jemyi no wvù to yeεyi bonyii yew bunle le Kafana'um.

Ɛ bonyii bo Jisos e bo ηgoo le nteen tfuw bikaa ê wvù ejim

⁶⁰ Ɛ bonyii bo Jisos e bo ηgoo le nteen yuw n'yεεyi wvun nεn gay Ɛ, “Wvun njeme ε tεme baay! Ɛ nulo ebee yeε wvuwwun njeme?”

61 Geenɛn, ε Jisos kiεε le bonyii bew bo ηgoo le wvukene εbonεbon εkumε njeme wvun, mum bife ê bó le, “Fiεε fi me njeme fin nu ε shiw mvuntelem mvunɛn e?”

62 Ε ε̄ fɛn nu nonɛn, é ben ke ege nεε fɛn ε ben ε yɛn ε wee wvù diee nu Waawee kaase bene fô wvù to shee nu fwele?

63 Keyoy ke Nyo' le nu fiεε fi nyaa nshii. Ke nyam ye keηke naa lo fiεε keege ke. Njeme wvù me njeme ê ben nu wvu Keyoy, ε ε̄ nu fiεε fi nyaa nshii.

64 Geenɛn ben bomew nu dvù ε bó baa bee njeme wvudvu le ke.” Jisos to jemyi nɛn njefo wvù to kee wase fonkew bonyii bò baa lese fitele yî ye le, kee tɛn wee wvù nu ke egese wvù.

65 Ε wvù bvuu gay ê bó le, “Ε nεε fiεε fi me mbe ε njeme wase ê ben le ke wee nulo eto fô me le se Icem nu ε nya je ê wvù ke.”

66 Ejim jodvu, ε bonyii bew bo ηgoo le nteen mum tfuw bikaa ê wvù ejim fanε yaa bvuu lene bô wvù ke.

67 Ε Jisos nε bife ê boom bew bo ηgoo le bo yuufe ncow bofεε le, “Ben tɛn shieele keegɛn e?”

68 Ε Semon Bita tfuse ê wvù le, “Tata, bese gɛne ê yεε le. Ε keηke wo njeme wvù nyaa nshii wvù mɛy lo,

69 ε bese ε bee, bvuu kee le ε̄ nu wo wvuwe wvù yuule wvù nε fô Nyo' le.”

70 Ε Jisos gay ê bó le, “Kε ε̄ caw me ben bo yuufe ncow bofεε ban e? Geenɛn, ε wee mvu ben e nu dɛwle.”

71 Jisos to jemyi nonɛn ε ε̄ nu εkumε Judas wvù

waa Semon Iskaliot. Wvú to nu ηgoo boom bo Jisos e bo yuufe ncow bofεε, ε è to nu wvú wvù to nu keeke eghan egese Jisos.

7

Ε Jisos ben Jεlusalεm fô Nkaw Cún e

¹ Ejim jodvu ε Jisos mεy no ghane κε wase ε è nu keba kè Galilee le. Wvú to baa bvuu γεν ê kè Judea le κε, njefo Bojuu to gomte keeyu wvú.

² Ε kefew ke Nkaw Bojuu wvú bó to tenje ε Nkaw Cún e ke no too wase nceencee.

³ Ε boom bo bwee Jisos e mum gay ê wvú le, “Nεεε jan eγεν Judea wvu le bonyii buw bo ηgoo le eyen lemme di wo lemte le.

⁴ Ε wee lemte lemme gomte le bonyii ekiεε wvú, wvú saa elemte nyiime lo κε. No wo gee mwεεm mvun, γενε edunεε ekole kuw ê wonj.”

⁵ Boom bo bwee le bodvu to jemyi nonεn njefo bó to baa cim lese fibole fitele yî ye le κε.

⁶ Ε Jisos tfuse ê bó le, “Kefew kem baa to wase κε. Fô ben e nu ε kefew kenεn ké no nu κε ε kí ε kocεn wase.

⁷ Κε bonyii bo yî wonj wvun e nulo ebane ben κε. Geenεn, ε bó bane me njefo me njemyi ê bó le gee dibole nu di befe.

⁸ Ben ebenè finεn gene fô Nkaw e. Κε me nu emben jó κε. Kefew kem baa eto naa wase ekocεn κε.”

⁹ No wvú gay nonεn, mum mεy Galilee.

¹⁰ Geenεn seke boom bo bwee le to benεε wase fô Nkaw wvudvu le, ε wvú ke shεε ben ten jó. Ε wvú

dioo bene fanε yaa bene wvù bonyii eyεne wvù le ke, ben flew ε è nu ê kenyile le.

¹¹ Ε to nu ε Bojuu to gomte wase wvù fô Nkaw wvudvu le biwci le, “Wvù se nu fεε le?”

¹² Ε bonyii ke ne no tfumtfume ekumε wvù baay. Ε bomew bensee le, “Wvù nu wee wvù jee.” Ε bomew kaci lo le, “Wvù leεle lo bonyii.”

¹³ Geenεn wee to baa nu dvù wvù ejeme ekumε wvù ya le ke, njefo bó to fane bikuu bi Bojuu le.

¹⁴ Ε ediuw ε ηkaw ke gawnεn wase enteleη, ε Jisos gen ley fô yew ncese le no yεεyi bonyii.

¹⁵ Ε bikuu bi Bojuu le no yuuke keηke lo ηghaw, ghayte le, “Wee wvun ghan neε ε se no kee mwεεm nen se wvù ke nu ε gen wase ηwa!”

¹⁶ Ε Jisos mum ne gay le, “Ke n'yεεyi wvù me n'yεεyi wvun nu wεm ke. Ε nu wvu wee wvù tum me.

¹⁷ Ε wee gomte keegeε ε è nu fiεε fi Nyo' shieele, é wvù emum ekiεε le laa n'yεεyi wvun nen'yi ε è nu fô Nyo' le, nuu me n'yεεyi ê mvuηgay mwem e le.

¹⁸ Wee wvù jemyi ê mvuηgay mwew e ké no gomte diee di kuuke ε è nu fô εkolε kew e. Geenεn ε wee wvù gomte diee di kuuke ε è nu di wee wvù tum wvù le ké no nu wee keceεy ε kenleεma yaa nu yî ye le ke.

¹⁹ Muses to nu ε nya ke bonci ê ben e? Geenεn ke wee mvu ben e gεεle bonci bodvu ke! Ben gomte keeyu me nje la?”

²⁰ Ε bonyii bodvu tfuse ê wvù le, “Wo keηke nceendaa dεwle yî yo le. Wee wvù gomte keeyu

wo nu yεε?”

21 Ε Jisós gay ê bó λε, “Me nto nu ε ηγε lemme dimwaan ε ben no κειηke lo ηghaw εκυμε dí.

22 Muses to nu ε nya nci λε ben etfuusè boom yew. Ε κε nci wvun yaa to cim buy ê Muses κε. Wvú to buy ε è nu ê bo'icee bonen. Ben ε mum ε no tfuuse boom yew naa noo diuu di mbam e.

23 Ε bó tfuuse wee yew diuu di mbam e wvu λε fo bó ke ebefe bô nci Muses, ben ε no yuuke nsase bô me λε me nto nu ε nfe wee ε wvú bonen ye yicii diuu di mbam e nje la?

24 Fo ben esaakè nsaw sumtene σε ben ε yaw ε tasse ε yen κε. Ben esaakè ê je yi λει e.”

Ε bonyii no canene laa Jisós nu Mboyse wvù Nyo' to kawεε λε

25 Ε bonyii bo Jelusalém bomew mum nε bife λε, “Wvun nu κε wee wvù bó gomte λε bó eyu?

26 Ben etaa eyen wvuwwun fen ε wvú jemyi endan nen σε wee jemyi fiεε ê wvú ηkuuη. Ε nelo enu λε bikuu bi won e nu ε loocε wase ε kiεε λε wee wvun nu Mboyse wvù Nyo' to kawεε λε?

27 Geenεn, beene kee jò wee wvun nε. Ε seke Mboyse wvù Nyo' to kawεε nu ke eto nu ε κε wee nu ke ekiεε jò wvú nε κε.”

28 Nonεn ε Jisós dīoo yεεyi bonyii fô yew ncse le ke nε fun foweεwe λε, “Ben kee me, kee ten jò me nε. Geenεn κε me nto fen ê mvunγay mwem e κε. Wee wvù tum me nu wee kecεεy, ε ben yaa kee wvú κε.

29 Me ηkee wvú njefo me ne fô wvú le, ε è nu wvú wvù tum me.”

30 No wvú jeme nonεn, ε bonyii bomew mum no gomte keekoo wvú. Geenεn ε wee fanε yaa kum wvú le κε, njefo kefew kew to baa to wase ekocεn κε.

31 Geenεn ε bonyii nteen lese fitele yî ye le no gayte le, “Seke Mboyse wvù Nyo' to kawεε ε ke ε to, è nulo é wvú ke ebvuu ege mwεεm mvù dunçi bvukuke bvù Nyo' le efey mvù wee wvun gee wase?”

Ε bó tum bonyii bo nci le le bó egen ekoo Jisos

32 Ε Bofalasii ke dioo yuw no kebombom ke bonyii le tfumtfume εκumε Jisos, ε bô bocee ncese bo baay baay mum tum bonyii bo nci le le bó egen ekoo wvú.

33 No bó gen, ε Jisos gay le, “Me nu enu beene κε yî kefew e nen caan, emum enjkase entu jim fô wee wvù tum me le.

34 Ben nu ke eshεε gom me nen, saa eyεn me le κε. Fò me ηgene nu ε κε ben nulo eto fó κε.”

35 Ε Bojuu jeme ê bikuu bibole le, “Wee wvun gomte keegen ε è nu ê nεε fò beene nu ke egom wvú saa eyεn wvú le κε? Wvú gomte keegen bitum bì bonyii bosεεbeene nu ε tawse ε no cee bí le egen eyεyi bonyii bo bitum bidvu le le?”

36 Fiεε fi wvú gayte le, ‘Ben nu ke egom me saa eyεn me le κε, ε fò me ηgene nu ε è yaa nulo é ben eto fó κε,’ nu ε wvú gayte ε fí nu le la?”

Ε Jisos kaw bonyii bô joo yì nyaa nshii

37 Ε è ke no nu wase diuu di Nkaw e di fokemεse di è to nu diuu di Nkaw wvudvu le di baay, ε Jisos ja leem we funj λε, “Ε kendonj yumte wee, ε mwεten eto fô me le ewu fiεε.

38 Wee wvù nu ε lese fitele yî yεm e nu ε fí nu ke enu κε no Nwa' Nyo' jemyi λε, ‘Joo yì nyaa nshii nu ke ebuyte ê fitele fiew e booke nεn kokokoko.’ ”

39 Fifin nu ε Jisos to jemyi ε è nu εκumε Keyoy kè bonyii bò to nu ε lese fitele yî ye le nu ke eκεηκε. Ε to nu kefew kin e ε bó baa nya wase Keyoy kedvu ê bó κε, njefo Jisos to nu ε bó baa bense wase wvú é wvú eley bvukuke le κε.

Ε bonyii bvuj εκumε Jisos

40 Ε bonyii yuw fiεε fin fi Jisos to jemyεε, ε bomew gay λε, “Wee wvun nu naa Wee Ntum Nyo' wε.”

41 Ε bomew gay λε, “Wvun nu Mboyse wvù Nyo' to kawεε.” Geenεn, ε bomew bife fibole λε, “Mboyse wvù Nyo' to kawεε to κεηκε keebuy ε è nu Galilee le?”

42 Κε Nwa' Nyo' jemyi λε Mboyse wvudvu nu ke ebuy ε è nu ê kfuu di Nfon Dawe le, ê ntεw wvù Betelε'εm e, wvù è nu ntεw wvu Dawe le le?”

43 No bonyii gay nonεn, ε κεηgawsen mum to εntelenj jo bó εκumε Jisos.

44 Ε bonyii bomew bó le no gomte keekoo wvú, geenεn ε wee fanε yaa kum wvú le κε.

Ε bikuu bi Bojuu le ma Jisos

45 Ε bonyii bo nci le ba mum nε kase tu jim fô bocee ncese bo baay baay bô Bofalasii le, ε bó bife

ê bonyii bo nci le bodvu le, “Ben baa eto bô wvú nje la?”

⁴⁶ E bonyii bo nci le bodvu tfuse ê bó le, “Wee ke baa yuu jemyi wase diεwε wee wvun e ke.”

⁴⁷ E Bofalasii bife ê bó le, “Wvú nu ε γεν wase ε leε ten noo ben fó le?”

⁴⁸ Ben nu ε γεν ε bikuu bi won e kenεε Bofalasii ε lese fitele yî ye le?

⁴⁹ E nu ke kebombom kin kè yaa kee ke nci Nyo'. Lon nu fô bó εfa.”

⁵⁰ Nikodemus wvú to nu wee mvu ηgoo Bofalasii le, wvú to γενεε wase diuu dimew γεν Jisos e to nu fó. E wvú bife ê bó le,

⁵¹ “Nci wesebeene nu ε bee le bó esumten nsaw wee se bó ε yaw wase ε yeke ε yuw fiεε fi wvú jeme?”

⁵² E bó mum bife ê wvú le, “Wo ne ten Galilee le? Tasse Nwa' Nyo' ntay é wo eyen le ke wee ntum Nyo' mvu nulo ke ebuy Galilee ke.”

⁵³ [E bó mum ne mwaan mwaan no gene yéw yibole.

8

E bó to bô kpwoon mvu fô Jisos e ε bó ε koo gbwen nsake le

¹ E Jisos ne ben fiew ε è nu yî Kum Bite bi Olif e.

² E εkfun buy yuu, ε wvú bvuu kase γεν fô yew ncese le. E bonyii bocii tase mbew ye le, ε wvú mum shii fokuse no γεεyi bó.

³ Ɛ bonyii bò to duŋci bonci bô Bofalasii nɛ to bô kpwoon mvu ɛ bó ɛ koo ɛ wvú jiime bô diemsɛn mvu. No bó to bô wvú, leke fwe dvu bó,

⁴ gay ê Jisos ɛ, “Wee N'yɛɛyi, kpwoon wvun nu ɛ bó ɛ koo ɛ wvú jiime bô diemsɛn mvu.

⁵ Ɛ bonci le nu ɛ Muses to gay ɛ wvuwwun kpwoon nu wvù bó etumyɛ lo bô eta é wvú ekpwe. Wo ɛ gay fiuw ɛ la?”

⁶ Bó to gee nonɛn teeyi lo Jisos wvu ɛ wvú elowsɛn enjeme é bó emum ekɛɲke fiɛɛ fi bó ecu yí ye le. Geenɛn, ɛ Jisos ŋgvuwɛ no saɲke fiɛɛ fokuse bô kpwan ɛbo.

⁷ Ɛ bó mɛy kɛ no leemene fó nyɛɛyi wvú. Ɛ wvú nɛ leem we gay ê bó ɛ, “Ɛ wee nu dvú ê ben ɛntelɛɲ wvù yaa kɛɲke kebefɛ kɛ, é wvú no nu wee wvu fwe wvù eyaw etum wvú bô tɛ.”

⁸ No Jisos gay nonɛn, bvuu kase ŋgvuwɛ no saɲke fiɛɛ fokuse bô kpwan ɛbo.

⁹ Ɛ bó yuw fiɛɛ fi Jisos gay, mum kɛw no tawsee mwaan mwaan kɛɛke yí ŋgaybonyii le. Ɛ bó ke tawse, ɛ è shɛɛ kɛ wase kpwoon wɛ no leeme fó bô Jisos maɲ.

¹⁰ Ɛ Jisos kase leem we, bife ê kpwoon wɛ ɛ, “Kpwoon, bó ɛ fɛɛ? Wee baa nu dvú wvù egay ɛ wo kɛɲke kɛ keekpwe le?”

¹¹ Ɛ wvú tfuse ɛ, “Wee baa nu kɛ, Tata.” Ɛ Jisos mum gay ɛ, “Kɛ è nulo é me enɲay tɛn ɛ wo kɛɲke keekpwe kɛ. Ɛ ɲɛnè, geenɛn fo wo ke ebvuu ege kebefɛ kɛ.”]

Jisos nu n'yuw wvu yí won e

8:5 ɛw 20:10; Dito 22:22

8:6 Mat 22:15

8:7 Dito 17:7; 13:10

8:9 Mat 22:22

8:11 5:14

12 Ε Jisos bvuu jeme ê bonyii bodvu λε, “Ε nu me n'yuu wvu yî wonη wvun e. Naa γεε wvù bii me le nu ε κε è nulo é wvú elene ê kejiwε le κε. Wvú nu eκεηκε n'yuu wvù nyaa nshii ê bonyii.”

13 Ε Bofalasii mum gay ê wvú λε, “Wo bene jim nsaw fô εκολε kuw e. Fiεε fi wo jemyi baa nu keceεy κε.”

14 Ε Jisos tfuse ê bó λε, “Ε me ncm mbene jim nsaw fô εκολε kem e, tu fiεε fi me njemyi nu keceεy, njefo me ηkee fô me νε, ηkee τεν fô me ηγενε. Geenεη, κε ben kee fô me νε κεηεε fô me ηγενε κε.

15 Ben saake bonyii diεwε bonyii bo boyuum e. Κε me nsaake fiem wee κε.

16 Geenεη, é me ncm nsaake wee, tu me nsaake ê je yi ληη e, njefo κε me nsaake me εmbeη κε. Me nsaake bee Icεm wvù tum me.

17 Ε ηwa' wene bonci le nu ε bó ε saη λε, é bonyii ben jim nsaw yî fiεε le bofeε, tu è nu keceεy.

18 Me mbene jim nsaw fô εκολε kem e, ε Icεm wvù tum me bene τεν jim nsaw wεm.”

19 Ε bó mum bife ê wvú λε, “Ico ε feε?” Ε Jisos tfuse λε, “Κε ben kee me κεηεε Icεm κε. Ε ben be kee me, tu ben be kee τεν Icεm.”

20 Jisos to jemyi mwεεm mvun no wvú to γεεyi bonyii fô yew ncese le mbew fô bó to ké no nyaa bigew bi yew ncese le. Geenεη, ε wee fanε yaa koo wvú κε, njefo kefew kew to baa kocεη wase κε.

Ε Jisos duηce λε wen νε fowe

8:12 1:5, 9-10; 3:19; 9:4-5; 11:9-10; 12:35-36, 46; Yεsa 49:6; Mat 5:14; Luk 2:32; 2Kol 4:4, 6; Εfe 5:8-14; 1Jon 1:5-7; 2:8; 3:14 **8:13** 5:31-32

8:14 3:2; 7:28-29, 33-36; 8:21-22, 42; 13:1, 33; 16:5, 10, 28; 17:8; 20:17 **8:15** 7:24 **8:17** Dito 17:6; 19:15; Mat 18:16 **8:18** 5:36; 1Jon 5:9 **8:19** 5:18; 16:3 **8:20** 2:4

21 Ε Jisos bvuu gay ê bó λε, “Me nu ηke ενγεν, é ben eshεε egom me eghan ekpwe ê bibefe binεn e. Fô me ηγενε nu ε κε ben nulo eto fó κε.”

22 Ε Bojuu mum bife λε, “Wvú nu ke eyu εκολε kew e, no wvú gayte λε fô wen γενε nu ε κε beene nulo eto fó κε?”

23 Ε Jisos gay ê bó λε, “Ben nε fokuse φεν, ε me nε fiem fowe. Ben nu bonyii bo yí won wvun e. Ke me nu wee wvu yí won wvun e κε.”

24 Me nu ε ηgay wase λε ben nu ke ekpweken εnte jo bibefe binεn. Ben ekeè λε ben nu ke ekpweken εnte jo bibefe binεn φεν é ben baa ebee λε é nu me wvudvu κε.”

25 Ε bó bife ê wvú λε, “Ε nu wo wvù γεε?” Ε Jisos tfuse λε, “Me nu wee wvù me nse ηké no nseηe wase εκυμε wvú ê ben ε κεw fonκew.”

26 Me ηκηηke mwεεm nteen mvù è nulo é me enjeme εκυμε ben noo mwεεm nteen mvù è nulo é me ensaw ben yí dvu le. Geenεn κε me n'yaa nu ενγε nonεn κε. Fiεε fi me nseηe ê won nu fi me n'yuw ê wee wvù tum me, ε wvú nu wee keceεy.”

27 No wvú gay nonεn, ε bó φαε yaa κιεε λε wvú jemyi ê bó ε è nu εκυμε Ice κε.

28 Nonεn ε Jisos mum gay ê bó λε, “Seke ben ε ke ε njeyse wase wee wvù diee nu Waawee fowe, é ben emum ekiεε λε è nu me wvudvu bô λε κε me ηgee fiεε fimew ê mvunγay mwem e κε, λε me njemyi nεn ε è nu no Icem γεεyi me.

29 Wee wvù tum me nu bee wvú. Ke wvú baa cine me le λε me enu me emben κε, njefo me ηké no ηgee fiεε sekecii ε è nu fi jee wvú le.”

30 No Jisos jemyεε mwεεm mvun nen, ε bonyii nteen lese fitele yî ye le.

Kecεεy bvuuse bonyii bvunfaw e

31 Ε Jisos mum gay wase ê Bojuu bò to lesεε fitele yî ye le ε, “Ε ben mεy ε no leeme κε yî diεw yεm e, ε ben enu naa kecεεy bonyii bem bo ηgoo le,

32 ε ben ke emum ekiεε kecεεy ε kecεεy kedvu ege ε ben ebuy bvunfaw e.”

33 Ε bó tfuse ê wvú ε, “Bese nu kfuu di Ablam e, ε bese ke baa eyuu enu wase bvunfaw e can wee mvu le κε. Fí ghan nεε le wo ε se no gayte ε bese nu ke ebuy bvunfaw e?”

34 Ε Jisos tfuse ê bó ε, “Ε me ensee ε ben kecεεy kecεεy ε wee tfuu wvú gee kebefε nu nfwā kebefε.

35 Kε nfwā ké mεy no nu wee yew yî wvú nu yî le sekecii κε. Ε ké mεy waa yew no nu wee yew yidvu sekecii.

36 Nonεn, ε Waa Nyo' bvuse ben yî bvunfaw e, tu ben nu ε buy wase bvú le kecεεy.

37 Me ηkee naa ε ben nu kfuu di Ablam e, geenεn ε ben gomte κε keeyu me njefo κε diεw yεm κεηke naa lo bvudvuu yî yene le κε.

38 Me njemyi ε è nu fiεε fi me n'yεn ê Icεm, ε ben gee finεn ε è nu fiεε fi ben yuw ê icen.”

39 Ε bó tfuse ê wvú ε, “Icee wese nu Ablam.” Ε Jisos gay ê bó ε, “Ε ben be nu boom bo Ablam e, tu ben bee keegeε fiεε ε è nu fi Ablam to gee.

⁴⁰ Me nu wee ε me nsee kecεεy kè me n'yuw ê Nyo' ê ben. Geenεn, keseen nu ε ben gomte keeyu lo me, ε κε fifin nu fiεε fi Abla'am to gee κε.

⁴¹ Ben gee ε è nu fiεε fi icen gee.” Ε bó gay ê wvú le, “Κε bese nu boom bò bó boke kuse κε. Bese κεηκε Icee wese mwaan, ε è nu Nyo'.”

⁴² Ε Jisos gay ê bó le, “Ε Nyo' be nu icee wene, tu ben bee keekoonyke me, njefo me nε ε è nu fô Nyo' le ε nε nto. Κε me nto yî mvunḡgay mwem e κε. Ε tum wvú me.

⁴³ Ε nu nje la wvù ben baa eyuuke fiεε fi me njemyi le κε? Κε è nu njefo ben tune keeyuw diεw yεm e le?

⁴⁴ Ben nu boom bo icee wene wvù dεwle le, ε fiεε fi ben shieele nu keegeε fiεε fi icee wene gomte. Wvú to nu wase wee wvù yuwyi bonyii ε κεw lo fonκεw. Κε wvú κεηκε fiεε keege bó kecεεy κε, njefo κε kecεεy nu naa lo yî ye le κε. Wvú ké dioo mbiayte mbiay no jemyi κε no gee diεw nu, njefo wvú nu wee mbiay nu cee mbiay.

⁴⁵ Geenεn, me nseje fiem ε è nu kecεεy, è nεε fiεε fi ben baa bee me le κε.

⁴⁶ Ε nu yεε ê ben entelen wvù nulo edunεε fiεε fi befe fi me ηge? No fiεε fi me nseje ê ben nu kecεεy, è ge la fo ben ebee me le?

⁴⁷ Wee wvù è nu wee Nyo' ké no yuuke diεw Nyo' le. Fiεε fi ben yaa yuuke κε diεw Nyo' le nu njefo κε ben nu bonyii bo Nyo' le κε.”

Jisos to nu wase ε Abla'am se ke no nu

8:41 Dito 32:6; Yεsa 63:16 **8:42** 1Jon 5:1 **8:44** Keη 3:1-5; 1Jon 2:4; 3:8 **8:46** 2Kol 5:21; 1Bi 2:22; 1Jon 3:5 **8:47** 10:27; 18:37

48 Ε Bojuu mum gay ê Jisos λε, “Κε bese be ε see kecεεy λε wo nu nen ε wo nu wee wvu Samalia ε nceendaa dεwle nu yî yo le le?”

49 Ε Jisos tfuse ê bó λε, “Κε nceendaa dεwle nu yî yem e κε. Me n'wvumte fiem Icem, geenεn ε ben yaa wvumte me κε.

50 Geenεn κε è nu λε me ηgomte diee di kuuke fô εκολε kem e κε. Wee nu dvú mwaan wvù gomte fifiε, ε è nu wvú wvù sumtene bonsaw.

51 Ε me ensee ê ben kecεεy kecεεy λε é wee yuuke diεw yem e, wvú saa ke eyuu eyuw wvuη kpwe κε.”

52 Ε Bojuu gay ê wvú λε, “Bese nu ε κιεε wase keseen λε nceendaa dεwle nu yî yo le. Abla'am to nu ε kpwe, ε bonyii bo ntum Nyo' le kpweken ten, wo ε no duu λε é wee yuuke diεw yo le, wvú saa ke eyuu eyuw wvuη kpwe κε.

53 Wo fele icee wese wvù Abla'am wvù to kpweε, fele ten bonyii bo ntum Nyo' le bò to kpwekenεε le? Wo kpwaake naa λε wo nu la?”

54 Ε Jisos tfuse λε, “Ε me mbensee εκολε kem, tu fifiε nu εcici. Ε nu Icem wvù bensee me, ε è nu wvú wvù ben duu λε è nu Nyo' wene.

55 Geenεn ε ben yaa kee wvú κε. Ε kee κε me wvú. Ε me ne ε ηgay λε κε me ηkee wvú κε, tu me nu wee mbiay diεwε ben e. Geenεn, no fí nu, nu ε me ηkee wvú, n'yuuke diεw ye le.

56 Icee wene wvù Abla'am to nu ε no lanlanε λε wen nu ke eyen εdiuw εyem e. Ε wvú ke yen, no yuuke njonj.”

57 Ε Bojuu mum σεσε λε, “Wo nu σε wo nu ε buy

wase bilum mbaanshen ηkuuη, ε no nu ε wo to yen wase Abla'am e le?"

⁵⁸ Ε Jisos tfuse ê bó le, "Ε me ensee ê ben keceey keceey le, é Abla'am se keeke enu, nu ε me nu wase."
*

⁵⁹ Ε bó yuw nonen, mum jo εta le bó etumye Jisos dvú. Ε Jisos nyiim mum buy yew ncese le.

9

Ε Jisos yene ejise wee ε bó to boke wvú ε wvú nu kenfefe

¹ Ε Jisos ke dioo lene, yen diemsen mvu le ε bó to boke wvú ε wvú ε fefe wase.

² Ε boom bew bo ηgoo le bife ê wvú le, "Labay, è to ge yee kebefε ε bó se boo wee wvun ε wvú ε fefe wase? Ε to ge wee wvudvu nuu bwee bô ice le?"

³ Ε Jisos tfuse ê bó le, "Κε è nu le wee wvun kenεε bwee bô ice to nu ε ge kebefε κε. Βó to boke wvú nonen wvu le lemme di Nyo' le ke eduηce ye yî ye le.

⁴ Beene keηke keelemtè lemme di wee wvú tumεε me le ε è bεε emvunsheen. Entaη too lo ε è nu kefew kè wee yaa nulo elem fiεε κε.

⁵ Ε γεν ε buy naa seke la le no me nu yî won wvun e, nu ε me nu n'yuw wvu yî won wvun e."

⁶ No Jisos jeme njeme wvun, mum cuy nceη fokuse, towce nshε dvú mum yefe ejise ε wee wvudvu dvú,

8:58 1:1; 17:5 * **8:58** Bonyii bo ηwa' le nteen yene le fen nu ε Jisos joo ε è nu diee di Nyo' to teηe ekole kew dvú ê ηwa' Kensam e 3:14.

8:59 10:31 **9:2** Ksm 20:5; Esek 18:20; Luk 13:2, 4 **9:3** 11:4

9:4 5:17 **9:5** 8:12 **9:6** Mak 8:23

⁷ mum gay ê wvú le, “Gενε ecuke ê Ketfum ke Siloam e.” (Diee di Siloam nu le, “Bó tum lo.”) E wvú mum γεν cuke, kase no too yene wase mwεem e.

⁸ E bonyii bò to cee mbew ye le noo bonyii bò to ké no yene wvú le diεwε wee ελεκεε le no ghaynene le, “Wvun nu ke wee wε wvù se ké no shiile lo leke ελεκεε le?”

⁹ E bomew no gayte le, “E nu wvú.” Bomew le, “Aay wvú fieesene lo wvú.” E wee wvudvu gay le, “E nu me wvudvu.”

¹⁰ Nonεn ε bó mum bife ê wvú le, “Ejise eyo ghan nεε le ε se yene ye?”

¹¹ E wvú tfuse le, “Wee wvù bó teηe le Jisos be ε towce nshε ε yefe ejise eyem dvú, ε gay le me ηγεν encuke Siloam. Me ε mum ε ηγεν ε ncuke, ejise eyem ε mum ε yene ye.”

¹² E bó bife ê wvú le, “Wvú ε fee?” E wvú tfuse le, “Ke me ηkee ke.”

E kenḡawsen to entelen jo bikuu bi wonj e ekume mvunḡay mvu Jisos e

¹³ E bó mum nε jo wee wε wvù to shee nu ε wvú ε fefe γεν bó wvú fô Bofalasii le.

¹⁴ Diuu di Jisos to towce nshε bvuu yene ejise wee wvudvu to nu diuu di mbam e.

¹⁵ E Bofalasii bodvu bvuu bife ten ê wvú no wvú ghan ejise eyε ε se yene ye. E wvú tfuse ê bó le, “Wvú be ε yefe ejise eyem bó nshε, me ε ηγεν ε ncuke ε mum ε no n'yene mwεem e.”

¹⁶ E Bofalasii mum gay le, “Ke wee wvun nε fô Nyo' le ke, njefo wvú lemte diuu di mbam e.” E bomew gay fibole le, “E nulo é wee wvù gee bibefe

eghan nεε σε no gee kfuu mvun mwεεm mvù dunçi bvukukε bvυ Nyo' le?" Ε kenγawsen mum to ê bó entelenj.

17 Ε bó bvυu kase bife ê wee wε λε, "Wo gay fiuw λε la εκυμε wee wvudvu no wvú be ε yene ejise εyo?" Ε wvú tfuse λε, "Wee wvudvu nu wee ntum Nyo'."

18 Κε Bojuu to nu ε bee λε wee wvudvu to shee nu ε wvú ε fefe ε bó σε yene ejise εye κε. Ε bó ke ghan tee bwee bô ice ε bó to.

19 Ε bó bife ê bó λε, "Wvun nu κε waa wene wvù ben duu λε bó to boke wvú ε wvú ε fefe wase? Wvú ghan nεε ε σε no yene mwεεm e keseen?"

20 Ε bwee bô ice tfuse λε, "Bese kee lo λε wvun nu waa wese ε bó to boke ε wvú ε fefe wase.

21 Geenεn, no fi ghan wvú ε σε no yene mwεεm e keseen nu ε κε bese kee κε. Ε κε bese kee ten wee wvù yene ejise εye κε. Ben ebife ε è nu ê wvú. Wvú nu wase wee ε ejise ε yuu. Wvú nulo ejeme fô εκολε kew e."

22 Bwee bô ice to gay nonεn njefo bó to fane Bojuu, ε fí nu ε Bojuu to leke wase lo λε é wee mom lo ε jeme bô diuw we λε Jisos nu Mboyse wvù Nyo' to kawεε, é bó εκυj lo mwεten yew bunle le.

23 Ε nu fiεε fi bwee bô ice to gayεε λε wvú nu wase wee ε ejise ε yuu, λε bó ebife ε è nu ê wvú.

24 Yí bokan e bofεε, ε bó bvυu tee wee wε wvù to shee nu ε wvú ε fefe, gay ê wvú λε, "See fiεε fi kecεεy é mbense egεn ê Nyo'. Bese kee fisese λε wee wvun nu wee wvù gee bibefε."

25 Ε wvú tfuse λε, "Κεnεε wvú gee bibefε, tu κε me ηkee κε. Fiεε fimwaan fi me ηkee nu κε λε me nse

nshee nu ε me ε nfefe, ε keseen nu ε me n'yεne wase mwεεm e.”

26 Ε bó bvuu bife ê wvú le, “Wvú be ge nεε bó wo? Wvú be ge nεε ε se yene ejise eyo?”

27 Ε wvú tfuse ê bó le, “Me mbe ε nsee wase ê ben, ben baa koonke keeyuw κε. Ben bvuu gomte keeyuw ege la dvú? Ben ten gomte keenu bonyii bew bo ηgoo le le?”

28 Ε bó nan'yε lo wvú gay le, “Ε nu wo wee we ηgoo. Bese nu fisεse bonyii bo ηgoo le bo Muses e.

29 Bese kee lo le Muses nu ε Nyo' to ké no jemyi bó wvú. Geenεn wee wvun nu ε κε bese kee jò wvú buy κε.”

30 Ε wee wvudvu tfuse le, “Abaay, fin nu lo kenghaw ke fiεε le! Ben duu le κε ben kee jò wvú buy e? Geenεn ε wvú ε yene ejise eyem.

31 Beene kee lo le κε Nyo' ké yuw bunle wee wvú gee bibefe κε. Geenεn, é wee wvumte Nyo', gee fiεε fi wvú shieele, é Nyo' eyuuke bunle ye.

32 Ε κew naa lo no won to κewεε nu ε bó ke baa eyuu eyuw wase le wee nu ε yene ejise ε wee ε bó to boke ε wvú ε fefe wase κε.

33 Ε è be baa nu le wee wvun nε fô Nyo' le, tu κε è be nulo é wvú ege fiεε κε.”

34 Ε bó gay ê wvú le, “Wo nu ε bó to boke wo wemεn ê kebefε ente, wo ε no gomte keeyεyi bese le?” No bó gay nonεn, mum kun wvú ê bó εntελεη.

Wee wvú nu kenfefe yî fiεε fi Nyo' le

35 Ε Jisos ke yuw le bó nu ε kun wase wee wε ê bó εntελεη, ε wvú gom yen wvú le, bife ê wvú le, “Wo nu ε lese fitele yî wee wvú diee nu Waawee le?”

36 Ε wvú bife λε, “Wee wvudvu nu γεε icεm? Κε see ê me, wvu λε me enlese fitele yî ye le.”

37 Ε Jisos gay ê wvú λε, “Wo nu ε γεη wase wvú le. Ε è nu wvú wee wvù ben ε wvú jemyi keseen.”

38 Ε wee wvudvu mum gay λε, “Tata me nu ε nlese.” No wvú gay nonεη, mum tum εηvuw ê wvú fwe nya n'wvum ê wvú.

39 Ε Jisos gay λε, “Me nto yî wοη wvun e wvu λε bó esaw bonyii, é bò yaa γεne κε mwεεm e eyεnè, é bò kpwaake λε bó γεne mwεεm e, etu binfefe.”

40 No Jisos jeme ηεη, ε Bofalasii bò to nu mbew ye le yuw mum bife ê wvú λε, “Bese tεη nu binfefe le?”

41 Ε Jisos gay ê bó λε, “Ε ben be nu binfefe, tu can γεne be nu bvuyεw ê keba ke kebefe le. Geenεη keseen no ben duu λε ben γεne mwεεm e, nu ε bibefe binεη nu emεy κε enu yî bikuu binεη e.”

10

Jisos nu nεy njée wvù jee

1 “Ε me ensee ê ben κεεεy κεεεy λε, é wee leyte ê ketaηη κε njée le, ε φαηε yaa eley ε è nu fô diuw ketaηη e, ε ben lo yî ketaηη e ε σε ley, tu wvuwee wee nu cooη, nu wee wvù lole mwεεm mvuηgay e.

2 Geenεη wee wvù è cεyte wvú njée ké no leyte fiew ε è nu fô diuw ketaηη e.

3 Wvuwee wee nu wvù wee wvù cεyte diuw ketaηη ké γεne diuw ketaηη ê wvú, ε wvú ley mum tee njée yì è nu ye ê diee le, ε yí yuw diεw ye, ε wvú mum jo buy dvú.

⁴ Seke wvú ε bvuse wase njée ye yicii εkfun, mum no saa fwe tenje ε njée yidvu bii wvú le, njefo yí kee diεw ye.

⁵ Ε ké dioo nu wee wvu ncεw, yí saa ebi wvú le κε. Ε yí no lewte lo wvú, njefo κε yí kee diεw wee wvu ncεw κε.”

⁶ Ε Jisos ma ηgan wvun ê bó nonεn, ε bó fanε yaa kiεε fiεε fi wvú jemyi ê bó ê ηgan wvudvu le κε.

⁷ Nonεn, ε Jisos bvuu gay ê bó λ, “Ε me ensee ê ben kecεεy kecεεy λ ε è nu me diuw ketaaη fò njée fele.

⁸ Bonyii bocii bò to saε ê me fwe to nu κε bocoon noo bonyii bò lole mwεεm mvuηgay e. Nonεn ε njée fanε yaa eyeke fiεε fi bó jemyi κε.

⁹ Ε nu me diuw ketaaη. Ε wee fey yí yεm e ε sε ley, é wvú ke eboy. Wvú nu ke enu diεwε njee yì buyte gεne diekene kaase tuu jim ê ketaaη e.

¹⁰ Coon ké no too κε keecon lo, bó keeyu lo, noo keebefe lo bó fiεε. Me nto fiem λ bonyii ekeηke ε è nu nshii, nshii ε è nu wvù nu ε looce ε yiηsen.

¹¹ Ε nu me ncεy njée wvù jee. Ncεy njée wvù jee ké nya nshii we keekpwe nje njée ye.

¹² Wee wvù bó jo κε lo wvú lemme le, sε è nu wvú ncεy njée, ε njée yaa nu κε ye, ké yεne ε kuula too, ε wvú mum laη njée fεε lo, ε kuula mum shεε kooyε njée ε yimi tawse.

¹³ Wvú ké no lewte njefo bó jo κε lo wvú lemme le, ε wvú baa ekpwe fiεε fò njée le κε.

¹⁴ Ε nu me ncεy njée wvù jee. Me ηkee njée yì è

10:4 10:27; Mwm 14:4 **10:6** 16:25 **10:8** Yeli 23:1-2; Esek 34:2-3 **10:9** 14:6; Mben 23:2; Esek 34:14 **10:11** Mben 23:1; Esek 34:11-16; Yeli 23:3; Mat 18:12-14; Ibu 13:20; Mwm 7:1 Lum 5:8; 1Jon 3:16 **10:12** Lem 20:29 **10:14** 10:27; 2Tim 2:19

nu yem, ε njée yem kee ten me,

¹⁵ lenlen no Icem kee me, ε me ηkee ten Icem, ε me nu ε nya nshii wem keenkpwe nje njée yem.

¹⁶ Me ηkenke ten njée yimi ε yí baa nu ηgoo yin e ke. Ε me ηkenke keento bô yí ten é yí eyuuke diew yem e, é ηgoo njée emum enù mwaan ε ncey njée nu mwaan.

¹⁷ Me nu ε nya nshii wem keenkpwe wvu le è nulo é me enkase enfi nshii wem jim. Ε nεε fiεε fi Icem koonke me.

¹⁸ Ke wee nu dvú wvù joo nshii wem ke. Ε nyaa me nshii wem ê ηkon wvu wem e. Me ηkenke mvungay keenya nshii wem keenkpwe, ηkenke mvungay keenkase enfi nshii wem jim. Fifi nu fiεε ε è gay Icem le me enge.”

¹⁹ Ε Jisos jeme mwεem mvun nen, ε kenawsen bvuu to entelen jo Bojuu.

²⁰ Ε bonyii nteen bó le no gayte le, “Wvú kenke nceendaa dεwle, wvú jewte lo. Ben yeke la ê wvú le?”

²¹ Geenεn ε bomew no gayte le, “Ke ban bonjeme nu bo wee wvù kenke nceendaa dεwle le ke. Ε nulo é nceendaa dεwle eyene ejise ε kenfefe?”

Ε Jisos dunce le wen nu Waa Nyo'

²² Ε è ke no nu kefew ke Nkaw mvu keekume no bó to kasεε yene yew ncese Jelusalem,

²³ ε Jisos gen no ghanci fô yew ncese le, fô cile Saamun e. Sekekε to nu kefew ke kenton e.

24 Ε Bojuu nε to gem wvú tase, bife ê wvú λε, “Wo nu ke ecinε é bese emεy enγemtene nen egen ebuy nεε? Ε è fen nu wo Mboyse wvù Nyo' to kawεε, é wo see lo ê bese teytey.”

25 Ε Jisos tfuse ê bó λε, “Me nu ε nsee wase ê ben, ben ε fanε yaa bee κε. Dilemme dì me ηgee ê diee di Icεm e nu ε dí dunçi wee wvù è nu me.

26 Geenεn ben baa bee, njefo κε ben nu ηgoo njée yεm e κε.

27 Njée yεm ké no yuuke diεw yεm e. Me ηkee yí, ε yí bii me le,

28 ε me nyaa nshii wvù mεy lo ê yí. Κε yí nu ke eyuu ela κε. Ε wee yaa nu dvú wvù nu ke eyuu elo yí can yεm e κε.

29 Icεm wvù nya njée yidvu ê me fele wee tfuu, ε wee yaa nu dvú wvù nulo elo yí can ye le κε.

30 Ε bee Icεm nu fiεε fimwaan.”

31 Ε Bojuu bvuu jo εta keetumyε wvú dvú.

32 Ε Jisos bife ê bó λε, “Ben nu ε yen wase dilemme dì jee nteen dì Icεm gay λε me enγεè. Ε nu dì la dì ben gomte keetumyε me nje dí?”

33 Ε bó tfuse ê wvú λε, “Κε bese tumyi wo ε è nu nje lemme dì jee dì wo ge κε. Bese tumyi wo ε è nu njefo wo beete bô diee di Nyo' le. Wo nu κε lo wee wvu wum, duu λε wo nu Nyo'.”

34 Ε Jisos tfuse ê bó λε, “Κε fí nu ε bó ε sanj ê Nwa' wene bonci le ε Nyo' jemyi jó λε, ‘Me nu ε ηgay λε ben nu bonyo’ le?”

³⁵ Nyo' teje bonyii bodvu le bonyo', ε ε nu κε bó bodvu bò diεw ye to gεne fô bó le, (ε beene kee le κε fιεε fι nu ê Nwa' Nyo' le nulo ekumεn κε.)

³⁶ No fι nu nonεn, ε no nu nje la wvù ben gayte ê wee wvù Ice nu ε caw ε tum yî won wvun e le wvú beete bô diee di Nyo' le κε njefo wvú nu ε gayle wen nu Waa Nyo'?

³⁷ Ε me nu nse me ηgee ε ε nu dilemme di Icεm e, fo ben ebee me le κε.

³⁸ Geenεn ε ε nu le me ηgee ε ε nu dí, é ben baa cim bee me le, é ben bee dí le, é ben emum elooce ekiεε ntay le Icεm nu yî yεm e, ε me nu yî Icεm e.”

³⁹ Ε Bojuu bvuu no gomte keekoo wvú, geenεn ε wvú lemtεn can yibole.

⁴⁰ Ε Jisos bvuu gεn lente tu Joo Joodan kewvu keki fò Jon to yawεε eleese bonyii ê joo, no nu jó.

⁴¹ Ε bonyii nteen no too yεne wvú le. Ε bó ke nε gay le, “Jon to baa ge naa fιεε fimew fι duñci bvukuke bvú Nyo' le κε. Geenεn fιεε ficii fι wvú to jemyi ekumε wee wvun to nu naa keceεy.”

⁴² Nonεn ε bonyii nteen lese fitele yî Jisos e jó.

11

Ε nsaa Jisos wvù Laasalus kpwe

¹ Wee wvu wvù diee to nu Laasalus to nu ε nε no cεmte. Wvú to nu wee wvu ntεw wvù Betani le, ceε jó bô jéme ye yì è to nu Maalia bô Maata.

² Maalia wvun wvù waa bwee wvù Laasalus to cεmte, nu wvù to yefεε bikaa bi Tata le bô nfiey wvù shfuunεene, sho bô yvuw ye εkolε.

³ No wvú to cεmte nonεn, ε jéme ye yidvu mum ciinse ntum fô Jisos e le, “Tata, we wvù è nu fitele fiuw cεmte lo.”

⁴ E Jisos dioo yuw ntum wvudvu, gay le, “Ke kencεm kin nu ke kpwe le ke. Kí nu ke eduηce ε è nu bvukuke bvù è nu bvu Nyo' le, wvu le Waa Nyo' nulo ekeηke diee di kuuke nje kí.”

⁵ Jisos to koonke Maata bô waa bwee wvù Maalia noo Laasalus baay.

⁶ Geenεn, seke wvú to yuwεε le Laasalus cεmte lo, ε wvú bvuu ce fò wvú to nu ediuw εfaa.

⁷ Ejim jodvu, ε wvú gay ê boom bew bo ηgoo le le, “Beene ekase etu jim Judea.”

⁸ E bó bife ê wvú le, “Labay, è nu ke foguu foguu nen wvù Bojuu se gomte keetumyε wo bô εta é wo ekpwe, wo ε bvuu ε no tuu jó le?”

⁹ E Jisos tfuse ê bó le, “Ke bontam bo kefew e nu ke yuufe ncow bofεε yî diuu le le? E wee lenε εmvunsheen, tu ke è nulo é wvú ebaytεn yî fiεε le ke, njefo n'yuu wvu yî won wvun e yeese wvú.

¹⁰ Geenεn, é wee lenε εntaη, tu è nelo é wvú ebaytεn, njefo ke wvú keηke n'yuu ke.”

¹¹ No wvú jeme nonεn, mum gay ê bó le, “Nsaa yesebeene wvù Laasalus nu ε lefe wase, geenεn ε me nu engeη enkamse wvú yî nyii didvu le.”

¹² E boom bew bo ηgoo le gay ê wvú le, “Tata, é è fεn nu le wvú nu ε lefe, tu wvú nu ke ebonεn.”

¹³ Jisos to jemyi ε è nu ekumε kpwe Laasalus, geenεn ε bó no yuuke le wvú jemyi ε è nu ekumε nyii di nyii.

14 Ε Jisos mum jeme lo ê bó teytey ε, “Laasalus nu ε kpwe wase.

15 Geenεn ε me n'yuuke njon nje yene ε κε me nse nu fó κε, wvu ε ben elese fitele yî yem me. Beene εγενè ε jó.”

16 Ε Toma wvù bó to tenje diee diew dimew ε Emam, gay ê bomew boom bo ηgoo le ε, “Beene εγεν ten wvu ε beene nulo ekpweken beene ε bó.”

Ε Jisos bvuse Laasalus yî kpwe le

17 Ε Jisos ke fese fó, yuw ε Laasalus nu ε ce wase ê jem εdiuw εna.

18 Betani jan to nu mbew Jelusalem e κε diewe bomay bofεε nen.

19 Ε Bojuu nteen to to fô Maata bô Maalia le keecam shen bô bó yî kpwe waa bwee bó le.

20 Ε Maata ke dīoo yuw ε Jisos too lo, ε wvú mum buy keegen é bô wvú etasen, geenεn ε Maalia mey yew.

21 Ε Maata gen gay ê Jisos ε, “Tata, é wo se bee enu fen, tu κε waa bwεem se nu ε kpwe κε.

22 Geenεn, ε me ηkee ε keseen wvun nu ε naa la fi wo ε lekε ê Nyo' nu ε wvú nulo enya ê wo.”

23 Ε Jisos gay ê wvú ε, “Waa bwoo nu ke ebuy yî kpwe le.”

24 Ε Maata gay ê wvú ε, “Me ηkee naa lo ε wvú nu ke ekase ebuy diuu di fokemεse di bonyii nu ke ebuyte yî kpwe le.”

25 Ε Jisos gay ê wvú ε, “Ε nu me wvù bvūuse bonyii yî kpwe le, ε è nu me nshii. Wee wvù nu ε

lese fitele yî yem e nu ε wvú cim kpwe lo, é wvú ke enu dvú,

²⁶ ε naa yεε wvù nu dvú keseen ε wvú ε lese fitele yî yem e, yaa nu ke ekpwe κε. Wo nu ε bee nonen e?”

²⁷ Ε wvú bee λε, “Εε Tata, me nu ε mbee λε wo nu Mboyse wvù Nyo' to kawεε. Wo nu Waa Nyo' wvù to nu keeke eto yî woj wvun e.”

²⁸ No Maata gayεε nonen, mum γεν tee Maalia wvù waa bwee, jeme ê wvú fokueku λε, “Wee N'yεεyi nu wase fen, ε wvú teje wo.”

²⁹ No wvú yuweε nonen, mum cufe lo ye we keegen eyen wvú le.

³⁰ Ε to nu ε Jisos baa ley wase ntew e κε. Wvú to bεε κε fó fò Maata to γενεε yen wvú le.

³¹ Ε Bojuu bò to nu bô bo Maalia camte shen diao yen no wvú cufe ye ε buy yew, ε bó mum no bii wvú le kpwaake λε wvú gene fô jem keegen ebeele fó.

³² Ε Maalia ke γεν fεse fò Jisos to nu, yen wvú le, mum gbwe bikaa biew e gay λε, “Tata, é wo se bee enu fen, tu κε waa bwεεm se nu ε kpwe κε.”

³³ Ε Jisos ke diao yen no wvú beele, ε Bojuu bò to biε wvú le beele ten, ε fiεε fidvu shiw fitele fiew baay, ε ye befe wvú.

³⁴ Ε wvú nε bife λε, “Ben dwey wvú fεε?” Ε bó gay ê wvú λε, “Tata, to eyen.”

³⁵ Ε Jisos bee kpwe.

³⁶ Ε Bojuu yen nonen gay λε, “Ben etaa eyen no wvú se koonke wvú.”

³⁷ Geenεn ε bomew kaa gay λε, “Κε è se nulo é wvú wvù to yen'yεε ejisε kenfefe, etaj wee wvun fo wvú

ekpwe le?”

³⁸ E fitele fiew bvuu shiw baay. E wvú nε γεν fεse fô jem. Jem yin to nu tfum ε bó ε ban diuw wvudvu bô kebwee ke tε le.

³⁹ E Jisos gay λε, “Ben ecake tε diε.” E Maata wvù jeme wee kpwε gay ê Jisos λε, “Tata, keseen nu ε wvú samte wase. E nu wase εdiuw εna no wvú se kpwεε.”

⁴⁰ E Jisos bife ê wvú λε, “Me mbe ε ηgay κε ê wo λε é wo nu ε lese fitele yî yεm e, é wo ke eyεn bvukuke bvù è nu bvυ Nyo' le?”

⁴¹ Nonεn, ε bó mum cake tε didvu. E Jisos cake εjise we gay λε, “Icem, me nyaa keyoone ê wo no wo nu ε yuw bunle yεm.

⁴² Me ηkee naa λε wo ké no yuuke κε bunle yεm sekecii. Geenεn, me njemyi fin ε è nu nje bonyii ban bô leemene fεn, wvu λε è nulo é bó ebee λε è tum wo me.”

⁴³ No wvú jeme nonεn, fuη bô diεw yî temyi λε, “Laasalus, buyε!”

⁴⁴ E wee wvù to kpwεε wase wε mum buy, ε can ye bô bikaa nu ε bó ε njim bô njaw ndvú, ε njim tεn bvushiw bwew bô njaw ndvú. E Jisos gay ê bó λε, “Ben efay wvú, ecinε é wvú egεne.”

*E bikuu bi won e jo nsey keeyu Jisos
(Mat 26:1-5; Mak 14:1-2; Luk 22:1-2)*

⁴⁵ E Bojuu nteen bô to toε ê Maalia le dioo yεn fiεε fi Jisos ge, mum lese fitele yî ye le.

⁴⁶ Geenεn, ε bomew kaa γεν fibole yεn ε è nu Bofalasii le, see ê bó fiεε fi Jisos ge.

⁴⁷ E bocee ncese bo baay baay bô Bofalasii mum

kum bikuu bi won e jeme le, “Beene nu ege nεε? Wee wvun gee mwεεm nteen mvù dunçi bvukukε bvu Nyo' le.

48 Ε beene cine lo wvú ε no gene dvú fwe, tu bonyii bocii nu ke eghan elese fitele yî ye le, é bonyii bo Lum ke enε eto ebvuw bvudvuu bvù yuule bvusεεbeene bô ketum kesεεbeene.” *

49 Geenεn, ε wee mvu bó le wvù diee to nu Kayfas, wvù to nu ekolε ke bocee ncese le kelum kekε le nε gay fiew ê bó le, “Kε ben kee naa lo fiεε kε.

50 Kε ben kee le fí jee fô ben e le wee mwaan ekpwe fô bonyii le bocii efey fo ketum kecii ela lo le?”

51 Kε Kayfas to jemyi fiεε fin bô bvufee bvù è nu bwew kε. Wvú diεwε ekolε ke bocee ncese le kelum kekε le to jemyi nen teete ε è nu ntum Nyo' le Jisos to keηke keekpwe fô ketum ke Bojuu le.

52 Ε è yaa mεy kε fô ketum kedvu le mεy kε, wvú to keηke keekpwe keebaance boom bò è nu bo Nyo' le bocii bò nu bitum bimew e, é bó enù yî fiεε le fimwaan.

53 Ε kεw εbvubwε le, ε bikuu bi won e mum kεw no joo nsey no bó nu ke eghan se yu Jisos.

54 Nonεn, ε Jisos fanε yaa ebvuu eghane ya le entelεη jo Bojuu kε. Ε wvú nε fiew jó gen ketum kemew kè nu mbew won monshεεm e ε bô boom bew bo ηgoo le no cee jó kelaante kemew e ε bó teje le Efelem.

* **11:48** Bó to fane nonεn njefo é Bojuu to beje lo le Jisos nu Mboyse, é bó ke emum enε ekεw diuw bô bonyii bo Lum bò to saake bó wvu le wvú ebvuse bó can bonyii bo Lum bodvu le. **11:49** 18:14 **11:52** 10:16 **11:53** 5:18 **11:54** 5:13; 7:1

⁵⁵ Ε Νκaw Bojuu wvu Danɛfey ke no too wase nceencee, ε bonyii no nen'yi biba le bene Jelusalɛm ε diuu din sɛ keetoo keekfum bikuu bibole.

⁵⁶ Ε bó γεν κɛw no gomte Jisos biwci εbonebon no bó to leemene fô yew ncese le gayte ɛ, “Ben kpwaake ɛ la? Ke wvú nu eto fô ηkaw wvun e le?”

⁵⁷ Ε to nu ε bocee ncese bo baay baay noo Bofalasii ε nya wase nci ɛ é wee nu dvú wvù kee fô Jisos nu, é wvú ge ε bó κiεε, wvu ɛ è nulo é bó ekoo wvú.

12

Ε Maalia yefe Jisos Betani (Mat 26:6-13; Mak 14:3-9)

¹ Ε è ke no shɛɛte wase εdiuw εsoocaaan é emum enu kefew ke Νκaw Danɛfey e, ε Jisos nɛ γεν ntɛw wvù Betani le jò Laasalus wvù Jisos to bvuseε yí kpwe le to nu.

² No wvú γεν jó, ε bó fɛ mwεεm mvudien keetɛw wvù dvú. Ε Maata no nu wee gawe ε Laasalus nu wee mvu ηgoo bonyii bò to shiilεε no diekene bô bo Jisos e.

³ Ε Maalia ke mum nɛ jo fikaa fi nfley mvu wvù shfuunɛkene le, yefe bikaa bi Jisos e dvú, sho bô yvuw ye εkolε. Nfley wvun to lumte naa baay, ε bó kene bô naad εwvunεwvun. No wvú yefe nonɛn, ε yew yidvu nɛ no shfuunɛkene lo εnte yicii.

⁴ Ε Judas Iskaliot wvù to nu wee ηgoo boom bo Jisos e, (wvù to ghanεε egese wvú) kaa nɛ gay ɛ,

⁵ “Ε be ge la fo bó egese lo nfley wvun bodanali

gee τε, enya bigew bidvu ê bonyii bò fuute?”

⁶ Κε Judas to jemyi nen λε wen κηηκε shiee fô bonyii bò fuute le κε. Wvú to nu coon ε è to nu wvú wee wvubo εκελε, ε wvú to ké no leese kebo jó fici εκολε kew dvú.

⁷ Ε Jisos gay λε, “Cinε wvú le. Wvú be γεκε nfley wvun nen keeseyse ε è nu ndwey wem dvú.

⁸ Bonyii bò fuute nu ke enu κε ben ε bó sekecii, geenεn κε me nu ηκε enu beene sekecii κε.”

⁹ Ε kebombom ke Bojuu le ke yuw λε Jisos nu jó, ε bó mum to jó. Κε bó to to κε ε è nu nje Jisos maan κε. Bó to to ten keeyεn Laasalus wvù Jisos to bvuseε yî kpwe le.

¹⁰ Nonεn, ε bocee ncese bo baay baay no kaake λε bó nu eyu ten Laasalus,

¹¹ ηjefo è to nu nje wvú wvù Bojuu nteen to cin'yi bó le leese wase fitele ε è nu yî Jisos e.

Ε Jisos ley Jelusalem diεwε Nfon e

(Mat 21:1-11; Mak 11:1-11; Luk 19:28-40)

¹² Ε εκfun buy yuu, ε kebombom ke bonyii le kè to toε fô ηkaw e yuw λε Jisos nu ê je too Jelusalem.

¹³ Ε bó mum jó bidaayεε buy keegen efiisen wvú ê je. Ε bó γεν no wvuuyi gayte λε, “Eeeee, mbense enù fô Nyo' le λεεε! Nyo' nu ε lan kembonεn yî wee wvù too ê diee di Tata le λεεε! Ε nu wvú Nfon wvu Islael λεεε!”

¹⁴ Ε Jisos gom waa kembεεbey, ben. Ε fí mum no nu no bó to sanεε λε,

¹⁵ “Bonyii bo Sayon, fo ben efanè κε.

Ben etaa eyεn, Nfon wene too lo,

ε wvú ε ben yî waa kembεεbey e.”

16 Kε boom bo Jisos e bo ηgoo le to nu ε κιεε fiεε fi fiεε fin dunçi fonkεw kε. Ε Jisos ke dioo ley wase bvukukε bwew e, ε bó mum kume λε bó to san fiεε fin ε è nu εκumε wvú, ε fí ε kooy wase bô wvú kε no bó to sanεε.

17 Kebombom kè to nu bô bo Jisos diuu dì wvú to tenεε Laasalus ê jem bvuse yî kpwe le to nu ε γεν bô nsee no bó to yεnεε.

18 Ε shiee wvù kebombom kedvu to buyεε keegen efiisen wvú ê je to nu nje bó to nu ε yuw λε wvú to nu ε ge fiεε fin fi dunçi bvukukε bu Nyo' le.

19 Ε Bofalasi yεn nen mum no jemyi εbonεbon λε, “Kε ben nu ε yεn? Kε fiεε nu dvú fi è nulo é ben ebvuu ege kε. Wonj tfuu nu ε shfum wase ε bi wvú le.”

Ε Boglek bomew no shieele keeyεn Jisos e

20 Bonyii bomew to nu ηgoo bonyii bò to benεε Jelusalεm keebunle Nyo' kefew ke ηkaw e kin ε è nu Boglek.

21 Ε Boglek ban γεν yεn Filew wvù to nen'yεε ê kelaante kè Besayda le ê keba kè Galilee le, gay ê wvú λε, “Ngaywee, bese shieele keeyεn Jisos e.”

22 Ε Filew mum γεν be Andulu dvú, ε bô wvú mum γεν see ê Jisos.

23 Ε Jisos tfuse ê bó λε, “Kefew nu ε kocεn wase kè wee wvù diee nu Waawee nu εκεηkε diee dì kuuke.

24 Ε me ensee ê ben keceεy keceεy λε, é ηgow fiεε baa egbwe yî nshε le ekpwe, é yí emεy kε enu

yí emberj. Geenɛn é yí kpwe lo, é yí ke eyum mvuntam nteen.

²⁵ Wee wvù koonke nshii we baay nu ke elase nshii wvudvu, ε wee wvù bane nshii we yî won wvun e nu ε wvú geele lo keeke ekerjke nshii wvù mey lo.

²⁶ Ε wee lemte me le, tu wvú kerjke keebii me le, ε naa fεε fò me nu, é wee wεm lemme enù ten fó. Ε wee lemte me le, tu Icεm nu ke ebuw wvú.”

Ε Jisos jeme ekume kpwe ye

²⁷ Ε Jisos nε gay le, “Keseen nu ε fitele buuke lo me. Ε nulo é me engay le la? Le Icεm ebvuse me ente jo kefew ke ηγεw e kin e? 'Aay, è nu nje kefew kedvu kin wvù me nto ntoε.

²⁸ Icεm, γεε é diee diuw ekuuke.” No wvú jeme nonεn, ε diεw shii fowe le, “Me nu ε ηγε wase dí ε no kuuke, ε me mbεε ηke embvuu enje.”

²⁹ Ε kebombom kè to leeme fó dioo yuw diεw yidvu, gay fibole le, “Ε baykene jan.” Ε bomew gay le, “Ε jemyi nceendaa Nyo' ê wvú.”

³⁰ Ε Jisos tfuse le, “Diεw yin to nje yene. Ke yí to nje yεm ke.

³¹ Keseen nu wase kefew kè bó nu esaw won wvun. Keseen nu ε bó nu eshwaw nfon wvù saake won wvun.

³² Geenɛn ε fiem nu ε seke bó ε ke ε njeyse me fowe, é me enɔufe bonyii bocii é bó eto yí yεm e.”

³³ Jisos to jemyi nonεn dujci ε è nu kfuu kpwe yì wvú nu ke ekpwe.

34 Ε kebombom ke bonyii le tfuse ê wvú le, “Bese yuuke ê N'wa' bonci le le Mboyse wvù Nyo' to kawεε nu ke efele. Wo ε ghan nεε ε σε no duu le bó κηηke keeke nηεyse wee wvù diee nu Waawee fowe? Wee wvù diee nu Waawee wvudvu nu wvù la?”

35 Ε Jisos gay ê bó le, “N'yuu nu enu ben ε bó κε yî kefew e caan. Ben emum elenè no ben κηηke n'yuu ben ε bó, fo kejiwε ke nε eban ben. Κε wee wvù le ne ê εjiwε le ké no kee fô wvú gene κε.

36 No ben κηηke n'yuu ben ε bó, ben ebee n'yuu wvun e, wvu le ben emum enu boom bo n'yuu le.”

Diεw Jisos nu ke esaw wee wvù nu ε fan keefisen diεw yidvu

No Jisos jemyεε mwεεm mvun nen, mum nε gen nyiim.

37 Naa no wvú to nu ε cim ge mwεεm nteen mvù duηci bvukuke bwew ε bó yεn, bó to baa lese fitele yî ye le κε.

38 Ε fí to nu nonεn wvu le fí ekocεn no Yεsaya wvù wee ntum Nyo' to jemyεε le,
“Tata, è nu yεε dvú wvù nu ε bee fiεε fi bese jemyi le?

Ε è nu ê baa wvù Tata nu ε duηce mvuηgay mvu kebo kew e?”

39 Nonεn κε è to nulo é bó elese fitele yî ye le κε, njefo Yεsaya to nu ε bvuu jeme bvudvuu bvumew e le,

40 “Wvú nu ε ban ejise ebo, ε ge mvuntelem mvubole ε no leε, wvu le fo bó eyenè mwεεm e bô ejise ebo,

ekèè mwεεm ê mvuntelem mvubole,
ekase etu jim é me enfε bó.”

⁴¹ Yεsaya to jemyi mwεεm mvun njefo wvú to nu ε yεn wase bvukukε bvu Jisos e, mum no jemyi ekumε wvú.

⁴² Naa no bonyii to baa cim nu keelese fitele yí Jisos e, nu ε bonyii nteen bò to nu naa bikuu bi won e to lese fitele yí ye le, geenεn fanε yaa nu keejeme bò dew yibo κε, njefo bó to fane Bofalasii ε fo bó ke ekun bó yew bunle le.

⁴³ ε bó to fane nonεn njefo bó to koonke keekεnke mbense ε è nu wvù nen'yi fô bonyii le εfey keekεnke ε è nu wvù nen'yi fô Nyo' le.

⁴⁴ ε Jisos nε fun foweεwe gay ε, “Wee wvù nu ε lese fitele yí yεm e, nu ε wvú yaa lese ε è nu yí yεm e κε. Wvú lese ε è nu yí wee wvù tum me le.

⁴⁵ ε wee yεn me le, tu wvú yεn ε è nu wee wvù tum me le.

⁴⁶ Me nu ε nto ê won jan diεwε n'yuu le wvu ε naa yεε wvù nu ε lese fitele yí yεm e wvú saa ebvuu emεy enu ê εjiwε le κε.

⁴⁷ ε wee yuw diεw yεm, ε fanε yaa egεε, me nsaa enlese wvú ηγεw e κε, njefo κε me nto nto keenlese bonyii bo yí won wvun e ηγεw e κε. Me nto nto keemboyse lo bó.

⁴⁸ Wee wvù nu ε ma me ε fan keefiisen diεw yεm κεnke fiεε fi nu ke esaw wvú. Diεw yì me nu ε njeme ê wvú nu fiεε fi nu ke elese wvú ηγεw e diuu di fokemεse.

49 Fí nu nonen njefo ke me njemyi ε è nu ê mvunḡgay mwem e ke. Icem wvù tum me nu wvù wvù gay le me enjemyi, ε è nya wvù fiεε fi me enjemyi, ε see no me enjemyi.

50 Ε me ηkee le fiεε fi wvù gay le me enjemyi nu fi nyaa nshii wvù me y lo. Nonen fiεε fi me njemyi nu fi Icem nu ε gay le me enjemyi.”

13

Ε Jisos cuke bikaa bi boom bew bo ηgoo le

1 Ε è ke no nu wase bvù εkfunj nu ebuy eyuu é emum enu Nkaw Danefey, ε Jisos kiεε le kefew kè wen nu ecine woj wvun e, ekase egen fô Icee wen e nu ε kocen wase. No wvù to koonke bonyii bò è to nu bew yî woj wvun e, ε wvù kon bó gen mese.

2 Ε bó ke no diekene fokiεguu, ε dεwle ε lese wase ηkpawace ê fitele fi Judas wvù waa Semon Iskaliot e le wvù egese Jisos.

3 No Jisos to kee wase le Icee wen nu ε nya wase mwεem mvunciim can wen e, bô le wen to ne fô Nyo' le ε wen kaase tuu jim fô Nyo' le,

4 Ε wvù mum ne ê we jo mwεem mvudien, baaye bikum biew, jo ndvu yî bó shole ye dvù, senj yî mvuntem e,

5 mum tfuw joo ê ηkaa le, kew no cuke bikaa bi boom bew bo ηgoo le dvù, shole bô ndvu yî wvù to senεε yî mvuntem e ye.

6 Ε wvù ke cuke to buy fô Semon Bita le, ε wvù bife ê wvù le, “Tata, è nu ecuke wo bikaa biem e?”

7 Ε Jisos tfuse ê wvú λε, “Κε fιεε fi me ηgee nu ε wo nulo ekiεε keseen κε. Wo nu ke ekiεε ε è nu εjim.”

8 Ε Bita gay ê Jisos λε, “Κε è nulo é wo ke eyuu ecuke bikaa biem κε.” Ε Jisos tfuse ê wvú λε, “Ε me mbaa encuke wo, wo saa eκεηκε fιεε bee wo κε.”

9 Ε Semon Bita mum gay ê Jisos λε, “Tata, é è fεn nu nonεn, tu κε wo nu ecuke κε ε è nu bikaa biem maan κε. Wo nu ecuke tεn can γεm bô εkolε kem fô.”

10 Ε Jisos gay ê wvú λε, “Wee wvù nu ε cuke wase ye nu ε wvú yuule wase ye yicii, ε shiee yaa bvuu nu keebvuu ecuke εfey bikaa κε. Ben nu ε ben yuule wase, geenεn κε è yaa nu ben bocii bô yuule κε.”

11 Jisos to jemyi nonεn njefo wvú to kee wase wee wvù nu ke egese wvú. Ε nu fιεε fi wvú to gayεε λε, “Κε ben yuule bocii κε.”

12 Ε Jisos ke mεse cuke bikaa bibole, tfume bikum biew, kase γεn tu fô bvudvuu bwew e, mum bife ê bó λε, “Ben nu ε kιεε fιεε fi me ηge fô ben e fin e?”

13 Ben teje me λε Wee N'yεεyi bvuu teje λε Tata, ε ben teje ε è nu λεη nonεn njefo è nu fιεε fi me nu.

14 Ε me wvù nu Tata wene bvuu nu Wee wene N'yεεyi nu ε cuke bikaa binεn, tu ben tεn κεηκε keecukè bikaa bi wee noo wee le.

15 Me ηge nonεn nduηci lo ê ben λε ben egeè tεn no me ηge fô ben e.

16 Ε me ensee ê ben keceεy keceεy λε κε waa lemme ké no kuuke fele cee εkolε we κε, ε κε wee

wvù bó tum lo ké no kuuke tɛn fele wee wvù tum wvù ké.

¹⁷ Ɛ ben kee mwɛɛm mvun, ɛ no gee mvú, é njon wvu baay enu wene.

¹⁸ Kɛ me njemyi ɛ è nu ɛkumɛ ben bocii ké. Me nkeɛ bonyii bò me nu ɛ ncaw. Geenɛn, ɛ fí nu lɛ fiɛɛ fí nu ê Nwa' Nyo' le kɛnke keeke eto ekocɛn no bó to saɲɛɛ lɛ, 'Wee wvù diee mwɛɛm mvudien mwem nu ɛ nɛ ɛ no bii bikaa biem e.'

¹⁹ Me nseɲɛ fiɛɛ fin ê ben keseen é fí sɛ keeke ekooyi, wvu lɛ fí ke dɔo ɛ kooy, é ben emum ebee lɛ è nu naa me wvudvu.

²⁰ Ɛ me ensee ê ben keceɛy keceɛy lɛ wee wvù nu ɛ fiisɛn naa wee wvù la wvù è tum me, nu ɛ wvù fiisene ɛ è nu me. Ɛ wee wvù fiisene me fiisene ɛ è nu wee wvù tum me."

Ɛ Jisos duɲɛ wee wvù nu egese wvù

²¹ No Jisos jeme mwɛɛm mvun nɛn, ɛ fitele nɛ no buuke wvù. Ɛ wvù nɛ jeme lo teytɛy gay lɛ, "Ɛ me ensee ê ben keceɛy keceɛy lɛ wee mvu ben e nu egese me."

²² Ɛ boom bew bo nɔoo le nɛ no taayine ye maa laa wvù jemyi ɛ è nu wee wvù la lɛ.

²³ Wee mvu nɔoo boom bo Jisos e wvù Jisos to koonke to yeeme diekene naa mbew ye le. *

²⁴ Ɛ Semon Bitá kpwase wvù gay lɛ wvù ebife ê Jisos lɛ laa wvù jemyi ɛ è nu yeɛ lɛ.

²⁵ Nonɛn ɛ wvù yeem ɣɛn yî Jisos e bife ê wvù lɛ, "Tata, è nu yeɛ?"

13:17 Jem 1:25 **13:18** Mben 41:9; Jon 17:12 **13:19** 8:24; 14:29; 16:4 **13:20** Mat 10:40 **13:23** 19:26; 20:2; 21:7, 20

* **13:23** Keeshii ediekene nu ɛ Bojuu to ké nshii fokuse, yeem lo keba kemwaan sɛ no diekene.

26 Ε Jisos tfuse ê wvú λε, “Ε nu wee wvù me nu enguse bleed encuw ê nshew mbase le enya ê wvú.” Nonen ε wvú mum cuw bleed ê nshew mbase le nya ê Judas wvù waa Semon Iskaliot.

27 Κε no Judas fi bleed wvudvu nen, ε Satan mum ley yî ye le. Ε Jisos gay ê wvú λε, “Yanşen ege fiεε fi wo gomte keege.”

28 Wee mvu ηgoo bó le to baa kieε fiεε fi wvú jemyi ê wvú nonen κε.

29 Bomew to kpwaake λε no Judas to nu wee wvù gεele ekele nu ε Jisos jemyi ê wvú λε wvú egen eguy mwεem mvù bó shieele keedie Nkaw dvú, kenεε λε wvú egen enya fiεε ê bonyii bò fuute.

30 No Judas fi bleed wvudvu nonen ε die, mum buy lo kaη mwaan ηen. Sekekie to nu wase entaη.

Ε Jisos tefe kpwe ê boom bew bo ηgoo le

31 No Judas buyεε wase ηen nonen, ε Jisos shεε gay λε, “Keseen nu ε bó nu ekew eyene bvukuke bvú wee wvù diee nu Waawee le, emum eyene ten bvukuke bvù ε nu bvú Nyo' le yî ye le.

32 Ε bó yen bvukuke bvú Nyo' le yî ye le, tu Nyo' nu eduηce ten bvukuke bvú Waa we le yî wvú wvù Nyo' le. Ε wvú nu eduηce lo kaη mwaan.

33 Boom bem, me nu enu beene κε wase yî kefew e nen caan. Ben nu ke eshεε egom me saa eyen κε. No me nto ηgayεε ê Bojuu, nu no me ηgayte ê ben keseen λε, ‘Fô me ηgene nu ε κε ben nulo eto fó κε.’

34 Me nyaa nci ê ben, ε ε nu nci wvu fwε λε ben dıoo ε shεε no koηenè. Ben ekoηenè κε naa lenηη no me nu ε ηkoη ben.

35 Ɛ ben sheke ɛ no koɲene nonɛn, ɛ fifin ege ɛ bonyii bocii emum ekiɛɛ ɛ ben nu boom bem bo ɲgoo le.”

Ɛ Jisos gay ɛ Bita nu ke ema wen

(Mat 26:31-35; Mak 14:27-31; Luk 22:31-34)

36 Ɛ Semon Bita mum bife ɛ Jisos ɛ, “Tata, wo gene ɛ ɛ nu fɛɛ?” Ɛ Jisos tfuse ɛ, “Fô me ɲgene nu ɛ ke ɛ nulo ɛ wo ebi me le keseen ke. Wo nu ke eshɛɛ se bi.”

37 Ɛ Bita kase bife ɛ wvú ɛ, “Tata, ke ɛ nulo ɛ me mbi wo le keseen nje la? Me nu ɲke enya nshii wɛm keɲkpwe nje yo.”

38 Ɛ Jisos Bife ɛ wvú ɛ, “Wo nulo enya nshii wo keekpwe nje me? Ɛ me ensee ɛ wo keceɛy keceɛy ɛ ke nyimshie nu ke etoɲ se wo ɛ ma wase me bokaɲ botɛte ke.”

14

Jisos nu Je yì gene fô Nyo' le

1 Ɛ Jisos bvuu jeme ɛ boom bew bo ɲgoo le ɛ, “Fo ben ecinɛ ɛ mvuntelem mvunɛn ebuuke ke. Ben elese fitele yì Nyo' le, elese tɛn fitele yì yɛm e.

2 Yew dvu Icɛm, nu ɛ bibuw nu dvú nteen. Ɛ fí be baa enu nonɛn, tu me mbaa ɲgayte ɛ me ɲgene nseyse bvudvuu ɛ ben ke.

3 Ɛ me nu ndioo ɛ ɲgen ɛ nseyse bvudvuu ɛ ben, ɛɲkase ento enjo ben ɛ beene enu, wvu ɛ fô me nu, ɛ ben enù tɛn fô.

4 Ɛ ben kee wase je yì gene fô me ɲgene.”

5 Ɛ Toma mum gay ɛ wvú ɛ, “Tata, ke bese kee fô wo gene ke. Bese nu eghan nɛɛ se kiɛɛ je yidvu?”

⁶ Ɛ Jisɔs tfuse Ɣ, “Ɛ nu me je, Ɣ è nu me keceɛy, Ɣ è nu me nshii. Ke wee nulo eɣen fô Icɛm e se wvú Ɣ fey yî yɛm e ke.

⁷ Ɛ ben be kee me, tu ben bee kee tɛn Icɛm. Ɛ kew yî keseen e nu Ɣ ben Ɣ kiɛɛ wase wvú Ɣ bvuu Ɣ yen wvú le.”

⁸ Ɛ Filew gay ê wvú Ɣ, “Tata duɲɛ Ico ê bese, é bese eyɛn emum effuu.”

⁹ Ɛ Jisɔs tfuse Ɣ wvú Ɣ, “Filew, beene nu Ɣ ce wase baay nɛn se wo kee me le? Wee wvù nu Ɣ yen me le, nu Ɣ wvú Ɣ yen wase Icɛm e. Wo nulo eghan nɛɛ le se ebvuu egayte Ɣ me enduɲɛ Icɛm ê ben?

¹⁰ Wo baa bee Ɣ me nu yî Icɛm e, Ɣ Icɛm nu yî yɛm le? Njeme wvù me njemyi ê ben nu Ɣ ke me njemyi yî mvuɲgay mwem e ke. Icɛm wvù nu yî yɛm e nu wvù gee dilemme diew.

¹¹ Ben ebee me le Ɣ me nu yî Icɛm e, Ɣ Icɛm nu yî yɛm e. Ɛ ben baa bee me le nje fiɛɛ fî me ɲgayte, é ben bee nje dilemme di me ɲgee le.

¹² Ɛ me ensee ê ben keceɛy keceɛy Ɣ wee wvù nu Ɣ lese fitele yî yɛm e nu ke egee tɛn dilemme di me ɲgee. Ɛ wvù nu ke ege dilemme efey naa di me nu Ɣ ɲge, njefo me ɲgene wase fô Icɛm e.

¹³ Naa la fî ben Ɣ bife ê diee diem e, é me ɲge fî, wvu Ɣ Icee Wan nulo ekeɲke diee di kuuke nje Wan.

¹⁴ Ɛ ben bife naa la ê diee diem e, é me ɲge fî.

Ɛ Jisɔs kaw bonyii bew bô Keyoy ke Yuule

¹⁵ Ɛ ben kooɲke me, é ben egeɛlè bonci bem,

16 é me ηke enλεke ê Icεm é wvú enya ben bô wvumvu Wee Nfi é wvú enu ben ε bó sekecii.

17 Wee wvun nu Keyoy ke keceey e. Ke wvú nu wee wvù è nulo é bonyii bò è nu bo yî won wvun e efiεen wvú ke, njefo ke bó yene wvú le keεε kee wvú ke. Ben nu finεn ε ben kee wvú, njefo wvú cee ben ε bó, ε wvú nu ke enu yî yene le.

18 Ke me nu ηke encinε ben e é ben enu diεwe boom bo bonkfu le ke. Me nu ηke enkase ento enu beene.

19 ε shεete wase caan é bonyii bò è nu bo yî won wvun e saa ebvuu eyen me le ke. Geenεn, ben nu ke eyen me le. No me nu ηke enu dvú, nu ε ben ten nu ke enu dvú.

20 ε nu ke enu εbvubwe é ben ekiεε le me nu yî Icεm e, ε ben nu yî yem e, ε me nu yî yene le.

21 Wee wvù kee bonci bem γεεle, nu wvuwe wvù koonke me. ε wee wvù koonke me nu ε Icεm nu ke ekoonke wvú. ε me nu ηke enkoonke ten wvú, enduηce ekole kem ê wvú.”

22 ε Judas wvumvu (ε è yaa nu ke we wvù bó tenje le Iskaliot ke) bife ê wvú le, “Tata, fí ghan nεε le fi wo nu ke eduηce ekole kuw ε è nu ê bese, ε è yaa nu ê bonyii bò è nu bo yî won wvun e ke?”

23 ε Jisos tfuse ê wvú le, “ε wee koonke me, é wvú egεεlè njeme wεm, é Icεm ekoonke wvú, é bee Icεm ke eto fô wvú le ecee bee bó.

24 Ke wee wvù baa koonke me ké no γεεle njeme wεm ke. Ke njeme wvù ben yuuke nu wεm ke. ε nu wvu Icεm wvù tum me.

25 Mwεεm mvun nu ε me njemyi ê ben mbεε beene.

26 Geenεn, Wee Nfi wvù è nu Keyoy ke Yuule wvù Icem nu ke eciinse ê diee diem e nu ke eyεεyi ben bô mwεεm mvunciim ebvuu ege é ben ekumyi mwεεm mvunciim mvù me nu ε njeme wase ê ben.

27 Me nu ε ηγεε nyεkeey λε wvù enu ben ε bó. Me nyaa nyεkeey wvù è nu wvuwεm ê ben. Ke me nyaa nyεkeey wvun ê ben no bonyii bô è nu bo yî won wvun e ké no nyaa κε. Fo ben ecinε é mvuntelem mvunen ebuuke kenεε κηηke jan κε.

28 Ben nu ε yuw wase no me ηgayte λε me ηgene wa lo, ε me nu ηke ηηkase ento enu beene. Ε ben be koonke me, tu ben bee elanlanε lo, njefo me ηgene ε è nu fô Icem e, no Icem kuuke fele me.

29 Keseen nu ε me ε njeme wase fiεε fin ê ben é fi sε keeke ekooy, wvu λε fí ke dīoo ε kooy, é ben emum ebee me le.

30 Ke me mbεε embvuu enshe enjemyi beene baay κε, njefo nfon wvù saake won wvun too wase. Ke è nu λε wvù κηηke mvunηgay ê me ê we κε.

31 Geenεn, me ηgee ε è nu no Icem nu ε gay λε me ηngeè wvu λε bonyii bô è nu bo yî won wvun e nulo ekiεε λε me ηkoonke Icem. Ben eja we é bó ενε.”

15

Jisos nu kete ε bonyii bew nu tíεw yidvu

1 “Ε nu me twenη kete ke mvuntam e ke cεεy cεεy, ε Icem nu wee wvù seysee twenη wvudvu.

14:26 14:16 14:27 16:33; 20:19, 21 14:28 8:14 14:29 13:19
 14:30 12:31 14:31 15:10; Mat 26:46 15:1 Os 10:1; Yεsa 5:1-7;
 Yεli 2:21; Mben 80:8-16

² Τίεω γεμ yicii yì baa yumte mvuntam, nu ε wvú ke faashε bvuse, ε yì yumte mvuntam nu ε wvú ke seyse kpwece wvu le yí eyuule emum eyumte mvuntam nteen.

³ Njeme wvù me njeme wase ê ben nu ε ge wase ben ε no yuule.

⁴ Ben emey enù yì γεμ e, é me enu ten yì yene le. Ke tiεw nulo eyum mvuntam eyinyin se yì nu yì kete le ke. E nu ke ληληη no ke è nulo é ben ege fiεε se ben nu yì γεμ e ke.

⁵ E nu me twej kete ke mvuntam e, ε ben nu τίεw yidvu. Wee wvù nu yì γεμ e ε me nu ten yì ye le, nu wvuwe wvù nu diεwe tiεw yì nulo eyumte mvuntam nteen e, njefo é me mbaa enu, wee saa ege fiεε ke.

⁶ Wee wvù nu se wvú ε μεγ ε no nu yì γεμ e nu diεwe tiεw yì bó efaase elan lo, é yì eyumten e. Kfuu yiyε τίεw nu ε bó nu ke ebaance elan ê ηguy e é yì efie lo.

⁷ E ben μεγ ε no nu yì γεμ e ε diεw γεμ nu yì yene le, ben é bife naa la fi ben shieele, é bó ege fí fô ben e.

⁸ E ben nu diεwe τίεw yì yumte mvuntam nteen e, é fifin enyaa diee di kuuke ê Icem, emum eduñci le ben nu bonyii bem bo ηgoo le.

⁹ No Icem koonke me nu ke ληληη no me ηkoonke ben. Ben emum emey enù ente jo keñkoñen kem.

¹⁰ E ben geele bonci bem, é ben emey enu ente jo keñkoñen kem, ke no me nu ε ηγεε bonci bo Icem e ε μεγ ε no nu ente jo keñkoñen kew.

11 Mwεεm mvun nu ε me njemyi ê ben wvu λε njon wεm nulo enu fô ben e, é ben emum ekeηke njon wvù nu ε yiηsen.

12 Nci wεm nu wvun wvù nu λε ben ekoηenè ke no me ηkooηke ben.

13 Ke keηkoηen kemew bvuu nu dvú kè kuuke fele kè λε wee enya nshii we ekpwe nje nsáa ye ke.

14 Ε ben gee fiεε fi me ηgayte λε ben egeè, tu ben nu nsáa γεm.

15 Ke me mbvuu nteηe ben λε boom bo lemme le ke, njefo ke waa lemme ké no kee fiεε ficii fi cee ekole we gee ke. Me nteηe wase ben λε nsáa γεm njefo fiεε ficii fi me n'yuw ê Icεm nu ε me ε ηge wase ben ε kiεε.

16 Ke è to caw ben me ke. Ε to caw me ben, mbaa ηγεε λε ben egeη enu diεwε tíεw yì yumte mvuntam e, mvuntam ε è nu mvù nu ke emεy nu dvúle. Ε ben gee nonεn, naa la fi ben ε bife ê Icεm ê diee diem e é wvú enya ê ben.

17 Nci wvù me nyaa ê ben nu ke wvun wvù λε, ben ekoηenè.

Ε Jisos gay λε woη wvun nu ke ebane bonyii bowene

18 Ε bonyii bò è nu bo yî woη wvun e bane ben, é ben no kee λε bó to yaw kew no bane ε è nu me ε se no bane ben.

19 Ε ben be nu bonyii bo yî woη wvun e, tu bonyii bò è nu bo yî woη wvun e be kooηke ben diεwε bonyii bobole. Geenεn, ke ben baa nu bonyii bo yî

won wvun e ke. Me nu e ncaw wase ben e mbvuse ente jo bonyii bo yî won wvun e. E nee fiεε fi bonyii bò è nu bo yî won wvun e bane ben.

20 Ben ekume njeme wvù me nto njemyεε ê ben ε ke waa lemme ké no kuuke fele cee εkolε we ke. E bó bone bikaa ê me εjim, tu bó nu ke ebon tεn ê ben εjim. E è be nu ε bó yuuke njeme wεm e, tu bó nu ke eyuw tεn wene le.

21 Fin nu fiεε fi bó nu ke ege bô ben nje me, njefo ke bó yaa kee wvù wvù to tumεε me ke.

22 E è be baa nu ε me nu ε nto ε njeme ê bó, tu bó be baa ekeηke jay ke. Geenεn, keseen nu ε ke bó keηke fiεε keetanε diuw dvú yî bibefε bibole ke.

23 Wee wvù bane me nu ε wvù bane Icεm tεn.

24 E è be baa nu ε me nu ε ηge kfuu dilemme di wee ke baa yuu ge wase entelεη jo bó, tu bó be baa ekeηke jay ke. Geenεn bó nu ε yεn, ε no bane ke me noo Icεm.

25 Fifi nu nonεn keege é diεw eto ekocεn no bó to saηεε ê Nwa' bonci bobole ε,
'Bó ban me εcici.'

26 Geenεn, Wee Nfi wvù me nu ηke enciinse nu ke eto ε wvù nε fô Icεm e. Wee Nfi wvun nu wvù è nu naa Keyoy ke kecεεy e kè nen'yi fô Icεm e. Seke wvù ε to, wvù nu ke eben jim nsaw wεm.

27 Ben tεn nu ke eben jim nsaw wεm, njefo ben nu ε no nu beene ε kew fonkεw."

16

1 "Me njemyi mwεεm mvun mvunciim ê ben

15:20 13:16 15:21 16:3 15:22 9:41 15:23 Luk 10:16; Jon 5:23; 1Jon 2:23 15:24 5:36 15:25 Mben 69:4; 35:19 15:26 1:15; 5:36; 14:16; 1Jon 5:6-9 15:27 1:14; Lem 1:8; 1Jon 1:2; 4:14

wvu ɛ fo ben ke egbwe yî mbee wene le ke.

² Bó nu ke ekun ben yéw bunle le. Yî keceey e, kefew too lo kè wee nu ke edioo yuu wee mvu ben e, eyuu kpwaake ɛ wen gee ɛ è nu lemme di jee fô Nyo' le.

³ E bó nu ke egee nonen, njefo ke bó baa kiee wase Icem kenee me ke.

⁴ Me njemyi mwεem mvun mvunciim ê ben nen wvu ɛ seke kefew kedvu ɛ kocen, é ben ekume ɛ me nto nu ɛ njeme wase ê ben ekumε mvú.

Lemme di Keyoy ke Yuule nu ke eto egee

Me nto mbaa njeme mwεem mvun ê ben fonjkew ke, njefo me nto njké no nu ke beene.

⁵ Keseen nu ɛ me ntuu wase jim fô wvú wvù to tumεε me le. Geenεn, wee mvu ben e baa cim bife ê me ɛ laa me ηgene fee ɛ.

⁶ Ben nu yii yii njefo me nu ɛ njeme wase mwεem mvun ê ben.

⁷ Naa no fí cim nu nonen, é me ensee ê ben keceey ɛ, è nu lo fiεε fi jee fô ben e ɛ me enjen. E me nu se me ɛ ηgen, Wee Nfi wε saa eto fô ben e ke. Geenεn, é me ηgen lo, emum enciinse wvú fô ben e.

⁸ E wvú nu ke edioo ɛ to, etooshe bonyii bò è nu bo yî won wvun e, ege é bó eyen kebefε kebole, ege é bó eyen fiεε fi è nu nce wvu teyey, ege ten é bó eyen fi è nu nsaw Nyo'.

⁹ Wvú nu ke ege é bó eyen kebefε kebole no bó baa lese fitele yî yem e ke,

10 ege é bó eyen fiεε fi è nu nce wvu teytey no me ηgene wase fô Icem e, ε ben yaa bεε ke ebvuu eyen me le κε.

11 Ε wvú nu ke ege é bó eyen fiεε fi è nu nsaw Nyo' njefo nfon wvù saake wonη wvun nu ε nsaw ε koo wase wvú.

12 Me mbεε ηκηηke naa mwεεm nteen keenjeme ê ben, geenen κε è nulo é mvú eley bitem binen e keseen ntay κε.

13 Seke wvú wvù Keyoy ke kecεεy e ε to, efi ben é ben ekiεε kecεεy kecii. Κε wvú yaa nu ke ejemyi ε è nu yî mvunηgay mwew e κε. Fiεε ficii fi wvú nu ε yuw nu fí fi wvú nu ke ejemyi, mum seje ê ben mwεεm mvù nu ke eto.

14 Wvú nu ke eduηce bvukuke bwem, no wvú nu ke ejoo ε è nu fiεε fi è nu fiem seje ê ben.

15 Fiεε fi Icem e ficii nu fiem. Ε nεε fiεε fi me ηgayte λε wvú nu ke ejoo ε è nu fiεε fi è nu fiem seje ê ben.

Yii boom bo ηgoo le bo Jisos e nu ke etu nlanlan

16 Ε shεete wase caan ben saa ebvuu eyen me le κε, dioo ε moocε caan é ben ebvuu ekase eyen me le.”

17 No Jisos jeme nonen, ε boom bew bo ηgoo le bomew ghay εbonebon λε, “Ε σε nu la fi wvú gayte ê beene λε, è shεete wase caan beene saa ebvuu eyen wen e κε, ke dioo ε moocε caan ebvuu ekase eyen wen e, bô λε wen gene fô Icee wen e?”

18 Fiεε fi wvú σε duu λε è shεete wase caan σε nu naa λε la? Κε beene baa κιεε fiεε fi wvú jemyi nonen κε.”

19 Ε Jisos dioo κιεε λε bó gomte keebife ê wen fiεε fi wen jeme, mum bife λε, “Ben ghayte εbenεben εκυμε fiεε fi me ηgayte λε, ‘Ε shεεte wase caan ben saa ebvuu eyen me le κε, ke dioo ε mooce caan é ben ebvuu ekase eyen me le’ le?”

20 Ε me ensee ê ben kecεεy kecεεy λε, ben nu ke ebeele kpwe, fuuηke ε bonyii bò è nu bo yî won ηwun lanlanε lo fibole. Ben nu ke enu yî yii le, geenεn ε yii yene yin nu ke enε etu nlanlan.

21 Kpwoon ké dioo nu yî lume le, no yuuke nsase, ηjefo kefew kew keeboo nu ε kocεn wase. Ε wvú ké dioo ε boo wase wan, wvú saa ebvuu ekumyi nsase wvudvu κε, ηjefo wvú yuuke wase ε è nu njon λε wee wvu wum nu ε to yî won e.

22 Ε nu κε no fî nu fô ben e keseen. Ben nu yii yii, geenεn ε me nu ηke endiioo ε ηkase ε n'yεn ben e, é ben εκεηke wase ε è nu nlanlan fô mvuntelem mvunεn e, ε wvuwε nlanlan nu ke enu wvù wee yaa nulo ke efi ê ben κε.

23 Ε nu ke enu kefew kekiε le, ben saa ebvuu ebife fiεε ê me κε. Ε me ensee ê ben kecεεy kecεεy λε, é ben bife naa la ê Icεm, é wvú enya fiεε fidvu ê ben ê diee diem e.

24 Ε κεw lo ε to ε buy keseen e, nu ε ben ke baa bife wase fiεε ê Icεm ê diee diem e κε. Ben ebife, é ben εκεηke, wvu λε nlanlan wene eyiηsen.

25 Me ηjemyi ηjeme wvun ε è nu κε ê bonηan e, geenεn kefew too lo kè me n'yaa mbεε ηke embvuu enjeme ê ben ê bonηan e κε. Me nu ηke enjemyi wase ê ben ε è nu endan εκυμε Icεm.

26 Ε nu ke enu kefew kekiε le, é ben biite fiεε ê Icεm ê diee diem e. Ke me ηgayte ê ben λε me nu

ηκε enλεκε fiεε ê Icεm ben e κε.

²⁷ Icεm kebεε koonke ben, njefo ben nu ε kon me ε byuu ε bee λε me nε fô wvú wvù Icεm e.

²⁸ Me nto nε fô Icεm e nto yî won wvun e, ε no nen'yi wase yî won wvun e ntuu jim fô Icεm e.”

²⁹ No Jisos jeme nonεn ε boom bew bo ηgoo le bense lo gay λε, “Aηghaa! Wo jemyi naa keseen teyεy ε è yaa bvuu nu ê bongan e κε!

³⁰ Keseen nu ε bese ε yεn wase λε wo kee mwεεm mvunciim yaa cεyte λε wee ke ebife κε lo fiεε ê wo κε. Fifiν nu ε ge bese ε mum ε bee λε wo nε fô Nyo' le.”

³¹ Ε Jisos tfuse ê bó λε, “Ben fεn nu ε bee keseen e?

³² Kefew too lo, ε kí ε to naa wase, kè ben nu ke etawse mwaan ηwaan é wee egεne ê wvú yew, cinε me le me εmbeη. Geenεn κε me nu me εmbeη κε, njefo Icεm nu bee wvú.

³³ Me njemyi mwεεm mvun ê ben wvu λε no ben nu yî yεm e, ben emum eκεηkè nyεkeey. Yî won wvun e nu ε ben κεηke bonγεw, geenεn ben esakenè. Me nu ε nso wase won wvun.”

17

Ε Jisos bunle fô bonyii bew e

¹ Ε Jisos ke jeme njeme wvun mεse, mum nε cake εjise taa we bunle λε, “Icεm, kefew nu ε kocεn wase. Duηce bvukuke bvυ Waa wo le wvu λε Wan tεn nulo eduηce bwuw bvukuke.

16:28 8:14 **16:32** Saka 13:7; Mat 26:31, 56 **16:33** 7:7; 14:27;
1Jon 5:4 **17:1** 2:4; 11:4; 12:16, 23, 41; 13:31-32; 14:13; 15:8; 16:14;
17:10, 22, 24

² Wvú nulo edunçe njefo wo nu ε nya mvunḡay ê wvú ê we jo wee wvu wum tfuu le wvú enya nshii wvù mēy lo ê boba bocii bò wo nu ε nya ê wvú.

³ E nshii wvù mēy lo wvun nu fin fi le bó ekeè wo wvù è nu ke wo Nyo' wvu keceey, ebvuu ekee ten me wvù Jisos Klistu wvù wo to tumεε le.

⁴ Me nu ε ndunçe wase bvukukε bwuw yî nshε le no me nu ε mēse lemme di wo to nyaε le me enlem e.

⁵ Yî keseen e Icεm, kase enya me bvukukε mbew yo le bvù me nto nshee ηκεηκε fwele ε won ḡ se ke kew e.

⁶ Me nu ε ndunçe wase wo ê bonyii bò wo to baayεε ê won jan nya ê me le. Bonyii ban to nu buw, ε wo mum nya bó ê me. E bó nu ε yuw diεw yo le.

⁷ Bó nu ε kiεε wase keseen le fiεε ficii fi me ηκεηκε nu ε fí nε ε è nu fô wo le.

⁸ Me njemyi nen njefo me nu ε nya wase diεw yî wo to nyaε ê me ê bó, bó ε fiisen, ε mum ε kiεε yî keceey e le me nε fô wo le, ε bee ten le è to tum wo me.

⁹ Me mbunlee nen ε è nu fô boban e. Ke me mbunlee ε è nu fô boba bò è nu bo yî won wvun e ke. Me mbunlee ε è nu fô boban bò wo nu ε nya ê me le, njefo è nu bonyii buw.

¹⁰ Bonyii bocii bò me ηκεηκε nu bonyii buw, ε bonyii bocii bò wo κεηκε nu bem. E nu yî bó le wvù bvukukε bwem yen'yi.

¹¹ Keseen nu ε me n'yaa mbεε ê won jan ke. Geenεn bó bεε ê won jan, ε me ηkaase wase ntoo

fô wo le. Icɛm wvù yuule, gɛɛɛ bó ê diee diuw di wo nu ɛ nya ê me le, wvu ɛ bó nulo enù yî wee le mwaan ɛ naa no bee wo nu yî wee le mwaan.

¹² Seke me nto nu bee bó, me nto nu ɛ ɲɛɛ bó ê diee diuw di wo nu ɛ nya ê me le. Me nu ɛ nɛyɛy bó wee mvu bó le baa la, ɛfey ɛ wvu wvù to nu wase wee wvù nu ke ela le. Ɛ fifin to nu wvu ɛ fiɛ fi bó saɲɛɛ ê ɲwa' Nyo' le eto ekocɛn.

¹³ Keseen nu ɛ me ɲkaase wase ntoo fô wo le, ɛ mwɛɛm mvun nu ɛ me ɲjɛmyi mbɛɛ yî won wvun e wvu ɛ è nulo é bó ekɛɲke ɲjɔɲ wvu wɛm ɛ wvù ɛ yɲsɛn yî bó le.

¹⁴ Me nu ɛ nya wase diɛw yo can yibole, bonyii bò è nu bo yî won wvun e ɛ mum ɛ no bane bó ɲjɛfo ɛ bó nu bonyii bo yî won wvun e ɛ, ɛɲɲɛɲ no ɛ me nu wee wvu yî won wvun e ɛ.

¹⁵ Ƙɛ me mbunlee nɛn ɛ wo ebvuse lo bó yî won wvun e ɛ. Me mbunlee ɛ è nu ɛ wo egemgem bó fo bó eley can wee kebefɛ wɛ le.

¹⁶ Ƙɛ bó nu bonyii bo yî won wvun e ɛ, ɛɲɲɛɲ no ɛ me nu wee wvu yî won wvun e ɛ.

¹⁷ Seyse bó egɛɛ é bó eyuulè ɛnte jo keɛɛy. Diɛw yo nu keɛɛy.

¹⁸ No wo to tumɛɛ me yî won wvun e, nu ɛ ɛɲɲɛɲ no me nu ɛ ntum bó yî won wvun e.

¹⁹ Me ɛ mum ɛ nseyse ɛkolɛ kem ɛ ɲɛɛ nje bó, wvu ɛ è nulo tɛn é bó eseyse bibole bikuu egɛɛ yî keɛɛy.

²⁰ Ƙɛ me mbunlee ɛ è nu fô bonyii ban e maan ɛ. Me mbunlee tɛn fô bonyii bocii bò nu ke eyuw diɛw yibole elese fitele yî yɛm e.

²¹ Me mbunlee ε bó bocii ke enu yî wee le mwaan̄ ke naa no wo wvù Icēm nu yî yem e ε me nu yî yo le. Me mbunlee ε bó tēn ke enu yî yese bee wo le wvu ε bonyii bō è nu bo yî won̄ wvun e ebee ε è to tum wo me.

²² Bvukukε bvù wo to buwεε me dvú nu ε me ε nya wase ê bó wvu ε bó nulo enù yî wee le mwaan̄, ke naa no bee wo nu yî wee le mwaan̄,

²³ ε me nu yî bó le, ε wo nu yî yem e. Le bó elooci nù yî wee le mwaan̄, non̄εn é bonyii bō è nu bo yî won̄ wvun e emum ekiεε le è tum wo me, ε wo koon̄ke bó ke naa no wo koon̄ke me.

²⁴ Icēm, me nshieele le boba bō wo nu ε nya ê me ke enu tēn bee bó fô me nu, wvu ε bó ke eyen̄ bvukukε bvù wo to nyaε ê me nje ken̄kon̄en̄ kuw fô me le ε won̄ wvun se ke kew e.

²⁵ Eey Icēm wvu teȳteȳ, ke bonyii bō è nu bo yî won̄ wvun e kee wo ke, geen̄en̄ ε me ηkee wo, ε bonyii bem ban nu ε kiεε le è tum wo me.

²⁶ Me nu ε ηge wase bó ε kiεε wo, ε me mbεε ηke en̄gee ke ε bó kee wo, wvu ε ken̄kon̄en̄ kè wo nu ε kon̄ me dvú nulo enu yî bó le, ε me tēn nu yî bó le.”

18

*ε bó tum bonyii bo nci le ε bó gen̄ koo Jisos
(Mat 26:47-56; Mak 14:43-50; Luk 22:47-53)*

¹ E Jisos ke bunle m̄ese, ε bō boom bew bo ηgoo le nε fó, gen̄ lente kelon̄ε kè bó ten̄ε le Kidlon, buy kewvu keki fô wεε ketaan̄ wvumew e, mum ley jó.

² Ε to nu ε Judas wvù to gesεε Jisos kee ten bvudvuu bvudvu, njefo Jisos bô boom bew bo ηgoo le to ké no gene taashi fó εfonεfon.

³ Nonεn, ε Judas mum γεν fó bô ηgoo bonyii bo nci le noo bonyii bomew bô to cεyte yew ncese. Bonyii ban nu ε è to tum bocee ncese bo baay baay noo Bofalasii bó. Bó to gene κηke bin'yeese bô dinguci ε bó ε tfuw noo mwεεm mvu jem e.

⁴ No Jisos to kee wase fiεε fi to nu keeke ekooy bô wvú, ε wvú mum bence to fwe, bife ê bó λε, “Ben gomte ε è nu yeε?”

⁵ Ε bó tfuse ê wvú λε, “Jisos wvu Nasalet.” Ε Jisos gay ê bó λε, “Ε nu me wvudvu.” Ε to nu ε Judas wvù to gesεε wvú leeme bô bonyii bodvu.

⁶ No Jisos gay ê bó λε è nu wen wvudvu, ε bó kaa tu lo jim jim, gbweken fokuse.

⁷ Ε wvú bvuu bife ê bó λε, “Ben gomte ε è nu yeε?” Ε bó tfuse λε, “Jisos wvu Nasalet.”

⁸ Ε Jisos gay ê bó λε, “Me nu ε nsee wase ê ben λε è nu me wvudvu. Ε ben fen gomte ε è nu me, ε ben cine ε bonyii ban no gene.”

⁹ Wvú to gay nonεn keege é fí eto ekocεn ê diεw yi wvú to jemyεε wase ê Nyo' λε wen to baa lase wee mwaan fô bô wvú to nyaε ê wen e κε.

¹⁰ Semon Bitá to κηke nyo jem. Ε wvú mum dvun ê ηku le, cun kentuntnη ke nfwa εκολε ke bocee ncese le ke εcεεy dvú, sum. Diee di nfwa wvudvu le to nu Malkus.

¹¹ Ε Jisos gay ê Bitá λε, “Kase etfuse nyo yo ê ηku le. Κε me nu εη'wu fiko fi ηγεw e fî Icεm nu ε nya ê me le?”

Ɛ bó jo Jisos gen dvú fô Annas e

¹² Ɛ ɛkolɛ ke bonyii bo nci le bô ngoo bonyii bo nci le noo bonyii bô to cɛyte yew ncese Bojuu mum ghen Jisos kay wvú bô bokfuu.

¹³ Ɛ bó yaw jo wvú gen dvú fô Annas e, njefo Annas to nu icee kpweɛ Kayfas wvù to nu ɛkolɛ ke bocee ncese le kelum kekiɛ le.

¹⁴ Kayfas wvun nu wvù to nyaɛ wase ntefe ê Bojuu ɛ fí jee ɛ wee mwaanj ekpwe fô bonyii le bocii.

Ɛ Bita tun ɛ ke wen kee Jisos ke

(Mat 26:69-70; Mak 14:66-68; Luk 22:55-57)

¹⁵ No bó to gene bô Jisos nonɛn, Semon Bita bô waa ngoo Jisos mvu to bii wvú le. No waa ngoo Jisos wvun to nu ɛ ɛkolɛ ke bocee ncese le kee wvú, ɛ wvú mum bi Jisos e gen ley fô lakfulɛɛn ɛkolɛ ke bocee ncese le.

¹⁶ Ɛ Bita shɛɛ no leeme ɛkfunj mbew diuw ketaanj e. Ɛ waa ngoo Jisos wvudvu wvù ɛkolɛ ke bocee ncese le to kee, kase buy to jeme bô wan kpwoon wvù to cɛyte diuw ketaanj, jo Bita ley bô wvú.

¹⁷ Ɛ wan kpwoon wvudvu bife ê Bita ɛ, “Kɛ wo nu tɛn wee ngoo wee wvun?” Ɛ Bita tfuse ɛ, “Kɛ me nu kɛ.”

¹⁸ Ɛ to nu ɛ ɛkfunj ɛɛ, ɛ boom bo lemme le bô bonyii bô to cɛyte yew ncese ɛ fwɛɛ nguy ɛ no leemene fó yosene. Ɛ Bita mum fey, gen no leeme bô bó yosene tɛn.

Ɛ ɛkolɛ ke bocee ncese le biwcɛ mwɛɛm ê Jisos

(Mat 26:59-66; Mak 14:55-64; Luk 22:66-71)

19 Ε εκολε ke bocee ncese le mum no biwci mwεεμ ê Jisos εκυμε boom bew bo ηgoo le noo εκυμε n'yeeyi we.

20 Ε Jisos tfuse ê wvú λ, “Me ηké no njemyi ê won tfuu ενdan. Me ηké no n'yeeyi bonyii yéw bunle le noo yew ncese le fô Bojuu bocii nu ε tase. Ke me ηke mbaa enjemyi wase fiεε ê nnyile le ke.

21 Wo biwci mwεεμ mvun ε è nu ê me nje la? Ε biwci ε è nu ê bonyii bò ké no yuuke no me n'yeeyi. Bó kee naa fiεε fi me ηké no njemyi.”

22 No Jisos jeme nonεn, ε wee mvu ηgoo bonyii bò to cεyte yew ncese wvù to leeme fó nceencee tum εbo ê wvú ενtuηtuη, bife ê wvú λ, “Ε yin nu je yì wo tfuuse fiεε jó ê εκολε ke bocee ncese le?”

23 Ε Jisos bife ê wvú λ, “Ε me fen nu ε njeme ε njay, é wo duηce jay wvudvu. Ε me fen njemyi ε è nu kecεey, wo ε kaa ε suη lo me nje la?”

24 Ε Annas mum ne ciinse Jisos fô Kayfas wvù εκολε ke bocee ncese le. Ε Jisos to bεε ke ε bó ε kay bô bokfuu.

Ε Bita bvuu tun λ ke wen kee Jisos ke

(Mat 26:71-75; Mak 14:69-72; Luk 22:58-62)

25 No Semon Bita to bεε leeme yosene ηguy, ε bonyii bife ê wvú λ, “Ke wo nu mvu ηgoo bonyii bew e?” Geenεn ε Bita tun gay λ, “Ke me nu mvu ke.”

26 Ε waa lemme εκολε ke bocee ncese le mvu bvuu bife ê Bita λ, “Me mbe mbaa n'yeη wo le ben ε wvú ê wεε ketaη wε le?” Waa lemme wvudvu to nu wee kfuu di wee wε wvù Bita to sumεε kentηtuη kew e.

27 $\text{\textcircled{E}}$ Bita bvuu tun. $\text{\textcircled{K}}$ e sekedvu, $\text{\textcircled{\epsilon}}$ nyimshie mum toŋ.

$\text{\textcircled{E}}$ bó gen bô Jisos fô Baylet e

(Mat 27:1-2, 11-14; Mak 15:1-5; Luk 23:1-5)

28 $\text{\textcircled{E}}$ bonyii mum jo Jisos fô yew e fo Kayfas no gene dvú $\hat{\text{e}}$ ntow wee wvu Lum wvú to saake jó le. $\text{\textcircled{E}}$ to nu $\text{\textcircled{\epsilon}}$ è bæ lo entanentan. $\text{\textcircled{E}}$ bó dioo gen fanε yaa ley fibole gen $\hat{\text{e}}$ ntow wee wvudvu le $\text{\textcircled{k}}$ e, njefo $\hat{\text{e}}$ bó to ley lo, emum etuu ŋkfum, saa ebvuu edie Nkaw Danεfey $\text{\textcircled{k}}$ e.

29 Nonen $\text{\textcircled{\epsilon}}$ Baylet mum buy to yen bó le bife $\hat{\text{e}}$ bó le, “Fiε fi ben yen $\text{\textcircled{\epsilon}}$ wee wvun $\text{\textcircled{\epsilon}}$ jay nu la?”

30 $\text{\textcircled{E}}$ bó tfuse $\hat{\text{e}}$ wvú le, “ $\text{\textcircled{E}}$ wee wvun be baa buw fiε, tu bese baa too bô wvú keenya $\hat{\text{e}}$ wo $\text{\textcircled{k}}$ e.”

31 $\text{\textcircled{E}}$ Baylet tfuse $\hat{\text{e}}$ bó le, “Ben ejo wvú esaw bii no wene nci gomte.” $\text{\textcircled{E}}$ Bojuu gay $\hat{\text{e}}$ wvú le, “ $\text{\textcircled{K}}$ e bese kenke mvun gay keeyu wee $\text{\textcircled{k}}$ e.”

32 $\text{\textcircled{E}}$ njeme wvun mum to kocen $\hat{\text{e}}$ diew yí Jisos to jemyεε wase dunçi kfuw kpwe yí wvú to nu keeke ekpwe le.

33 $\text{\textcircled{E}}$ Baylet kase ley gen $\hat{\text{e}}$ ntow we le, tee $\text{\textcircled{\epsilon}}$ bó to bô Jisos, $\text{\textcircled{\epsilon}}$ wvú bife $\hat{\text{e}}$ wvú le, “ $\text{\textcircled{E}}$ nu wo wvú Nfon Bojuu le?”

34 $\text{\textcircled{E}}$ Jisos bife $\hat{\text{e}}$ wvú le, “Wo jemyi fin $\text{\textcircled{\epsilon}}$ è nu ŋkpawwε wvuwo, nuu è jeme wee $\hat{\text{e}}$ wo ekumε me le?”

35 $\text{\textcircled{E}}$ Baylet bife $\hat{\text{e}}$ wvú le, “Me nu wee Juu le? $\text{\textcircled{E}}$ nu bonyii buw bo won e bô bocee ncese bo baay baay bò to bô wo $\text{\textcircled{\epsilon}}$ nya $\hat{\text{e}}$ me. Wo jay $\text{\textcircled{\epsilon}}$ è nu la?”

36 $\text{\textcircled{E}}$ Jisos tfuse $\hat{\text{e}}$ wvú le, “ $\text{\textcircled{K}}$ e bvunfon bwem nu diewε bvú yí won wvun e $\text{\textcircled{k}}$ e. $\text{\textcircled{E}}$ bvunfon bwem

be nu diewε bvυ yî won̄ wvun e, tu bonyii bem bo lemme le be ε diu wvu le fo bó enya me can Bojuu le κε. Geenεn κε bvunfon bwem nu bvù nε yî won̄ wvun e κε.”

³⁷ Ε Baylet mum bife ê wvú le, “Κε tu wo nu Nfon?” Ε Jisos tfuse ê wvú le, “Ε nu no wo gay le me nu Nfon. Bó to boke me, ε me nto yî won̄ wvun e nje fin fi le me ento enjeme εκumε kecεεy. Wee tfuu wvù bii kecεεy e ké no yuuke diew yem e.”

³⁸ Ε Baylet ghay le, “Kecεεy nu la?” No wvú ghay nonεn mum kase buy γεν yεn Bojuu ba le gay ê bó le, “Me mbaa n'yεn fiεε fi wvú jay e κε.

³⁹ Geenεn ben κεηκε nce wene mvu le è ké dīoo nu kefew ke Nkaw Danefey e, ε me mbvuse wee ncaw mwaan̄ yew. Ben gomte le me embvuse ε è nu Nfon wene Bojuu le?”

⁴⁰ Ε Bojuu bodvu wam lo foweεwe le, “Aay, κε bese gomte wee wvun κε, bvuse ε è nu Balabas!” Balabas wvun to nu εκufe ke coon̄ e.

19

¹ Ε Baylet mum jo Jisos nya ε bó njin bô bon̄gbwan.

² Ε bonyii bo nci le lu kefo ke bvunfon e ε kí nu bíay bíay bon̄ ê wvú εfa, jo ndvu bvunfon ε yí yεεle lo, shfuse yî ye le.

³ Ε bó mum no too fô wvú le bune wvú gayte le, “Bīaa kembaan! Nfon Bojuu!” No bó gee nonεn no njine wvú bô can.

⁴ Ε Baylet bvuu buy εκfun̄ gay ê bonyii le, “Ben eyen, me nu embvuse wee wvun enya ê ben, wvu le ben ekiεε le me mbaa en'yεn fiεε fi wvú jay e κε.”

⁵ Ɛ Jisos mum buy no too bô kefo ke bíay e efa noo ndvu bvunfon ye le. Ɛ Baylet mum gay ê bó le, “Ben etaa eyen wee wvudvu wvun!”

⁶ Ɛ bocee ncese bo baay baay bô bonyii bò to ceyte yew ncese dioo yen wvú le nonen, mum no wamte lo le, “Ta lo wvú yî kentam e, ta lo wvú yî kentam e!” Ɛ Baylet gay ê bó le, “Ben ejo wvú bô can yene eta yî kentam e, njefo me mbaa en'yen jay we le ke.”

⁷ Ɛ Bojuu bodvu tfuse ê wvú le, “Bese kenke nci wese, e nci wvudvu duŋci le wvú kenke keekpwe, njefo wvú nu e ge ekole kew le wen nu Waa Nyo'.”

⁸ Ɛ Baylet dioo yuw njeme wvun bvuu kenke lo nfan baay.

⁹ Ɛ bô Jisos bvuu tu jim ê kebuw e, e wvú bife ê Jisos le, “Wo ne fee?” Geen e Jisos fan e yaa tfuse fi e ke.”

¹⁰ Ɛ Baylet bife ê Jisos le, “Ke wo nu ejeme ê me le? Ke wo kee le me kenke mvungay keencine wo le mbvuu kenke mvungay keengay é bó eta wo yî kentam e le?”

¹¹ Ɛ Jisos tfuse ê wvú le, “Ke wo bee ekenke mvungay ê me we se bó to nya mvungay mvudvu ê wo fowe ke. Nonen nje fifin, wee wvú nya me can yo le nu e wvú kenke kebef e kí kuuke fele kuw.”

¹² Ɛ Baylet dioo yuw njeme wvun, mum kew no gomte je keecine wvú le. Geen e Bojuu wam lo fowe e le, “E wo mom lo e cine wee wvun e, tu ke wo nu nsaa Kaysa wvú Nfon wvu baay wvu Lum ke. Wee tfuu wvú bense ekole kew le wen nu nfon

nu wee bvuban wvu Kaysa.”

¹³ Ε Baylet dioo bvuu yuw wvun njeme, mum buy bô Jisos, shii yî kentaw ke nsaw e fô bó to teje le Bvudvuu bvù bó bom bô Eta, teje ê díew Ibulu le le Gabata.

¹⁴ Ε to nu wase Diuu di Nseyse wvu Nkaw Danefey e, ε kefew to nu wase diewε didiuu yuufe ncow difεε le. Ε Baylet jeme ê Bojuu le, “Ben etaa eyen Nfon wene wvun!”

¹⁵ Ε Bojuu bodvu no wamte lo le, “Gene lo bô wvú, gene lo bô wvú, ta lo wvú yî kentam e!” Ε Baylet bife ê bó le, “Me enta Nfon wene yî kentam e le?” Ε bocee ncese bo baay baay tfuse ê wvú le, “Ke bese kenke Nfon mvu efey Kaysa ke.”

¹⁶ Ε Baylet mum nya Jisos ê bó le bó egen eta yî kentam e.

Ε bó ta Jisos yî kentam e

(Mat 27:32-44; Mak 15:21-32; Luk 23:26-43)

¹⁷ Ε bó mum jo Jisos, buy bô wvú. Ε wvú tuu kentam kew no gene fô bó teje le Ngbwow Ekole, teje ê díew Ibulu le le Golgota.

¹⁸ Ε bó mum gen ta wvú fó yî kentam e, ta ten bonyii bomew bofεε yî bintam e, wvumvu εεεy, wvumvu enkonko, ε Jisos no nu entelen.

¹⁹ Ε Baylet ten san fiεε fimew ε bó ta yî kentam ke Jisos e. Fiεε fi wvú to sanεε fidvu to nu le, “Jisos wvu Nasalet, Nfon Bojuu.”

²⁰ Bojuu nteen to nu ε tan fiεε fi wvú to sanεε fidvu, njefo fô bó to taε Jisos yî kentam e to nu nceencee mbew kelaante le, ε wvú to san fiεε fin ê díew Ibulu bô yi Latin noo yi Glek e.

21 Ε bocee ncese bo baay baay bo Bojuu le γεν gay ê Baylet le, “Fo wo esaη le, ‘Nfon Bojuu’ ke. Saηε ε è nu le, ‘Wee wvun duu le wen nu Nfon Bojuu.’ ”

22 Ε Baylet tfuse ê bó le, “Fiεε fi me nsaη nu ε me ε nsaη wase.”

23 No bonyii bo nci le to taε wase Jisos yî kentam e, mum jo ndvú ye gaw ê bikuu bibole mondvuum monεm no bó to nu. Bó to nu ε jo naa noo kekum kew. Geenεn ε kekum kin nu ε bó to tum ke lo kenlaaten e ε kew yî kendoη e ε bow ε buy yî bikaa le.

24 Nonεn ε bó mum jeme εbonεbon le, “Fo beene esaa kekum kin ke. Beene etum kaη, eyεn wee wvù nu ekeηke.” Fifiη to kooyi keege é fi eto ekocεn no bó to saηεε ê Nwa' Nyo' le le,

“Bó to nu ε gaw ndvú yεm fô bikuu bibole, tum kaη bô kekum kem.”

Nonεn bonyii bo nci le bodvu to nu ε ge ke naa fiεε fidvu fin.

25 Geenεn, bokεne bomew to leeme fó mbew kentam ke Jisos e. Bokεneε ban to nu bwee Jisos bô waa bwee bwee Jisos wvù kpwoon noo Maalia wvù kpwεε Klobas noo Maalia Magdalen.

26 Ε Jisos ke dioo enε eyεn bwee le noo waa we ηgoo wε wvù wvù to kooηke ε bó leeme mbew ye le, ε wvù gay ê bwee le, “Kpwoon, taa eyεn, wvun nu wase waa wo.”

27 No wvù gay nonεn kase gay ten ê waa we ηgoo wε le, “Taa eyεn, wvun nu wase bwoo.” Ε kew sekekie le ε waa we ηgoo wvudvu mum jo bwee Jisos ε wvù γεν no cee wase ε è nu yew dvu wvù.

*Ɛ Jisos kpwe**(Mat 27:45-56; Mak 15:33-41; Luk 23:44-49)*

²⁸ Ɛjim jodvu no Jisos to kee wase le fiεε ficii nu ε ka wase, ε wvú mum nε jeme keege é fí eto ekocεn no bó sanεε é Nwa' Nyo' le ε,
 “Kendon yumte me.”

²⁹ Nsεfe mvu to leeme fó bô mbvuum mo ngbwayngbwayi jó ε mó ε yinεn. Ɛ bonyii bo nci le bodvu mum ffum kusha jó bon yî fite fi isob e nεke diuw we le. *

³⁰ Ɛ Jisos dioo fi mbvuum modvu mum gay le, “Fí ε ka wase.” No wvú gay nonεn, ngvuke εkolε, ε keyoy kew mum buy.

Ɛ bó bon dita di Jisos e

³¹ No εbvubwε to nu wase Diuu di Nseyse le keeley diuu di mbam e, ε Bojuu no gomte keege le fo εgvun yodvu ke emεy enu yî bintam e diuu di mbam e kε, (tete ε mbam wvudvu to nu wvu baay). Ɛ bó mum gεn yεn Baylet e lekε le wvú egay é bó engoce bikaa bi bonyii bò to nu yî bintam e bodvu wvu le bó eyanεn ekpweken é bó eshike, ecake.

³² Nonεn ε bonyii bo nci le mum to ngoce bikaa bi wee wvu fwe le, ngoce ten bi wvumvu we wvù bó to taε bô wvú le.

³³ Geenεn, ε bó ke dioo to buy fô Jisos e, yεn le wvú be ε kpwe wase, ε bó fanε yaa bvuu ngoce bikaa biew kε.

³⁴ Ɛ wee mvu ngoo bonyii bo nci le bon dita di Jisos e bô goo. No wvú bon nonεn, kan mwaan ε εlεmε bô joo ta buy fó.

19:28 Mben 22:15; 69:22 **19:29** Mben 69:21 * **19:29** Isob wvun nu diee di kete kemew e. **19:31** Dito 21:22-23 **19:34** 1Jon 5:6

35 Wee wvù to yeneε mwεεm mvun e nu ε wvù ε ben jim nsaw wvudvu, ε njeme we nu keceεy, ε wvù kee lo ε wen jemyi ε è nu keceεy wvu ε ben nulo ebee.

36 Mwεεm mvun to kooyi wvu ε fiεε fi bó to saηεε ê Nwa' Nyo' le eto ekocεn no bó saηεε ε, “Ke ekufe kew kemwaan nu ε bó nu ke εηgoy ke.”

37 Ε fi bvuu nu ε bó ε saη bvudvuu bvumew e ê Nwa' Nyo' le ε, “Bonyii nu ke etaale wee wvudvu wε wvù bó nu ε bon bô goo.”

Ε bó dwey Jisos

(Mat 27:57-61; Mak 15:42-47; Luk 23:50-56)

38 Ejim jodvu ε Yosεw wvu Alimatia nε γεn γεn Baylet e lekε ε wvù ebee é wen ecake gvune di Jisos e. Yosεw wvun to nu wee ηgoo Jisos geenεn ε è nu ke ejim ejim njefo wvù to fane Bojuu. Ε Baylet bee, ε wvù mum γεn keecake gvune didvu.

39 Nikodemus wvù to yawεε γεn γεn Jisos e entaη jomew to nu ε to ten bô bifuu bimew bi shfuunkene ε bó taashe ε kene bô mεel noo alos ε bvujite bvudvu nu ke diεwε bokilu mbaanshe ncow botete le.

40 Ε bô wvù mum shike gvune di Jisos e njime bô ndvù ε bó ε yefe bô nfley wε no ndwey wee to ké no nu ê nce won Bojuu le.

41 Ε to nu ε wεε kentaη wvumew nu mbew fò bó to taε Jisos yî kentam e. Ε wεε wvudvu nu ε jem yi fiε mi nu dvù ε bó ke baa edwey wase wee jó ke.

42 Nonen no ebvubwe to nu wase Diuu di Bojuu le di Nseyse wvu diuu di Mbam e, ε jem yidvu nu ten nceencee, ε bó mum lese Jisos jó. †

20

Ε bó gom gvune di Jisos e ηkuuη

(Mat 28:1-8; Mak 16:1-8; Luk 24:1-12)

1 Ε è ke no nu diuu di fwe yí kema le, ε Maalia Magdalen buy ja lo kebitele, γεν fô jem, yen ε bó ε cake wase τε δι bó to banεε diuw jem dvú.

2 Nonen ε wvú mum lewte γεν yen Semon Bitale bô waa ηgoo Jisos mvu we wvú Jisos to koonke le, gay ê bó le, “Bó nu ε bvuse wase Tata ê jem, ε bese yaa kee laa bó γεke fεε wvú le.”

3 Ε Bitale bô waa ηgoo Jisos we mum buy no gene fô jem.

4 Bó to gene lewte lo, geenen ε waa ηgoo Jisos we lewte fey Bitale yaw fεse fô jem.

5 No wvú fεse, ηgvuwce taa, yen ε ndvú yì bó njimεε yí Jisos e jiime jó. Ε wvú taa nonen fanε yaa ley jó ke.

6 Ε Semon Bitale bi wvú le fεse fô, mum ley lo γεν ê jem. No wvú ley, yen ke ε è nu ndvú ye le ε yí jiime,

7 noo fincake fi ndvu le fi bó to njimεε ekole ke Jisos e dvú, ε fí yaa jiime bô yimi ndvú ye ke. Geenε ε bó kewe ε γεε bwew bvudvuu le εfinεfin.

8 Ε waa ηgoo Jisos mvu we wvú to yawεε efεse fô jem mum ley ten γεν ê jem yen fiεε fin e mum bee.

† 19:42 Bó to lese Jisos jó nonen wvu le mbam ke edioo ε fey, é bó emum eto elooce edwey wvú ê ndwey wvubole. 20:2 13:23

20:6 11:44

⁹ Ɛ to nu ɛ bó baa cim kiɛɛ wase kenyi ke fiɛɛ fi nu ê N'wa' Nyo' le le Jisos to keŋke keeke ebuy yî kpwe le ke.

Ɛ Jisos duŋɛ ekolɛ kew ê Maalia Magdalen

¹⁰ Ɛ boom bo ŋgoo le bo Jisos e ba kase kfulɛ fô yew e.

¹¹ Geenɛn ɛ Maalia shɛɛ no leeme beele fô jem. No wvú to beele ke ne ŋgvuwɛ taa ê jem,

¹² yɛn bonceendaa bo Nyo' le bofɛɛ ɛ bó ɛ tfume ndvú yì baa ɛ shii fò bó to jikɛɛ gvune di Jisos e, wvumvu fô ekolɛ ke Jisos e to jiime, wvumvu fô bikaa biew to jiime.

¹³ Ɛ bonceendaa bo Nyo' le bodvu bife ê wvú le, “Kpwoon, wo beele la?” Ɛ wvú tfuse le, “Me mbeele njefo bó nu ɛ cake Tata wɛm ɛ ne dvú ɛ me n'yaa ŋkee fò bó gɛke wvú ke.”

¹⁴ No wvú gay nonɛn, dioo banke ye yɛn ɛ Jisos leeme. Geenɛn ɛ wvú faŋɛ yaa kiɛɛ le è nu Jisos ke.

¹⁵ Ɛ Jisos bife ê wvú le, “Kpwoon, wo beele la? Wo gomte ɛ è nu yɛɛ?” Ɛ Maalia mum no kpwaake le è nu wee wvú taale fô wɛɛ ketaan wvudvu le. Ɛ wvú mum gay ê wvú le, “Icɛm, é wo fɛn nu ɛ tuu wvú ɛ ne dvú, é wo see fò wo gɛke wvú é me enɛn enjo ene dvú.”

¹⁶ Ɛ Jisos ne ben wvú le, “Maalia.” Ɛ wvú banke ye tee wvú ê díɛw yibo Ibulu le le, “Laboni,” fi nu le, “Wee n'yɛɛyi.”

¹⁷ Ɛ Jisos gay ê wvú le, “Fo wo ejicì me le ke, njefo me mbaa mben wase fô Icɛm e ke. Genɛ ɛ è nu fô boom bo bwɛɛm e esee ê bó le me mbene wase fô

Icem wvù è nu ten Icen e noo fô Nyo' wem wvù è nu ten Nyo' wene le.”

¹⁸ E Maalia Magdalen mum gen see ê boom bo Jisos e bo ηgoo le le wen nu ε yen Tata le, bvuu see ê bó le wvú nu ε jeme mwεem mvun ê wen.

*E Jisos dunçe ekole kew ê boom bew bo ηgoo le
(Mat 28:16-20; Mak 16:14-18; Luk 24:36-49)*

¹⁹ E è ke no nu fokieguu εbvubwe bvù è to nu diuu di fwe yî kema le, ε boom bo ηgoo le bo Jisos e nu yew ε bó ε fen'yε bimbuη, njefo bó to fane Bojuu. E Jisos ke ne buynen leem ê bó enteleη, gay bó le le, “Kembonen enù fô ben e.”

²⁰ No wvú gay bó le nonen, mum dunçe can ye bô dita diew ê bó. E boom bo Jisos e bo ηgoo le yuw njon baay no bó yenεε Tata le.

²¹ E Jisos bvuu kase gay ê bó le, “Kembonen enù fô ben e. No Icem to tumεε me, nu ke lenleη no me ntumte ben keseen.”

²² No wvú gay nonen, mum yoy yî bó le gay le, “Ben efiisen Keyoy ke Yuule.

²³ E ben leeshi bibefe bi wee le, tu Nyo' nu ε leeshε wase. Ben é cine se ben ε leeshε, tu bí ε mey wase.”

E Jisos dunçe ekole kew ê Toma

²⁴ E to nu seke Jisos to toε fô boom bew bo ηgoo le, ke Toma wvù to nu ηgoo boom bo yuufe ncow bofεε le wvù bó to teηe diee diew dimew le Eman to nu bô bó ke.

²⁵ E kebese ke boom bo ηgoo le bo Jisos e ke mum gay ê wvú le, “Bese be ε yen Tata le.” Geenεn, ε wvú gay fiew ê bó le, “E me nu se me ε ηke ε n'yen dew

bíen yε le yî can ye le, ε nlese kpwan εbo ê dew bíen yidvu le, ε nlese tεn kebo kem yî dita diew e, me nsaa mbee naa lo κε.”

²⁶ Ε kema kum, ε boom bo Jisos e bo ηgoo le bvuu no nu yew ε Toma nu tεn bô bó, ε dew fwese nu ε bó ε fen'yε. Geenεn, ε Jisos nε buynεn ê bó εntelεn, gay bó le κε, “Kembonεn enù fô ben e.”

²⁷ No wvú gay nonεn, mum gay ê Toma κε, “Lese kpwan wo εbo yî can yεm e, eyen no yí nu, ebvuu elese tεn εbo kuw yî dita diem e. Fo wo eκεηkε kemaηεn κε, bee.”

²⁸ Ε Toma mum tfuse lo κε, “Tata wεm, noo Nyo' wεm.”

²⁹ Ε Jisos gay ê wvú κε, “Wo fen nu ε bee keseen njefo wo nu ε yen me le? Njon wvu baay nu fô bonyii bò baa yen me le κε, geenεn ε bee le.”

Shiee ηwa' wvun

³⁰ Jisos to nu ε ge mwεεm nteen mvù dunçi mvunηgay mvu Nyo' le ε boom bew bo ηgoo le yen, ε bó baa saη ê ηwa' wvun e κε.

³¹ Geenεn ε mvun mvù bó nu ε saη nu keege κε ben ebee κε Jisos nu Mboyse wvù Nyo' to kawεε, nu Waa Nyo'. Ε ben beηe nonεn, é ben ke eκεηkε nshii wvù mεy lo nje diee diew.

21

Ε Jisos dunçe εkolε kew ê boom bew bo ηgoo le mbew mamase le

¹ Ejim jodvu ε Jisos ke bvuu dunçe εkolε kew ê boom bew bo ηgoo le mbew Mamase yì Tibεlias e. Fí to kooy ê yin je le:

² Semon Bitá bô Toma wvù bó to teje le Emam, noo Nataniel wvu Kana keba kè Galilee le, noo boom bo Sebēdee le, noo boom bo ηgoo le bo Jisos e bomew bofεε to nu bvudvuu bvumwaan.

³ E Semon Bitá nε gay ê bó le, “Me nu enlaa byé.” E bó gay ê wvú le, “Beene nu elaa.” E bô bó mum buy gen ley ê kekonj e. Geenεn ke ghan ce ê joo ε bó baa koo lo fiεε ke.

⁴ E ekfuj ke no yuule too, ε Jisos to leem ηgem joo le, ε boom bew bo ηgoo le fanε yaa kiεε le è nu wvú ke.

⁵ E Jisos bife ê bó le, “Boom bem, ben nu ε koo ke byé?” E bó tfuse le, “Aay.”

⁶ E wvú gay ê bó le, “Ben elanj kensanj je εbo εceεy jo kekonj é ben ekoo fiεε.” E bó mum lanj, ε kí mum nε no ghaake bó keegufe, njefo bó to nu ε koo byé jó nteen.

⁷ E waa ηgoo Jisos wε wvù Jisos to koonke dīoo yen nonεn mum gay ê Bitá le, “E nu Tata.” No Semon Bitá yuw le è nu Tata, mum jise ndvú ye njefo wvú to nu ye ye. No wvú jise nonεn mum sele ê joo no gene fô Jisos e.

⁸ Geenεn ε bomew boom bo ηgoo le ba no bii ê kekonj e guute kensanj kiε ε kí ε yinεn bô byé. Ke bó to bεε ncejole keebuy εηkpwaante ke. Bontam to sheke ke wase diεwε ηkenkenj mbaanshen e.

⁹ E bó gen fεse εηkpwaante yen ηguy e ε wvú keyte lo yî bika le, ε byé nu yî dvú le, ε blεed nu tεn fó.

¹⁰ E Jisos gay ê bó le, “Ben eto bô byé yimi yî ben konte.”

¹¹ Nonεn ε Semon Bitá γεν ben ê kekonj e gufe kensanj buy dvú ενkpwaante ε kí ε yinjsen bô byé yì fanjken gbwee kecow mbaanshen ncow she (153). Naa no yì to cim nu nteen nεn, kensanj to baa semken ke.

¹² Ε Jisos gay ê bó le, “Ben eto ediekεn.” Wee mwaan boom bew bo ηgoo le to baa cim mom naa lo ebife ê wvú le laa è nu wvú wvú yεε le. Bó to nu ε kiεε lo le è nu Tata.

¹³ Ε Jisos mum γεν jo blεed wε nya ê bó noo byé yε fó.

¹⁴ Fin to nu wase bokanj botεte no Jisos to dunjεε εkolε kew ê boom bew bo ηgoo le ε kew no wvú to buyεε yì kpwe le.

Ε Jisos kase nya lemme ê Bitá

¹⁵ Ε bó ke dieken mεse, ε Jisos ben Bitá bife ê wvú le, “Semon waa Jon, wo koonjke me fele bomew ban e?” Ε wvú tfuse le, “Εε Tata, wo kee lo le me ηkoonjke wo.” Ε Jisos gay ê wvú le, “Ε nyanyì boom bem bo njée le.”

¹⁶ Ε Jisos bvuu ben wvú yì bokanj e bofεε bife ê wvú le, “Semon waa Jon, wo koonjke me?” Ε wvú tfuse le, “Εε Tata, wo kee lo le me ηkoonjke wo.” Ε wvú gay ê wvú le, “Ε taalè fô njée yεm e.”

¹⁷ Ε Jisos bvuu ben wvú yì bokanj e botεte bife ê wvú le, “Semon waa Jon, wo koonjke me?” Ε Bitá yuw no Jisos bife ê wvú yì bokanj e botεte le laa wvú koonjke wen ε, ε fí ffumse lo wvú. Ε wvú gay ê Jisos le, “Tata, wo kee fiεε ficii, wo kee lo le me ηkoonjke wo.” Ε Jisos gay ê wvú le, “Ε nyanyi njée yεm.

18 Ɛ me ensee ê wo keceey keceey ƙe, seke wo to bee cuwee, è to ké kay wo kecaw kuw no gene fô wo koonke. Geen en seke wo ƙ lun wase nu ƙ wo nu ke ecake can we é ekay wee mvu kecaw yí yo le, ejo wo egen dvú fô wo yaa koonke keegen ƙe.”

19 Jisos to jemyi fin dunɔi ƙ è nu kfuu kpwe yì Bitá to nu keeke ekpwe eto bô diee dì kuuke dvú fô Nyo' le. No Jisos jeme non en mum gay ê wvú ƙe, “Ɛ bìi me le.”

20 Ɛ Bitá dīoo banke ye yen ƙ waa ngoo we wvú Jisos to koonke bìi bó le. Waa ngoo wvun nu wvú to yeem ƙ gen yì Jisos e seke bô bó to diekene ekiɛguu yì kemese le bife ê wvú ƙe, “Tata, è nu yee wvudvu wvú nu ke egese wo?”

21 No Bitá yen ƙ ƙ waa ngoo wvudvu bìi bó le, ƙ wvú bife ê Jisos ƙe, “Tata, fi wee wvun e nu ƙe la?”

22 Ɛ Jisos tfuse ê wvú ƙe, “Ɛ me nɔim mbe nshieele ƙ wvú emey enu egen ebuy no me nke enkase ento, é fifi ekenke la keege bô wo? Ɛ bìi me le.”

23 No Jisos gayee non en, ƙ njeme ke mum no gene entelen jo bonyii bo mbee le ƙ ƙe waa ngoo Jisos wvun nu ke ekpwe ƙe. Geen en ƙ Jisos to baa gayte ƙ ƙe wvú nu ke ekpwe ƙe. Wvú to gay ƙe ƙe, “Ɛ me nɔim mbe nshieele ƙ wvú emey enu egen ebuy no me nke enkase ento, é fifi ekenke la keege bô wo.”

Ɛkumɛ wee wvú san ŋwa' wvun

24 Waa ngoo wvudvu wvun nu wvú jemyi ekumɛ mwɛɛm mvun, ƙ è nu wvú wvú nu ƙ san mwɛɛm mvudvu, ƙ bese kee lo ƙ fi ƙe fi wvú jemyi ekumɛ fi nu keceey.

25 Mwεεm mvumew nu tɛn dvú nteen mvù Jisos to geε, ε è be nu le bó esaη mvunciim, é me en'ylene le ke εkolε ke nshε le kecii nulo ekeηke fò bó egεε boηwa' bodvu ke.

**Nwa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
5b12a3f8-7a2a-5b6f-b1da-1bf94b13fc2e